

DOGFENNAU SY'N MYND GYDA'R BIL  
Caiff Nodiadau Esboniadol a Memorandwm Esboniadol eu hargraffu ar wahân.

Bil Drafft Addysg Drydyddol ac Ymchwil  
(Cymru)  
[DRAFFT YMGYNGHORI]

CYNNWYS

RHAN 1

FFRAMWAITH STRATEGOL AR GYFER ADDYSG DRYDYDDOL AC YMCHWIL

*Y Comisiwn*

- 1 Sefydlu'r Comisiwn Addysg Drydyddol ac Ymchwil
- 2 Dyletswyddau cyffredinol y Comisiwn

*Strategaeth ar gyfer addysg drydyddol ac ymchwil*

- 3 Datganiad o flaenoriaethau strategol
- 4 Cynllun strategol ar gyfer y Comisiwn
- 5 Cymeradwyo, cyhoeddi a gweithredu'r cynllun strategol
- 6 Adolygu'r cynllun strategol

*Amcanion strategol penodol*

- 7 Cenhadaeth ddinesig
- 8 Dyletswyddau mewn perthynas ag addysg drydyddol cyfrwng Cymraeg

*Diddymu Cyngor Cyllido Addysg Uwch Cymru*

- 9 Diddymu Cyngor Cyllido Addysg Uwch Cymru
- 10 Cynlluniau trosglwyddo

RHAN 2

COFRESTRU A RHEOLEIDDIO DARPARWYR ADDYSG DRYDYDDOL

PENNOD 1

COFRESTRU DARPARWYR ADDYSG DRYDYDDOL

*Y gofrestr a'r weithdrefn gofrestru*

- 11 Y gofrestr
- 12 Y weithdrefn gofrestru

*Amodau cofrestru*

- 13 Amodau cofrestru cychwynnol
- 14 Amodau cofrestru parhaus cyffredinol

- 15 Amodau cofrestru parhaus penodol
- 16 Amodau cymesur etc.
- 17 Amodau cofrestru parhaus mandadol ar gyfer pob sefydliad cofrestredig
- 18 Amod cofrestru parhaus mandadol ar gynlluniau mynediad a chyfle a'r terfyn ffioedd
- 19 Amod cofrestru parhaus mandadol ar ddatganiad cyfle cyfartal
- 20 Pŵer i ddarparu ar gyfer amodau cofrestru parhaus mandadol pellach
- 21 Dyletswydd y Comisiwn i roi canllawiau ynghylch amodau cofrestru parhaus

*Monitro a gorfodi amodau cofrestru*

- 22 Dyletswydd y Comisiwn i fonitro cydymffurfedd ag amodau cofrestru parhaus
- 23 Cyngor a chynhorthwy mewn cysylltiad â chydymffurfedd ag amodau cofrestru parhaus
- 24 Adolygiadau sy'n berthnasol i gydymffurfedd ag amodau cofrestru parhaus
- 25 Cyfarwyddydau mewn cysylltiad â methiant i gydymffurfio ag amodau cofrestru parhaus
- 26 Darpariaeth atodol ynghylch cyfarwyddydau o dan adran 25

*Datgofrestru*

- 27 Datgofrestru
- 28 Datgofrestru: y weithdrefn
- 29 Datgofrestru'n wirfoddol a datgofrestru gyda chydsyniad
- 30 Newid categori cofrestru heb gais

*Adolygiadau o benderfyniadau cofrestru*

- 31 Adolygiadau o benderfyniadau cofrestru

**PENNOD 2**

**CYNLLUNIAU MYNEDIAD A CHYFLE**

- 32 Cais gan sefydliad am gymeradwyaeth y Comisiwn i gynllun mynediad a chyfle
- 33 Y cyfnod y mae cynllun yn ymwneud ag ef
- 34 Terfyn ffioedd
- 35 Hybu cyfle cyfartal ac addysg drydyddol
- 36 Cymeradwyo cynllun mynediad a chyfle
- 37 Cyhoeddi cynllun cymeradwy
- 38 Dilysrwydd contractau
- 39 Dyletswydd y Comisiwn i fonitro a gwerthuso cydymffurfedd ac effeithiolrwydd
- 40 Hysbysiad ynghylch gwrthod cymeradwyo cynllun mynediad a chyfle newydd
- 41 Dyletswydd i dynnu cymeradwyaeth yn ôl

**PENNOD 3**

**SICRHAU ANSAWDD A GWELLA ANSAWDD**

*Swyddogaethau sicrhau ansawdd cyffredinol*

- 42 Fframweithiau sicrhau ansawdd
- 43 Dyletswydd i fonitro ansawdd addysg drydyddol reoleiddiedig ac i hybu gwelliant yn ansawdd yr addysg honno
- 44 Cyngor a chynhorthwy mewn cysylltiad ag ansawdd addysg drydyddol
- 45 Adolygiadau sy'n berthnasol i ansawdd addysg drydyddol

*Asesu ansawdd mewn addysg uwch*

- 46 Asesu ansawdd addysg uwch

- 47 Cynlluniau gweithredu yn dilyn asesiadau o dan adran 46  
48 Cyflawni swyddogaethau asesu addysg uwch gan gorff dynodedig  
*Arolygu addysg bellach neu hyfforddiant etc.*
- 49 Dyletswydd y Prif Arolygydd i arolygu ac adrodd  
50 Pŵer y Prif Arolygydd i arolygu ac adrodd  
51 Dyletswydd i ddarparu gwybodaeth a chyngor i'r Comisiwn  
52 Dyletswydd i ddarparu gwybodaeth a chyngor i Weinidogion Cymru  
53 Swyddogaethau ychwanegol y Prif Arolygydd  
54 Cynlluniau gweithredu yn dilyn arolygiadau gan y Prif Arolygydd  
55 Arolygiadau ardal  
56 Hawl mynediad a throseddau  
57 Arolygon ac astudiaethau  
58 Adroddiadau blynyddol  
59 Cynllun blynyddol y Prif Arolygydd  
60 Cyllido arolygiadau ac adroddiadau ar addysg bellach a hyfforddiant etc.

#### PENNOD 4

##### DARPARIAETHAU GORFODI A GWEITHDREFNOL PELLACH

###### *Ymyrryd yn ymddygiad sefydliadau addysg bellach*

- 61 Y seiliau dros ymyrryd  
62 Pwerau i ymyrryd  
63 Hysbysu gan y Comisiwn am y seiliau dros ymyrryd  
64 Datganiad Gweinidogion Cymru ar bwerau ymyrryd  
*Mynediad i wybodaeth a chyfleusterau*
- 65 Dyletswydd i gydweithredu  
66 Pwerau mynd i mewn ac arolygu  
*Y weithdrefn rhybuddio ac adolygu*
- 67 Cymhwyso adrannau 68 i 70  
68 Hysbysiadau a chyfarwyddydau arfaethedig: gofyniad i roi hysbysiad rhybuddio  
69 Yr wybodaeth sydd i'w rhoi gyda hysbysiadau a chyfarwyddydau a'r effaith tra bo adolygiad yn yr arfaeth  
70 Adolygu hysbysiadau a chyfarwyddydau  
71 Adolygydd penderfyniadau  
*Dyletswyddau amrywiol*
- 72 Dyletswydd i fonitro cynaliadwyedd ariannol ac adrodd arno  
73 Datganiad y Comisiwn ar swyddogaethau ymyrryd  
*Cyfarwyddydau*
- 74 Effaith cyfarwyddydau a'u gorfodi

#### PENNOD 5

##### CYFFREDINOL

- 75 Cydnawsedd â chyfraith elusennau a dogfennau llywodraethu sefydliadau  
76 Dynodi darparwyr addysg drydyddol eraill

77 Dehongli Rhan 2

### RHAN 3

#### SICRHAU ADDYSG DRYDYDDOL AC YMCHWIL A'U CYLLIDO

##### *Cyllido'r Comisiwn*

78 Pŵer Gweinidogion Cymru i gyllido'r Comisiwn  
79 Cyllido'r Comisiwn: cyfyngiadau ar delerau ac amodau

##### *Cyllido addysg uwch*

80 Cymorth ariannol i sefydliadau penodedig ar gyfer addysg uwch  
81 Cymorth ariannol ar gyfer cyrsiau addysg uwch a bennir mewn rheoliadau  
82 Cymorth ariannol o dan adrannau 80 a 81: telerau ac amodau  
83 Cymorth ariannol o dan adrannau 80 ac 81: atodol  
84 Cymorth ariannol gan Weinidogion Cymru ar gyfer cyrsiau addysg uwch penodol

##### *Addysg bellach a hyfforddiant*

85 Addysg a hyfforddiant ar gyfer personau 16 i 19 oed  
86 Addysg a hyfforddiant ar gyfer personau dros 19 oed  
87 Annog addysg a hyfforddiant  
88 Cymorth ariannol ar gyfer addysg bellach neu hyfforddiant  
89 Adnoddau ariannol ar gyfer addysg bellach neu hyfforddiant: telerau ac amodau  
90 Profion modd  
91 Cyllido'r chweched dosbarth mewn ysgolion  
92 Personau ag anghenion dysgu ychwanegol

##### *Cymorth ariannol ar gyfer gweithgareddau eraill sy'n gysylltiedig ag addysg drydyddol*

93 Cymorth ariannol ar gyfer gweithgareddau eraill sy'n gysylltiedig ag addysg drydyddol

##### *Cymorth ariannol ar gyfer prentisiaethau*

94 Cymorth ariannol ar gyfer prentisiaethau

##### *Ymchwil ac arloesi*

95 Cymorth ariannol ar gyfer ymchwil ac arloesi  
96 Cymorth ariannol ar gyfer ymchwil ac arloesi: telerau ac amodau  
97 Swyddogaethau eraill y Comisiwn mewn perthynas ag ymchwil ac arloesi

### RHAN 4

#### PRENTISIAETHAU

##### *Rhagarweiniol*

98 Ystyr "prentisiaeth Gymreig gymeradwy"  
99 Ystyr "cytundeb prentisiaeth Gymreig gymeradwy"  
100 Ystyr "prentisiaeth Gymreig amgen"

##### *Pennu prentisiaethau Cymreig*

101 Pennu sectorau galwedigaethol  
102 Pennu gofynion mewn perthynas â phrentisiaethau Cymreig cymeradwy

- 103 Ymgynghoriad gan Weinidogion Cymru ynghylch pennu  
*Fframweithiau a thystysgrifau prentisiaethau*
- 104 Ystyr “fframwaith prentisiaeth”
- 105 Llundio a chyhoeddi fframweithiau prentisiaethau
- 106 Cofrestr o fframweithiau prentisiaethau
- 107 Pŵer i ddyroddi tystysgrifau prentisiaethau  
*Arfer swyddogaethau*
- 108 Dirprwyo swyddogaethau’r Comisiwm  
*Darpariaethau atodol ynghylch cytundebau prentisiaethau*
- 109 Darpariaethau aneffeithiol mewn cytundebau prentisiaethau Cymreig cymeradwy
- 110 Statws cytundebau prentisiaethau Cymreig cymeradwy
- 111 Trosglwyddo hawlfraint mewn fframweithiau prentisiaethau
- 112 Gweision y Goron  
*Cyffredinol*
- 113 Dehongli Rhan 4

## RHAN 5

### DIOGELU DYSGWYR, GWEITHDREFNAU CWYNO AC YMGYSYLLTU Â DYSGWYR

- 114 Cynlluniau diogelu dysgwyr
- 115 Gweithdrefnau cwyno
- 116 Sefydliadau cymhwysol ar gyfer y cynllun cwynion myfyrwyr
- 117 Y Cod Ymgysylltu â Dysgwyr

## RHAN 6

### GWYBODAETH, CYNGOR A CHANLLAWIAU

- 118 Gwybodaeth a chyngor oddi wrth y Comisiwn a gwybodaeth oddi wrth Weinidogion Cymru
- 119 Personau y mae’n ofynnol iddynt ddarparu gwybodaeth i’r Comisiwn
- 120 Pwerau i rannu gwybodaeth
- 121 Pŵer i’w gwneud yn ofynnol rhoi gwybodaeth o gyflwyno’r cais i dderbyn y cynnig
- 122 Defnyddio gwybodaeth o gyflwyno’r cais i dderbyn y cynnig at ddibenion ymchwil
- 123 Gwybodaeth arall, cyngor arall a chanllawiau eraill
- 124 Ymchwil gan y Comisiwn neu Weinidogion Cymru

## RHAN 7

### AMRYWIOL A CHYFFREDINOL

#### *Corfforaethau addysg uwch*

- 125 Offerynnau llywodraethu corfforaethau addysg uwch yng Nghymru
- 126 Erthyglau llywodraethu corfforaethau addysg uwch yng Nghymru
- 127 Diddymu corfforaethau addysg uwch yng Nghymru

*Cyffredinol*

128	Cyhoeddi
129	Rheoliadau
130	Dehongli cyffredinol
131	Pŵer i ddarparu i'r Brifysgol Agored gael ei thrin fel sefydliad yng Nghymru
132	Pŵer i wneud darpariaeth ganlyniadol a darpariaeth drosiannol etc.
133	Mân ddiwygiadau a diwygiadau canlyniadol
134	Dod i rym
135	Enw byr

- Atodlen 1 – Y Comisiwn Addysg Drydyddol ac Ymchwil
- Atodlen 2 – Trosglwyddo eiddo a staff i'r Comisiwn
- Atodlen 3 – Asesu addysg uwch: corff dynodedig
- Atodlen 4 – Mân ddiwygiadau a diwygiadau canlyniadol

# Bil Drafft Addysg Drydyddol ac Ymchwil (Cymru)

[DRAFFT YMGYNGHORI]

Deddf Senedd Cymru i sefydlu'r Comisiwn Addysg Drydyddol ac Ymchwil ac i wneud darpariaeth arall ynghylch addysg drydyddol (sy'n cynnwys addysg uwch, addysg bellach a hyfforddiant) ac ymchwil.

Gan ei fod wedi ei basio gan Senedd Cymru ac wedi derbyn cydsyniad Ei Mawrhydi, deddfir fel a ganlyn:

## RHAN 1

### FFRAMWAITH STRATEGOL AR GYFER ADDYSG DRYDYDDOL AC YMCHWIL

#### Y Comisiwn

#### 1 Sefydlu'r Comisiwn Addysg Drydyddol ac Ymchwil

- Mae'r Comisiwn Addysg Drydyddol ac Ymchwil ("y Comisiwn") wedi ei sefydlu fel corff corfforedig.
- Mae Atodlen 1 yn cynnwys darpariaeth bellach ynghylch y Comisiwn.

#### 2 Dyletswyddau cyffredinol y Comisiwn

- Rhaid i'r Comisiwn, i'r graddau y mae'n berthnasol i arfer ei swyddogaethau, roi sylw i—
  - yr angen i sicrhau cydlyniant yn yr addysg drydyddol a ddarperir ac i gysoni'r ddarpariaeth honno â blaenoriaethau ymchwil ac arloesi;
  - gofynion rhesymol diwydiant, masnach, cyllid, y proffesiynau a chyflogwyr eraill o ran addysg drydyddol ac ymchwil ac arloesi;
  - gofynion rhesymol personau a all ddymuno ymgymryd ag addysg drydyddol neu wneud gwaith ymchwil neu arloesi;
  - yr angen i sicrhau gwelliant parhaus yn ansawdd addysg drydyddol;
  - pwysigrwydd sicrhau bod aelodau o'r gweithlu addysg drydyddol yn gallu darparu addysg drydyddol o ansawdd uchel;
  - gofynion rhesymol aelodau o'r gweithlu addysg drydyddol am ddatblygiad proffesiynol parhaus;
  - pwysigrwydd diogelu rhyddid academiaidd sefydliadau sy'n darparu addysg uwch (i'r graddau y mae'r rhyddid yn ymwneud ag addysg uwch);
  - yr angen i sicrhau gwelliant parhaus mewn ymchwil ac arloesi;

(i) yr angen i sicrhau gwerth da mewn perthynas ag adnoddau ariannol a ddarperir o gronfeydd cyhoeddus.

(2) Wrth arfer ei swyddogaethau, rhaid i'r Comisiwn roi sylw i'r canllawiau a roddir iddo gan Weinidogion Cymru.

(3) Wrth roi canllawiau i'r Comisiwn, rhaid i Weinidogion Cymru roi sylw i bwysigrwydd diogelu rhyddid academaidd sefydliadau sy'n darparu addysg uwch (i'r graddau y mae'r rhyddid yn ymwneud ag addysg uwch).

(4) Yn yr adran hon –

“aelodau o'r gweithlu addysg drydyddol” (“members of the tertiary education workforce”) yw –

(a) athrawon personau sy'n cael addysg drydyddol (“dysgwyr”),

(b) personau sy'n darparu cymorth i'r athrawon hynny, ac

(c) personau sy'n darparu cymorth i ddysgwyr i gymryd rhan mewn addysg drydyddol;

mae “rhyddid academaidd” (“academic freedom”) yn cynnwys (ymhlith pethau eraill) ryddid sefydliadau –

(a) i benderfynu cynnwys cyrsiau addysg uwch penodol a'r modd y cânt eu haddysgu, eu goruchwyllo neu eu hasesu,

(b) i benderfynu'r meini prawf ar gyfer derbyn myfyrwyr ar gyrsiau addysg uwch ac i gymhwysu'r meini prawf hynny mewn achosion penodol, ac

(c) i benderfynu'r meini prawf ar gyfer dethol a phenodi staff academaidd ac i gymhwysu'r meini prawf hynny mewn achosion penodol.

*Strategaeth ar gyfer addysg drydyddol ac ymchwil*

### 3 Datganiad o flaenoriaethau strategol

(1) Rhaid i Weinidogion Cymru gyhoeddi datganiad sy'n nodi eu blaenoriaethau strategol ar gyfer addysg drydyddol ac ymchwil ac arloesi, ac mewn cysylltiad â hwy.

(2) Caiff Gweinidogion Cymru, ar unrhyw adeg, ddiwygio'r datganiad a gyhoeddir o dan is-adran (1) (gan gynnwys drwy ei ddisodli'n gyfan gwbl).

(3) Rhaid i Weinidogion Cymru gyhoeddi unrhyw ddiwygiadau y maent yn eu gwneud i'r datganiad.

### 4 Cynllun strategol ar gyfer y Comisiwn

(1) Rhaid i'r Comisiwn lunio cynllun strategol sy'n nodi –

(a) yr amcanion y mae'r Comisiwn yn bwriadu eu cyflawni wrth arfer ei swyddogaethau;

(b) sut y bydd cyflawni'r amcanion yn ymdrin â'r blaenoriaethau yn natganiad Gweinidogion Cymru a gyhoeddir o dan adran 3;

(c) sut y mae'r Comisiwn yn bwriadu cyflawni'r amcanion.

(2) Wrth lunio'r cynllun, rhaid i'r Comisiwn –



- (a) rhoi sylw i'r blaenoriaethau yn natganiad Gweinidogion Cymru o flaenoriaethau strategol;
- (b) ymgynghori â'r personau hynny y mae'n ystyried eu bod yn briodol.

## 5 Cymeradwyo, cyhoeddi a gweithredu'r cynllun strategol

- 5 (1) Rhaid i'r Comisiwn anfon cynllun strategol a lunnir o dan adran 4 at Weinidogion Cymru i'w gymeradwyo cyn diwedd cyfnod o 6 mis sy'n dechrau â'r diwrnod y cyhoeddir y datganiad o dan adran 3(1).
- (2) Caiff Gweinidogion Cymru –
  - 10 (a) cymeradwyo'r cynllun, neu
  - (b) cymeradwyo'r cynllun gydag addasiadau.
- (3) Rhaid i Weinidogion Cymru ymgynghori â'r Comisiwn cyn iddynt addasu ei gynllun o dan is-adran (2)(b).
- (4) Rhaid i'r Comisiwn gyhoeddi ei gynllun strategol cymeradwy.
- 15 (5) Caiff y Comisiwn gyhoeddi ei ddatganiad ynghylch amcanion llesiant o dan adran 7 o Ddeddf Llesiant Cenedlaethau'r Dyfodol (Cymru) 2015 (dccc 2) drwy ei gynnwys yn ei gynllun strategol cymeradwy.
- (6) Rhaid i'r Comisiwn gymryd pob cam rhesymol i weithredu ei gynllun strategol cymeradwy.

## 6 Adolygu'r cynllun strategol

- 20 (1) Os yw Gweinidogion Cymru yn diwygio eu datganiad o dan adran 3(2) ar ôl i'r Comisiwn gyhoeddi ei gynllun strategol cymeradwy o dan adran 5(4), rhaid i'r Comisiwn adolygu ei gynllun strategol.
- (2) Caiff y Comisiwn adolygu ei gynllun strategol ar unrhyw adeg arall.
- 25 (3) Caiff y Comisiwn ddiwygio ei gynllun strategol ar ôl adolygiad o dan is-adran (1) neu (2) os yw'n ystyried ei bod yn briodol gwneud hynny.
- (4) Os yw'r Comisiwn yn diwygio ei gynllun strategol, mae adran 4 yn gymwys mewn perthynas â diwygio'r cynllun fel y mae'n gymwys mewn perthynas â llunio cynllun.
- (5) Rhaid i'r Comisiwn anfon ei gynllun strategol diwygiedig at Weinidogion Cymru i'w gymeradwyo –
  - 30 (a) pan fo'r diwygio o ganlyniad i adolygiad o dan is-adran (1), cyn diwedd cyfnod o 6 mis sy'n dechrau â'r diwrnod y mae Gweinidogion Cymru yn cyhoeddi'r diwygiadau i'w datganiad, neu
  - (b) pan fo'r diwygio o ganlyniad i adolygiad o dan is-adran (2), cyn gynted ag y bo'n rhesymol ymarferol.
- 35 (6) Mae is-adrannau (2) i (6) o adran 5 yn gymwys i gynllun a ddiwygir o dan yr adran hon fel y maent yn gymwys i gynllun a lunnir o dan adran 4.

*Amcanion strategol penodol*

## 7 Cenhadaeth ddinesig

- (1) Rhaid i'r Comisiwn hybu cyflawni cenhadaeth ddinesig gan sefydliadau yng Nghymru o fewn y sector addysg bellach a'r sector addysg uwch.
- (2) Caniateir i'r ddyletswydd yn is-adran (1) gael ei chyflawni gan y Comisiwn wrth arfer ei swyddogaethau eraill o dan y Ddeddf hon.
- 5 (3) Caiff y Comisiwn arfer ei swyddogaethau o dan y Ddeddf hon i hybu cyflawni cenhadaeth ddinesig gan bersonau eraill (ac eithrio'r sefydliadau a grybwyllir yn is-adran (1)) sydd wedi eu cyllido gan y Comisiwn o dan y Ddeddf hon.
- (4) Yn yr adran hon, ystyr "cenhadaeth ddinesig" yw gweithredu at ddiben hybu neu wella llesiant economaidd, cymdeithasol, amgylcheddol neu ddiwylliannol Cymru (gan 10 gynnwys gweithredu a all gyflawni unrhyw un neu ragor o'r nodau llesiant yn adran 4 o Ddeddf Llesiant Cenedlaethau'r Dyfodol (Cymru) 2015 (dccc 2)).
- (5) Yn is-adran (4), mae "llesiant Cymru" yn cynnwys llesiant –
  - (a) Cymru gyfan neu unrhyw ran ohoni;
  - (b) pob un o'r personau sy'n preswyllo neu'n bresennol yng Nghymru neu unrhyw 15 un neu ragor o'r personau hynny.

## 8 Dyletswyddau mewn perthynas ag addysg drydyddol cyfrwng Gymraeg

Rhaid i'r Comisiwn –

- (a) annog unigolion sy'n preswyllo fel arfer yng Nghymru i gymryd rhan mewn addysg drydyddol drwy gyfrwng y Gymraeg;
- 20 (b) cymryd pob cam rhesymol i sicrhau bod digon o addysg drydyddol yn cael ei darparu drwy gyfrwng y Gymraeg i ateb galw rhesymol;
- (c) annog darparu addysg drydyddol drwy gyfrwng y Gymraeg gan –
  - (i) sefydliadau cofrestredig, a
  - (ii) personau ac eithrio sefydliadau cofrestredig sy'n darparu addysg 25 drydyddol a gyllidir gan y Comisiwn neu a sicrheir fel arall ganddo.

*Diddymu Cyngor Cyllido Addysg Uwch Cymru*

## 9 Diddymu Cyngor Cyllido Addysg Uwch Cymru

Mae Cyngor Cyllido Addysg Uwch Cymru yn peidio â bodoli.

## 10 Cynlluniau trosglwyddo

30 Mae Atodlen 2 yn gwneud darpariaeth ynghylch cynlluniau ar gyfer trosglwyddo staff ac eiddo, hawliau ac atebolrwyddau o Gyngor Cyllido Addysg Uwch Cymru a Gweinidogion Cymru i'r Comisiwn.

## RHAN 2

### COFRESTRU A RHEOLEIDDIO DARPARWYR ADDYSG DRYDYDDOL

#### PENNOD 1

##### COFRESTRU DARPARWYR ADDYSG DRYDYDDOL

5 *Y gofrestr a'r weithdrefn gofrestru*

#### 11 Y gofrestr

- (1) Rhaid i'r Comisiwn sefydlu a chynnal cofrestr o sefydliadau yng Nghymru sy'n darparu addysg drydyddol (sy'n cynnwys darparu addysg drydyddol gan eraill ar ran y sefydliad) (y cyfeirir ati yn y Ddeddf hon fel "y gofrestr").
- 10 (2) Rhaid i'r gofrestr gael ei rhannu'n rhannau gwahanol sy'n cynrychioli'r categorïau cofrestru gwahanol y mae darpariaeth yn ofynnol ar eu cyfer gan reoliadau o dan is-adran (3).
- (3) Rhaid i Weinidogion Cymru, drwy reoliadau, bennu categorïau cofrestru y mae rhaid gwneud darpariaeth ar eu cyfer yn y gofrestr.
- 15 (4) Rhaid i'r categorïau cofrestru a bennir yn y rheoliadau ymwneud â darparu un neu ragor o fathau o addysg drydyddol.
- (5) Rhaid i'r Comisiwn gofrestru sefydliad mewn categori o'r gofrestr –
  - (a) os yw ei gorff llywodraethu yn gwneud cais iddo gael ei gofrestru yn y categori,
  - (b) os yw'n sefydliad yng Nghymru,
  - 20 (c) os yw'n darparu'r math o addysg drydyddol sy'n ymwneud â'r categori, neu os yw'r math hwnnw o addysg drydyddol yn cael ei ddarparu ar ei ran,
  - (d) os yw'n bodloni'r amodau cofrestru cychwynnol sy'n gymwys iddo mewn cysylltiad â'r cofrestriad a geisir (gweler adran 13),
  - (e) os yw'r cais yn cydymffurfio ag unrhyw ofynion a osodir o dan is-adran (8), ac
  - 25 (f) os nad yw cofrestru wedi ei wahardd gan ddarpariaeth a wneir mewn rheoliadau o dan is-adran (6).
- (6) Caiff Gweinidogion Cymru, drwy reoliadau, wahardd cofrestru sefydliad mewn un categori o'r gofrestr ar yr un pryd ag y mae wedi ei gofrestru mewn un neu ragor o'r categorïau eraill.
- 30 (7) Ni chaiff y Comisiwn gofrestru sefydliad yn y gofrestr ac eithrio yn unol ag is-adran (5), adran 30 (newid categori cofrestru heb gais) ac unrhyw reoliadau a wneir o dan is-adran (6).
- (8) Caiff y Comisiwn benderfynu –
  - (a) ffurf cais i gofrestru,
  - 35 (b) yr wybodaeth sydd i'w chynnwys yn y cais neu sydd i'w darparu gydag ef, ac
  - (c) y ffordd y mae cais i'w chyflwyno.

- (9) Caiff Gweinidogion Cymru, drwy reoliadau, wneud darpariaeth ynghylch yr wybodaeth y mae rhaid ei chynnwys yng nghofnod sefydliad yn y gofrestr.
- (10) Unwaith y bydd wedi ei gofrestru, mae cofrestriad parhaus sefydliad mewn categori o'r gofrestr yn ddarostyngedig i'r sefydliad fodloni –
- 5 (a) yr amodau cofrestru parhaus cyffredinol sy'n gymwys i gofrestriad y sefydliad yn y categori ac fel y gallant gael eu diwygio'n ddiweddarach (gweler adran 14), a
- (b) yr amodau cofrestru parhaus penodol (os oes rhai) a osodir arno yn y categori cofrestru hwnnw ac fel y gallant gael eu hamrywio'n ddiweddarach (gweler adran 15).
- 10 (11) Mae cyfeiriadau yn y Rhan hon at amodau cofrestru parhaus sefydliad yn gyfeiriadau at yr amodau a grybwyllir ym mharagraffau (a) a (b) o is-adran (10).
- (12) Rhaid i'r Comisiwn roi'r wybodaeth a gynhwysir yn y gofrestr, a'r wybodaeth a gynhwyswyd ynddi yn flaenorol, ar gael i'r cyhoedd drwy'r cyfrwng y mae'r Comisiwn yn ystyried ei fod yn briodol.

## 15 12 Y weithdrefn gofrestru

- (1) Cyn gwrthod cais i gofrestru sefydliad mewn categori o'r gofrestr, rhaid i'r Comisiwn hysbysu corff llywodraethu'r sefydliad ei fod yn bwriadu gwneud hynny.
- (2) Rhaid i'r hysbysiad bennu –
- 20 (a) rhesymau'r Comisiwn dros fwriadu gwrthod cofrestru'r sefydliad yn y categori,
- (b) y cyfnod pan gaiff corff llywodraethu'r sefydliad gyflwyno sylwadau ynghylch yr hyn y mae'r Comisiwn yn bwriadu ei wneud ("y cyfnod penodedig"), ac
- (c) y ffordd y caniateir i'r sylwadau hynny gael eu cyflwyno.
- (3) Ni chaiff y cyfnod penodedig fod yn llai nag 28 o ddiwrnodau sy'n dechrau â'r dyddiad y ceir yr hysbysiad.
- 25 (4) Rhaid i'r Comisiwn roi sylw i unrhyw sylwadau a gyflwynir gan gorff llywodraethu'r sefydliad yn unol â'r hysbysiad wrth benderfynu pa un ai i'w gofrestru yn y categori.
- (5) Ar ôl penderfynu pa un ai i gofrestru'r sefydliad yn y categori ai peidio, rhaid i'r Comisiwn hysbysu corff llywodraethu'r sefydliad am ei benderfyniad.
- (6) Pan mai cofrestru'r sefydliad yn y categori yw'r penderfyniad, rhaid i'r hysbysiad
- 30 bennu –
- (a) dyddiad y cofnod yn y gofrestr yn y categori, a
- (b) yr amodau cofrestru parhaus sy'n gymwys i gofrestriad y sefydliad yn y categori ar yr adeg honno.
- (7) Pan mai gwrthod cofrestru'r sefydliad yn y categori yw'r penderfyniad, rhaid i'r
- 35 hysbysiad bennu –
- (a) y sail dros wrthod,
- (b) gwybodaeth o ran yr hawl i gael adolygiad, ac
- (c) y cyfnod a bennir yn y rheoliadau o dan adran 71(4)(c) y caniateir i gais am adolygiad gael ei wneud ynddo.

*Amodau cofrestru*

**13 Amodau cofrestru cychwynnol**

- (1) Mae'n amod cofrestru cychwynnol ym mhob categori o'r gofrestr fod y Comisiwn wedi ei fodloni o ran –
- 5 (a) ansawdd y math o addysg drydyddol a ddarperir gan, neu ar ran, y sefydliad sy'n gwneud cais, y mae'r categori o'r gofrestr yn ymwneud ag ef;
- (b) effeithiolrwydd trefniadau llywodraethu a rheoli'r sefydliad sy'n gwneud cais (gan gynnwys ei drefniadau rheoli ariannol);
- (c) cynaliadwyedd ariannol y sefydliad sy'n gwneud cais.
- 10 (2) Rhaid i'r Comisiwn gyhoeddi dogfen sy'n pennu'r gofynion y mae rhaid iddynt gael eu diwallu er mwyn iddo gael ei fodloni o ran y materion a grybwyllir yn is-adran (1).
- (3) Caiff Gweinidogion Cymru, drwy reoliadau, ddarparu ar gyfer amodau cofrestru cychwynnol pellach ar gyfer unrhyw gategori cofrestru.
- (4) Caiff rheoliadau o dan is-adran (3) (ymhlith pethau eraill) –
- 15 (a) rhoi swyddogaethau i'r Comisiwn mewn cysylltiad â gweithredu amodau cychwynnol pellach y darperir ar eu cyfer yn y rheoliadau;
- (b) darparu ar gyfer amodau cofrestru cychwynnol pellach sy'n ymwneud ag –
- (i) statws elusennol neu statws arall sefydliadau;
- (ii) yr wybodaeth a ddarperir i ddarpar fyfyrwyr am sefydliad, ei gyrsiau, a
- 20 thelerau ac amodau ei gontractau â myfyrwyr;
- (iii) gweithdrefnau cwyno sefydliadau.

**14 Amodau cofrestru parhaus cyffredinol**

- (1) Rhaid i'r Comisiwn benderfynu amodau cofrestru parhaus cyffredinol a'u cyhoeddi.
- 25 (2) Caniateir i amodau gwahanol gael eu penderfynu ar gyfer categorïau cofrestru gwahanol.
- (3) Mewn perthynas â chategori cofrestru, caniateir i amodau gwahanol gael eu penderfynu ar gyfer disgrifiadau gwahanol o sefydliad.
- (4) Rhaid i'r Comisiwn gyhoeddi'r amodau cofrestru parhaus cyffredinol mewn ffordd sy'n nodi'r categori cofrestru y mae'r amod yn gymwys iddo.
- 30 (5) Caiff y Comisiwn ddiwygio'r amodau.
- (6) Os yw'r Comisiwn yn diwygio'r amodau, rhaid iddo gyhoeddi'r amodau fel y'u diwygiwyd.
- (7) Cyn penderfynu'r amodau neu eu diwygio, rhaid i'r Comisiwn, os yw'n ymddangos iddo ei bod yn briodol gwneud hynny, ymgynghori â phersonau y mae'n ymddangos i'r
- 35 Comisiwn fod ganddynt ddiddordeb ynddynt.

- 5
- (8) Caiff y Comisiwn, ar adeg cofrestru sefydliad mewn categori o'r gofrestr neu'n ddiweddarach, benderfynu nad yw unrhyw un neu ragor o'r amodau cofrestru parhaus cyffredinol sy'n gymwys i gofrestriad yn y categori hwnnw yn gymwys i'r sefydliad, yn ddarostyngedig i'r gofynion o dan y Rhan hon sy'n ymwneud ag amodau cofrestru parhaus mandadol.
- (9) Pan fo'r penderfyniad wedi ei wneud ar ôl cofrestru'r sefydliad yn y categori hwnnw o'r gofrestr, rhaid i'r Comisiwn hysbysu corff llywodraethu'r sefydliad am ei benderfyniad.

**15 Amodau cofrestru parhaus penodol**

- 10
- (1) Caiff y Comisiwn, ar adeg cofrestru sefydliad mewn categori o'r gofrestr neu'n ddiweddarach, osod unrhyw amodau ar ei gofrestriad yn y categori y mae'r Comisiwn yn eu penderfynu ("yr amodau cofrestru parhaus penodol").
- (2) Caiff y Comisiwn ar unrhyw adeg amrywio neu ddileu amod cofrestru parhaus penodol.
- (3) Cyn—
- 15
- (a) gosod amod cofrestru parhaus penodol, neu
- (b) amrywio neu ddileu amod cofrestru parhaus penodol,
- rhaid i'r Comisiwn hysbysu corff llywodraethu'r sefydliad ei fod yn bwriadu gwneud hynny.
- (4) Rhaid i'r hysbysiad—
- 20
- (a) pennu rhesymau'r Comisiwn dros fwriadu cymryd y cam o dan sylw,
- (b) pennu'r cyfnod pan gaiff corff llywodraethu'r sefydliad gyflwyno sylwadau ynghylch yr hyn y mae'r Comisiwn yn bwriadu ei wneud ("y cyfnod penodedig"), ac
- (c) pennu'r ffordd y caniateir i'r sylwadau hynny gael eu cyflwyno.
- (5) Ni chaiff y cyfnod penodedig fod yn llai nag 28 o ddiwrnodau sy'n dechrau â'r dyddiad y ceir yr hysbysiad.
- 25
- (6) Rhaid i'r Comisiwn roi sylw i unrhyw sylwadau a gyflwynir gan gorff llywodraethu'r sefydliad yn unol â'r hysbysiad wrth benderfynu pa un ai i gymryd y cam o dan sylw.
- (7) Ar ôl penderfynu pa un ai i gymryd y cam o dan sylw ai peidio, rhaid i'r Comisiwn hysbysu corff llywodraethu'r sefydliad am ei benderfyniad.
- 30
- (8) Os yw'r Comisiwn yn penderfynu gosod amod cofrestru parhaus penodol newydd neu amrywio neu ddileu amod cofrestru parhaus penodol, rhaid i'r hysbysiad—
- (a) pennu'r amod newydd, yr amod fel y'i hamrywir neu'r amod sy'n cael ei ddileu (yn ôl y digwydd), a
- (b) pennu'r dyddiad pan fydd y gosod, yr amrywio neu'r dileu yn cymryd effaith.
- 35
- (9) Pan fo'r hysbysiad yn ymwneud â gosod neu amrywio amod cofrestru parhaus penodol, rhaid i'r hysbysiad hefyd bennu—
- (a) y sail dros osod neu amrywio'r amod,
- (b) gwybodaeth o ran yr hawl i gael adolygiad, ac

(c) y cyfnod a bennir mewn rheoliadau o dan adran 71(4)(c) y caniateir i gais am adolygiad gael ei wneud ynddo.

(10) Ni chaiff amod cofrestru parhaus penodol, neu amrywiad i amod o'r fath, gymryd effaith ar unrhyw adeg –

(a) pan allai cais am adolygiad o dan adran 31(b) gael ei ddwyn mewn cysylltiad â'r penderfyniad i osod neu i amrywio'r amod, neu

(b) pan fo adolygiad neu benderfyniad gan y Comisiwn yn dilyn adolygiad o'r fath yn yr arfaeth.

(11) Ond nid yw hynny yn atal amod cofrestru parhaus penodol, neu amrywiad i amod o'r fath, rhag cymryd effaith os yw corff llywodraethu'r sefydliad yn hysbysu'r Comisiwn nad yw'n bwriadu gwneud cais am adolygiad.

(12) Pan fo is-adran (10) yn peidio ag atal amod cofrestru parhaus penodol, neu amrywiad i amod o'r fath, rhag cymryd effaith ar y dyddiad a bennir o dan is-adran (8), rhaid i'r Comisiwn benderfynu dyddiad yn y dyfodol pan fydd yn cymryd effaith.

(13) Ond mae hynny yn ddarostyngedig i'r hyn sydd wedi cael ei benderfynu gan y Comisiwn yn dilyn unrhyw adolygiad o dan adran 31(b) mewn cysylltiad â'r penderfyniad i osod neu i amrywio'r amod.

## 16 Amodau cymesur etc.

(1) Rhaid i'r Comisiwn sicrhau –

(a) bod y gofynion a bennir o dan adran 13(2), a

(b) bod yr holl amodau cofrestru parhaus,

yn gymesur ag asesiad y Comisiwn o'r risgiau a berir.

(2) Yng ngoleuni ei ddyletswydd o dan is-adran (1), rhaid i'r Comisiwn gadw'r holl amodau cofrestru parhaus o dan adolygiad.

## 17 Amodau cofrestru parhaus mandadol ar gyfer pob sefydliad cofrestredig

Rhaid i'r Comisiwn sicrhau bod amodau cofrestru parhaus pob sefydliad sydd wedi ei gofrestru mewn categori yn cynnwys –

(a) amod sy'n ymwneud ag ansawdd y math o addysg drydyddol a ddarperir gan, neu ar ran, y sefydliad y mae'r categori cofrestru yn ymwneud ag ef;

(b) amod sy'n ymwneud â chynaliadwyedd ariannol y sefydliad;

(c) amod sy'n ymwneud ag effeithiolrwydd trefniadau llywodraethu a rheoli'r sefydliad (gan gynnwys ei drefniadau rheoli ariannol);

(d) amod sy'n ei gwneud yn ofynnol i gorff llywodraethu'r sefydliad hysbysu'r Comisiwn am unrhyw newid y mae'n dod yn ymwybodol ohono sy'n effeithio ar gywirdeb yr wybodaeth a gynhwysir yng nghofnod y sefydliad yn y gofrestr;

(e) amod sy'n ei gwneud yn ofynnol i gorff llywodraethu'r sefydliad, os yw wedi cael hysbysiad o dan adran 114(1), gael cynllun diogelu dysgwyr yn ei le sydd wedi ei gymeradwyo gan y Comisiwn (o dan adran 114(3) neu (5)) ar neu cyn y dyddiad a bennir yn yr amod a rhoi effaith i'r cynllun;

- (f) amod sy'n ei gwneud yn ofynnol i gorff llywodraethu'r sefydliad gydymffurfio â'r gofynion sydd wedi eu cynnwys yn y Cod Ymgysylltu â Dysgwyr a gyhoeddir o dan adran 117(1) neu unrhyw god diwygiedig a gyhoeddir o dan adran 117(3);
- (g) amod sy'n ei gwneud yn ofynnol i gorff llywodraethu'r sefydliad roi sylw i gyngor neu ganllawiau a roddir gan y Comisiwn i'r corff (naill ai yn benodol neu i bersonau yn gyffredinol) wrth arfer swyddogaethau'r Comisiwn o dan y Ddeddf hon;
- (h) amod sy'n ei gwneud yn ofynnol i gorff llywodraethu'r sefydliad ddarparu i'r Comisiwn, neu i berson sydd wedi ei awdurdodi gan y Comisiwn, unrhyw wybodaeth, unrhyw gynhorthwy ac unrhyw fynediad i gyfleusterau, systemau ac offer y sefydliad sy'n rhesymol ofynnol gan y Comisiwn at ddiben arfer swyddogaethau'r Comisiwn o dan y Rhan hon.

### 18 Amod cofrestru parhaus mandadol ar gynlluniau mynediad a chyfle a'r terfyn ffioedd

- (1) Rhaid i'r Comisiwn sicrhau bod amodau cofrestru parhaus pob sefydliad sydd wedi ei gofrestru mewn categori a bennir mewn rheoliadau a wneir gan Weinidogion Cymru at ddibenion yr is-adran hon yn cynnwys amod cynllun mynediad a chyfle.
- (2) Rhaid i'r Comisiwn sicrhau bod amodau cofrestru parhaus pob sefydliad a grybwyllir yn is-adran (1) sy'n darparu cyrsiau cymhwysol, neu y darperir cyrsiau cymhwysol ar ei ran, yn cynnwys amod terfyn ffioedd.
- (3) Mae is-adrannau (4) i (11) yn gymwys at ddibenion y Rhan hon.
- (4) Amod cynllun mynediad a chyfle yw amod sy'n ei gwneud yn ofynnol i gorff llywodraethu'r sefydliad –
- (a) meddu ar gynllun mynediad a chyfle sydd wedi ei gymeradwyo o dan adran 36, a
- (b) cydymffurfio â gofynion cyffredinol ei gynllun cymeradwy (ac unrhyw amrywiad cymeradwy o'r cynllun) (gweler adran 35(8)).
- (5) Amod terfyn ffioedd yw amod sy'n ei gwneud yn ofynnol i gorff llywodraethu'r sefydliad sicrhau nad yw ffioedd cwrs rheoleiddiedig yn fwy na'r terfyn ffioedd cymwys.
- (6) Cwrs cymhwysol yw cwrs, o unrhyw ddisgrifiad, a bennir mewn rheoliadau a wneir gan Weinidogion Cymru.
- (7) Ffioedd cwrs rheoleiddiedig yw ffioedd sy'n daladwy i'r sefydliad gan berson cymhwysol –
- (a) mewn cysylltiad â'r person yn ymgymryd â chwrs cymhwysol, a
- (b) mewn cysylltiad â blwyddyn academaidd sy'n gymwys i'r cwrs hwnnw, pan fo'r flwyddyn honno yn dechrau ar adeg o fewn y cyfnod a bennir o dan adran 33 yng nghynllun mynediad a chyfle diweddaraf y sefydliad.
- (8) Cynllun mynediad a chyfle diweddaraf y sefydliad yw'r cynllun mynediad a chyfle a gymeradwywyd yn fwyaf diweddar o dan adran 36 mewn perthynas â'r sefydliad.
- (9) Y terfyn ffioedd cymwys yw –
- (a) mewn achos pan fo cynllun mynediad a chyfle diweddaraf y sefydliad yn pennu terfyn ffioedd ar gyfer y cwrs a'r flwyddyn o dan sylw, y terfyn hwnnw;



- (b) mewn achos pan fo cynllun mynediad a chyfle diweddaraf y sefydliad yn darparu ar gyfer penderfynu terfyn ffioedd ar gyfer y cwrs a'r flwyddyn o dan sylw, y terfyn hwnnw fel y'i penderfynir yn unol â'r cynllun.

(10) Person cymhwysol yw person –

- (a) nad yw'n fyfyrwr rhyngwladol, a  
 (b) sy'n dod o fewn unrhyw ddsbarth o bersonau a bennir mewn rheoliadau a wneir gan Weinidogion Cymru at ddibenion y Rhan hon.

(11) Mae myfyrwr rhyngwladol yn berson nad yw'n dod o fewn unrhyw ddsbarth o bersonau a ragnodir o dan adran 1 o Ddeddf Addysg (Ffioedd a Dyfarniadau) 1983 (p. 40) (codi ffioedd uwch yn achos myfyrwr nad oes ganddynt gysylltiad rhagnodedig â'r Deyrnas Unedig) at ddibenion is-adran (1) neu (2) o'r adran honno.

(12) Caiff Gweinidogion Cymru, drwy reoliadau, wneud darpariaeth ar gyfer amgylchiadau pan fo ffioedd sy'n daladwy i berson, mewn cysylltiad â pherson cymhwysol yn ymgymryd â chwrs, neu â rhan o gwrs, a ddarperir ar ran sefydliad, i'w trin at ddibenion is-adran (7) ac adran 34 fel pe baent yn daladwy i'r sefydliad hwnnw mewn cysylltiad â'r person cymhwysol yn ymgymryd â'r cwrs.

(13) Ni chaniateir i'r pŵer i bennu disgrifiad o gwrs o dan is-adran (6) gael ei arfer er mwyn gwahaniaethu –

- (a) mewn perthynas â chyrsgiau hyfforddiant cychwynnol athrawon, rhwng cyrsgiau gwahanol ar sail y pynciau y rhoddir yr hyfforddiant hwnnw arnynt;  
 (b) mewn perthynas â chyrsgiau eraill, rhwng cyrsgiau gwahanol ar yr un lefel neu ar lefel gyffelyb ar sail y meysydd astudio neu ymchwil y maent yn ymwneud â hwy.

**19 Amod cofrestru parhaus mandadol ar ddatganiad cyfle cyfartal**

(1) Mae'r adran hon yn gymwys i sefydliadau cofrestredig –

- (a) nad ydynt yn ddarostyngedig i amod cynllun mynediad a chyfle, a  
 (b) sy'n darparu addysg uwch yng Nghymru.

(2) Rhaid i'r Comisiwn sicrhau bod amodau cofrestru parhaus pob sefydliad cofrestredig y mae'r adran hon yn gymwys iddo yn cynnwys amod sy'n ei gwneud yn ofynnol i gorff llywodraethu'r sefydliad gyhoeddi datganiad sy'n nodi pa gamau gweithredu y mae'r corff llywodraethu yn bwriadu eu cymryd er mwyn –

- (a) hybu cyfranogiad gan bobl o grwpiau heb gynrychiolaeth ddigonol mewn addysg uwch a ddarperir yng Nghymru, a  
 (b) lleihau bylchau o ran cyrhaeddiad mewn addysg uwch a ddarperir yng Nghymru rhwng personau o grwpiau gwahanol a bennir yn yr amod.

(3) Yn yr adran hon, "grwpiau heb gynrychiolaeth ddigonol" yw grwpiau nad oes ganddynt, ar yr adeg y mae datganiad o'r fath a grybwyllir yn is-adran (2) yn cael ei gyhoeddi, gynrychiolaeth ddigonol mewn addysg uwch yng Nghymru.

**20 Pŵer i ddarparu ar gyfer amodau cofrestru parhaus mandadol pellach**

Caiff Gweinidogion Cymru, drwy reoliadau, ddarparu ar gyfer amodau cofrestru parhaus mandadol pellach sy'n gymwys i un neu ragor o'r categorïau cofrestru.

**21 Dyletswydd y Comisiwn i roi canllawiau ynghylch amodau cofrestru parhaus**

Rhaid i'r Comisiwn gyhoeddi canllawiau ar gyfer sefydliadau cofrestredig ynghylch amodau cofrestru parhaus.

*Monitro a gorfodi amodau cofrestru*

**22 Dyletswydd y Comisiwn i fonitro cydymffurfedd ag amodau cofrestru parhaus**

Rhaid i'r Comisiwn fonitro cydymffurfedd ag amodau cofrestru parhaus gan sefydliadau cofrestredig.

**23 Cyngor a chynhorthwy mewn cysylltiad â chydymffurfedd ag amodau cofrestru parhaus**

Caiff y Comisiwn ddarparu, neu wneud trefniadau ar gyfer darparu, cyngor neu gynhorthwy arall i sefydliad cofrestredig at ddiben sicrhau cydymffurfedd gan y sefydliad â'i amodau cofrestru parhaus.

**24 Adolygiadau sy'n berthnasol i gydymffurfedd ag amodau cofrestru parhaus**

Caiff y Comisiwn gynnal, neu drefnu i berson arall gynnal, adolygiad o unrhyw faterion y mae'n ystyried eu bod yn berthnasol i gydymffurfedd gan sefydliad cofrestredig â'i amodau cofrestru parhaus.

**25 Cyfarwyddydau mewn cysylltiad â methiant i gydymffurfio ag amodau cofrestru parhaus**

(1) Caiff y Comisiwn roi cyfarwyddyd i gorff llywodraethu sefydliad o dan yr adran hon os yw wedi ei fodloni bod y corff llywodraethu wedi methu, neu ei fod yn debygol o fethu, â chydymffurfio ag amod cofrestru parhaus.

(2) Ond yn achos methiant, neu fethiant tebygol, gan gorff llywodraethu sefydliad i gydymffurfio ag amod cynllun mynediad a chyfle i'r graddau y mae'n ymwneud â gofyniad cyffredinol cynllun cymeradwy, ni chaiff y Comisiwn roi cyfarwyddyd –

(a) os yw wedi ei fodloni bod y corff llywodraethu wedi cymryd pob cam rhesymol i gydymffurfio â'r gofyniad o dan sylw, a

(b) os, ar adeg y methiant, neu ar yr adeg y mae'r Comisiwn yn dod i'r casgliad bod y corff llywodraethu yn debygol o fethu, oedd cynllun mynediad a chyfle y mae'r amod yn ymwneud ag ef wedi ei gymeradwyo o dan adran 36 ac mewn grym.

(3) Yn achos methiant, neu fethiant tebygol, i gydymffurfio ag amod cofrestru parhaus, caiff y Comisiwn gyfarwyddo'r corff llywodraethu i gydymffurfio â'r amod.

- (4) Yn achos methiant i gydymffurfio ag amod terfyn ffioedd, caiff y Comisiwn hefyd, fel dewis arall i gyfarwyddyd a ddisgrifir yn is-adran (3), neu'n ychwanegol ato, gyfarwyddo'r corff llywodraethu i ad-dalu ffioedd uwchlaw'r terfyn a dalwyd i'r sefydliad.
- 5 (5) Caiff cyfarwyddyd o dan yr adran hon bennu camau sydd i'w cymryd (neu nad ydynt i'w cymryd) gan y corff llywodraethu at ddiben cydymffurfio â'r amod.
- (6) Caiff cyfarwyddyd o'r math a ddisgrifir yn is-adran (4) bennu'r modd y mae ad-dalu'r ffioedd uwchlaw'r terfyn i fod i gael ei roi ar waith, neu y caniateir iddo gael ei roi ar waith.
- 10 (7) Os yw'r Comisiwn yn rhoi cyfarwyddyd o dan yr adran hon, rhaid iddo –
- (a) rhoi copi o'r cyfarwyddyd i Weinidogion Cymru;
  - (b) cyhoeddi'r cyfarwyddyd.
- (8) Mae "ffioedd uwchlaw'r terfyn" yn ffioedd cwrs rheoleiddiedig i'r graddau y mae'r ffioedd hynny yn mynd uwchlaw'r terfyn ffioedd cymwys (fel y'i meintiolir at ddibenion y ddyletswydd o dan adran 18 y mae'r corff llywodraethu wedi methu â chydymffurfio â hi).
- 15 (9) Am ddarpariaeth weithdrefnol ynghylch hysbysiad o dan yr adran hon, gweler adrannau 67 i 70.

## 26 Darpariaeth atodol ynghylch cyfarwyddydau o dan adran 25

- 20 (1) Caiff y Comisiwn ddyroddi canllawiau ynghylch y camau sydd i'w cymryd at ddiben cydymffurfio â chyfarwyddyd o dan adran 25.
- (2) Cyn dyroddi canllawiau o dan yr adran hon, rhaid i'r Comisiwn ymgynghori â chorff llywodraethu pob sefydliad cofrestredig; a chaiff ymgynghori â chorff llywodraethu unrhyw sefydliad arall yng Nghymru sy'n darparu addysg drydyddol y mae'r Comisiwn yn ystyried ei fod yn briodol.
- 25 (3) Am ddarpariaeth weithdrefnol ynghylch cyfarwyddydau o dan adran 25, gweler adrannau 67 i 70

### *Datgofrestru*

## 27 Datgofrestru

- 30 (1) Rhaid i'r Comisiwn ddileu sefydliad o gategori o'r gofrestr os yw'r Comisiwn yn dod yn ymwybodol –
- (a) nad yw'r sefydliad yn sefydliad yng Nghymru mwyach, neu
  - (b) nad yw'r sefydliad yn darparu'r math o addysg drydyddol sy'n ymwneud â'r categori mwyach, neu na ddarperir y math hwnnw o addysg drydyddol ar ei ran mwyach.
- 35 (2) Caiff Gweinidogion Cymru, drwy reoliadau, bennu amgylchiadau eraill pan fo rhaid dileu sefydliad cofrestredig o un neu ragor o gategoriâu'r gofrestr neu o bob categori o'r gofrestr.
- 40 (3) Caiff y Comisiwn ddileu sefydliad cofrestredig o gategori o'r gofrestr os yw amod A neu B wedi ei fodloni.

(4) Mae amod A wedi ei fodloni –

(a) os yw'r Comisiwn wedi arfer ei bwerau yn flaenorol o dan adran 25 (cyfarwyddydau mewn cysylltiad â methiant i gydymffurfio ag amodau cofrestru parhaus) mewn perthynas â thorri un o amodau cofrestru parhaus y sefydliad sy'n gymwys i'r categori cofrestru, a

(b) os yw'n ymddangos i'r Comisiwn –

(i) bod toriad unwaith eto, neu doriad parhaus, o'r amod hwnnw, neu

(ii) bod un gwahanol o amodau cofrestru parhaus y sefydliad sy'n gymwys i'r categori cofrestru yn cael ei dorri neu wedi cael ei dorri.

(5) Mae amod B wedi ei fodloni os yw'n ymddangos i'r Comisiwn –

(a) bod un o amodau cofrestru parhaus y sefydliad sy'n gymwys i'r categori cofrestru yn cael ei dorri neu wedi cael ei dorri, a

(b) bod ei bwerau o dan adran 25 yn annigonol i ymdrin â'r toriad (pa un a ydynt wedi cael eu harfer, yn cael eu harfer neu i'w harfer mewn perthynas ag ef ai peidio).

(6) Caiff Gweinidogion Cymru, drwy reoliadau, wneud darpariaeth drosiannol neu ddarpariaeth arbed mewn cysylltiad â dileu sefydliad o gatedori o'r gofrestr o dan yr adran hon.

(7) Caiff rheoliadau o dan is-adran (6) gynnwys darpariaeth sy'n trin y sefydliad fel sefydliad cofrestredig at y dibenion hynny a bennir gan y rheoliadau.

(8) Rhaid i'r Comisiwn –

(a) cynnal rhestr o sefydliadau sydd wedi eu dileu o gatedori o'r gofrestr o dan yr adran hon,

(b) cynnwys yn y rhestr honno gyfeiriad at unrhyw reoliadau a wneir o dan is-adran (6), ac

(c) rhoi'r rhestr ar gael i'r cyhoedd drwy'r cyfrwng y mae'r Comisiwn yn ystyried ei fod yn briodol.

## 28 Datgofrestru: y weithdrefn

(1) Cyn dileu sefydliad cofrestredig o gatedori o'r gofrestr o dan adran 27, rhaid i'r Comisiwn hysbysu corff llywodraethu'r sefydliad ei fod yn bwriadu gwneud hynny.

(2) Rhaid i'r hysbysiad –

(a) pennu rhesymau'r Comisiwn dros fwriadu dileu'r sefydliad o gatedori o'r gofrestr,

(b) pennu'r cyfnod pan gaiff corff llywodraethu'r sefydliad gyflwyno sylwadau ynghylch yr hyn y mae'r Comisiwn yn bwriadu ei wneud ("y cyfnod penodedig"), ac

(c) pennu'r ffordd y caniateir i'r sylwadau hynny gael eu cyflwyno.

(3) Ni chaiff y cyfnod penodedig fod yn llai nag 28 o ddiwrnodau sy'n dechrau â'r dyddiad y ceir yr hysbysiad.

- (4) Rhaid i'r Comisiwn roi sylw i unrhyw sylwadau a gyflwynir gan gorff llywodraethu'r sefydliad yn unol â'r hysbysiad wrth benderfynu pa un ai i'w ddileu o gategori o'r gofrestr.
- (5) Ar ôl penderfynu pa un ai i ddileu'r sefydliad o gategori o'r gofrestr ai peidio, rhaid i'r Comisiwn hysbysu corff llywodraethu'r sefydliad am ei benderfyniad.
- (6) Pan mai dileu'r sefydliad o gategori o'r gofrestr yw'r penderfyniad, rhaid i'r hysbysiad bennu'r dyddiad y mae'r dilead yn cymryd effaith.
- (7) Rhaid i'r hysbysiad hefyd bennu –
- y sail dros ddileu,
  - gwybodaeth o ran yr hawl i gael adolygiad, ac
  - y cyfnod a bennir mewn rheoliadau o dan adran 71(4)(c) y caniateir i gais am adolygiad gael ei wneud ynddo.
- (8) Ni chaniateir i ddilead o dan adran 27 gymryd effaith ar unrhyw adeg –
- pan allai cais am adolygiad o dan adran 31(c) neu (d) gael ei ddwyn mewn cysylltiad â'r penderfyniad i ddileu, neu
  - pan fo adolygiad neu benderfyniad gan y Comisiwn yn dilyn adolygiad o'r fath yn yr arfaeth.
- (9) Ond nid yw hynny yn atal dilead rhag cymryd effaith os yw corff llywodraethu'r sefydliad yn hysbysu'r Comisiwn nad yw'n bwriadu gwneud cais am adolygiad.
- (10) Pan fo is-adran (8) yn peidio ag atal dilead rhag cymryd effaith ar y dyddiad a bennir o dan is-adran (6), rhaid i'r Comisiwn benderfynu dyddiad yn y dyfodol pan fydd y dilead yn cymryd effaith.
- (11) Ond mae hynny yn ddarostyngedig i'r hyn sydd wedi cael ei benderfynu gan y Comisiwn yn dilyn unrhyw adolygiad o dan adran 31(c) neu (d) mewn cysylltiad â'r penderfyniad i ddileu.

## 29 Datgofrestru'n wirfoddol a datgofrestru gyda chydysyniad

- (1) Rhaid i'r Comisiwn ddileu sefydliad cofrestredig o gategori o'r gofrestr –
- os yw corff llywodraethu'r sefydliad yn gwneud cais i'r Comisiwn i'r sefydliad gael ei ddileu o'r categori hwnnw o'r gofrestr, a
  - os yw'r cais yn cydymffurfio ag unrhyw ofynion a osodir o dan is-adran (6).
- (2) Ond os yw'r cais o dan is-adran (1)(a) yn pennu ei fod wedi ei gyfuno â chais o dan adran 11(5)(a) i gofrestru mewn categori arall, nid yw'r ddyletswydd yn is-adran (1) yn gymwys oni bai bod yr amod yn is-adran (3) yn gymwys neu fod y ddau amod yn is-adran (4) yn gymwys.
- (3) Yr amod yn yr is-adran hon yw ei bod yn ofynnol i'r Comisiwn gofrestru'r sefydliad yn y categori arall yn unol â'r cais o dan adran 11(5)(a).
- (4) Yr amodau yn yr is-adran hon yw –
- y byddai'n ofynnol i'r Comisiwn gofrestru'r sefydliad yn y categori arall yn unol â'r cais o dan adran 11(5)(a) pe na bai am effaith adran 11(5)(f) mewn perthynas â'r categorïau cofrestru sy'n destun y cais o dan is-adran (1)(a) ac adran 11(5)(a), a

- (b) y byddai'n ofynnol i'r Comisiwn gofrestru'r sefydliad yn y categori arall os yw'r sefydliad wedi ei ddileu o'r categori y mae'r cais o dan is-adran (1)(a) wedi ei wneud mewn cysylltiad ag ef.
- 5 (5) Caiff y Comisiwn ddileu sefydliad cofrestredig o gategori o'r gofrestr os yw corff llywodraethu'r sefydliad yn cydsynio i hynny.
- (6) Caiff y Comisiwn benderfynu –
- (a) ffurf cais o dan is-adran (1),
- (b) yr wybodaeth sydd i'w chynnwys yn y cais neu sydd i'w darparu gydag ef, ac
- (c) y ffordd y mae cais i'w chyflwyno.
- 10 (7) Rhaid i'r Comisiwn hysbysu corff llywodraethu'r sefydliad am y dyddiad pan fydd y sefydliad yn cael ei ddileu o'r categori o'r gofrestr o dan yr adran hon ("y dyddiad dileu").
- (8) Caiff y Comisiwn amrywio'r dyddiad dileu ar unrhyw adeg cyn y dyddiad hwnnw drwy hysbysu corff llywodraethu'r sefydliad.
- 15 (9) Ni chaniateir i ddilead o dan yr adran hon gymryd effaith ar unrhyw adeg –
- (a) pan allai cais am adolygiad o dan adran 31(d) gael ei ddwyn mewn cysylltiad â'r penderfyniad i ddileu, neu
- (b) pan fo adolygiad neu benderfyniad gan y Comisiwn yn dilyn adolygiad o'r fath yn yr arfaeth.
- 20 (10) Ond nid yw hynny yn atal dilead rhag cymryd effaith os yw corff llywodraethu'r sefydliad yn hysbysu'r Comisiwn nad yw'n bwriadu gwneud cais am adolygiad.
- (11) Pan fo is-adran (9) yn peidio ag atal dilead rhag cymryd effaith ar y dyddiad a bennir o dan is-adran (7), rhaid i'r Comisiwn benderfynu dyddiad yn y dyfodol pan fydd y dilead yn cymryd effaith.
- 25 (12) Ond mae hynny yn ddarostyngedig i'r hyn sydd wedi cael ei benderfynu gan y Comisiwn yn dilyn unrhyw adolygiad o dan adran 31(d) mewn cysylltiad â'r penderfyniad i ddileu.
- (13) Caiff Gweinidogion Cymru, drwy reoliadau, wneud darpariaeth drosiannol neu ddarpariaeth arbed mewn cysylltiad â dileu sefydliad o gategori o'r gofrestr o dan yr adran hon.
- 30 (14) Caiff rheoliadau o dan is-adran (13) gynnwys darpariaeth sy'n trin y sefydliad fel pe bai'n sefydliad cofrestredig yn y categori hwnnw at y dibenion hynny a bennir gan y rheoliadau.
- (15) Rhaid i'r Comisiwn –
- 35 (a) cynnal rhestr o sefydliadau sydd wedi eu dileu o gategoriâu o'r gofrestr o dan yr adran hon,
- (b) cynnwys yn y rhestr honno gyfeiriad at unrhyw reoliadau a wneir o dan is-adran (13), ac
- (c) rhoi'r rhestr ar gael i'r cyhoedd drwy'r cyfrwng y mae'r Comisiwn yn ystyried ei fod yn briodol.
- 40

**30 Newid categori cofrestru heb gais**

Pan fo sefydliad cofrestredig wedi ei ddileu o gategori o'r gofrestr o dan adran 27(3) neu 29(5), caiff y Comisiwn gofrestru'r sefydliad mewn categori arall heb gais o dan adran 11(5)(a) –

- 5 (a) os yw corff llywodraethu'r sefydliad yn cydsynio i hynny,
- (b) os yw'n parhau i fod yn sefydliad yng Nghymru,
- (c) os yw'n darparu'r math o addysg drydyddol sy'n ymwneud â'r categori arall, neu os darperir yr addysg honno ar ei ran,
- 10 (d) os yw'n bodloni'r amodau cofrestru cychwynnol sy'n gymwys iddo mewn cysylltiad â'r cofrestriad yn y categori arall (gweler adran 13), ac
- (e) os nad yw cofrestru yn y categori arall wedi ei wahardd gan ddarpariaeth a wneir mewn rheoliadau o dan adran 11(6).

*Adolygiadau o benderfyniadau cofrestru*

**31 Adolygiadau o benderfyniadau cofrestru**

15 Caiff corff llywodraethu sefydliad wneud cais am adolygiad gan yr adolygydd penderfyniadau o unrhyw un neu ragor o'r penderfyniadau a ganlyn –

- (a) penderfyniad gan y Comisiwn i wrthod cofrestru'r sefydliad mewn categori o'r gofrestr o dan adran 11;
- 20 (b) penderfyniad gan y Comisiwn i osod neu i amrywio amod cofrestru parhaus penodol ar y sefydliad o dan adran 15;
- (c) penderfyniad gan y Comisiwn i ddileu'r sefydliad o gategori o'r gofrestr o dan adran 27;
- (d) penderfyniad gan y Comisiwn o ran y dyddiad a bennir o dan adran 28(6) neu adran 29(7) neu (8) fel y dyddiad y mae dileu'r sefydliad o gategori o'r gofrestr yn cymryd effaith.
- 25

**PENNOD 2****CYNLLUNIAU MYNEDIAD A CHYFLE****32 Cais gan sefydliad am gymeradwyaeth y Comisiwn i gynllun mynediad a chyfle**

- 30 (1) Caiff corff llywodraethu sefydliad yng Nghymru wneud cais i'r Comisiwn am gymeradwyaeth y Comisiwn i gynllun mynediad a chyfle arfaethedig sy'n ymwneud â'r sefydliad.
- (2) Mae cynllun mynediad a chyfle yn gynllun sy'n cydymffurfio ag adrannau 33 i 35.

**33 Y cyfnod y mae cynllun yn ymwneud ag ef**

- 35 (1) Rhaid i gynllun mynediad a chyfle sy'n ymwneud â sefydliad bennu cyfnod y mae'r cynllun i gael effaith mewn cysylltiad ag ef.

- (2) Ni chaiff y cyfnod a bennir fod yn hwy na chyfnod a bennir mewn rheoliadau a wneir gan Weinidogion Cymru.
- (3) Cyn gwneud rheoliadau o dan is-adran (2), rhaid i Weinidogion Cymru ymgynghori ag –
- 5 (a) y Comisiwn,  
(b) corff llywodraethu pob sefydliad cofrestredig, ac  
(c) unrhyw bersonau eraill y maent yn ystyried eu bod yn briodol.
- (4) Mae cyfeiriadau yn y Rhan hon at y cyfnod y mae cynllun yn ymwneud ag ef yn gyfeiriadau at y cyfnod a bennir ynddo o dan yr adran hon.

#### 10 **34 Terfyn ffioedd**

- (1) Rhaid i gynllun mynediad a chyfle sy'n ymwneud â sefydliad sy'n ddarostyngedig i amod terfyn ffioedd –
- (a) pennu terfyn ffioedd, neu  
(b) darparu ar gyfer penderfynu terfyn ffioedd,
- 15 mewn perthynas â phob cwrs cymhwysol ac mewn cysylltiad â phob blwyddyn academiaidd berthnasol.
- (2) Caiff cynllun mynediad a chyfle bennu, neu ddarparu ar gyfer penderfynu, derfynau ffioedd gwahanol mewn perthynas â chyrsgiau gwahanol ac mewn cysylltiad â blynyddoedd academiaidd perthnasol gwahanol.
- (3) Yn y Rhan hon –
- (a) mae terfyn ffioedd, mewn perthynas â chwrs, yn derfyn na chaniateir i'r ffioedd sy'n daladwy i'r sefydliad gan berson cymhwysol, mewn cysylltiad â'r person yn ymgymryd â'r cwrs, fynd uwch ei law;
- (b) mae blwyddyn academiaidd berthnasol, mewn perthynas â chwrs, yn flwyddyn academiaidd sy'n gymwys i'r cwrs, ac y mae ffioedd yn daladwy i'r sefydliad mewn cysylltiad â hi, ac sy'n dechrau o fewn y cyfnod y mae'r cynllun mynediad a chyfle yn ymwneud ag ef.
- (4) Pan fo cynllun mynediad a chyfle yn pennu terfyn ffioedd mewn perthynas â blwyddyn a chwrs, ni chaniateir i'r terfyn ffioedd a bennir fynd uwchlaw pa swm bynnag a bennir mewn rheoliadau a wneir gan Weinidogion Cymru at ddibenion yr adran hon ("yr uchafswm").
- 30 (5) Pan fo cynllun mynediad a ffioedd yn darparu ar gyfer penderfynu terfyn ffioedd mewn perthynas â blwyddyn a chwrs, rhaid i'r cynllun bennu nad yw'r terfyn ffioedd a benderfynir yn unol â'r cynllun i fynd uwchlaw'r uchafswm.

#### 35 **35 Hybu cyfle cyfartal ac addysg drydyddol**

- (1) Rhaid i gynllun mynediad a chyfle sy'n ymwneud â sefydliad gynnwys unrhyw ddarpariaethau sy'n ymwneud â hybu cyfle cyfartal ar gyfer pobl yng Nghymru neu hybu addysg drydyddol berthnasol a ddarperir yng Nghymru a bennir mewn rheoliadau a wneir gan Weinidogion Cymru.



- (2) Caiff cynllun mynediad a chyfle hefyd gynnwys darpariaethau pellach sy'n ymwneud â hybu cyfle cyfartal neu hybu'r mathau o addysg drydyddol a ddarperir gan, neu ar ran, y sefydliad.
- (3) Mae'r darpariaethau y caniateir eu pennu mewn rheoliadau o dan is-adran (1) i'w cynnwys mewn cynllun yn cynnwys (ymhlith pethau eraill) ddarpariaethau sy'n ei gwneud yn ofynnol i'r corff llywodraethu –
- (a) cymryd camau i ddenu ceisiadau gan ddarpar fyfyrwyr sy'n aelodau o grwpiau heb gynrychiolaeth ddigonol (neu sicrhau bod camau o'r fath yn cael eu cymryd);
  - (b) cymryd camau i gadw myfyrwyr sy'n aelodau o grwpiau heb gynrychiolaeth ddigonol (neu sicrhau bod camau o'r fath yn cael eu cymryd);
  - (c) cymryd camau i leihau bylchau o ran cyrhaeddiad mewn addysg drydyddol berthnasol rhwng personau o grwpiau gwahanol a bennir yn y rheoliadau (neu sicrhau bod camau o'r fath yn cael eu cymryd);
  - (d) darparu cynhorthwy ariannol i fyfyrwyr (neu sicrhau bod cynhorthwy o'r fath yn cael ei ddarparu);
  - (e) rhoi gwybodaeth ar gael i fyfyrwyr neu ddarpar fyfyrwyr am y cynhorthwy ariannol sydd ar gael i fyfyrwyr o unrhyw ffynhonnell (neu sicrhau bod gwybodaeth o'r fath yn cael ei rhoi ar gael).
- (4) Mae'r darpariaethau y caniateir eu pennu i'w cynnwys mewn cynllun hefyd yn cynnwys darpariaethau –
- (a) sy'n nodi amcanion sy'n ymwneud â hybu cyfle cyfartal a hybu'r mathau o addysg drydyddol a ddarperir gan, neu ar ran, y sefydliad;
  - (b) sy'n nodi gwybodaeth am wariant mewn cysylltiad â'r amcanion hynny;
  - (c) sy'n ymwneud â'r monitro gan y corff llywodraethu o ran –
    - (i) cydymffurfedd â darpariaethau'r cynllun;
    - (ii) y cynnydd sydd wedi ei wneud i gyflawni unrhyw amcanion a nodir yn y cynllun yn rhinwedd paragraff (a).
- (5) Ond ni chaniateir i'r pŵer i bennu darpariaethau i'w cynnwys mewn cynllun mynediad a chyfle gael ei arfer er mwyn ei gwneud yn ofynnol i gynllun sy'n ymwneud â sefydliad gynnwys darpariaeth –
- (a) sy'n cyfeirio at y modd y caiff cyrsiau addysg uwch eu haddysgu, eu goruchwylio neu eu hasesu;
  - (b) sy'n ymwneud â'r meini prawf ar gyfer derbyn myfyrwyr ar gyrsiau addysg uwch.
- (6) Yn yr adran hon ac yn adran 39 –
- ystyr "addysg drydyddol berthnasol" ("*relevant tertiary education*") yw'r math o addysg drydyddol sy'n ymwneud â chategori o'r gofrestr –
- (a) a bennir mewn rheoliadau o dan adran 18(1), a
  - (b) y mae'r cais i gymeradwyo'r cynllun o dan adran 32 wedi ei wneud mewn cysylltiad ag ef;

ystyr “cyfle cyfartal” (“*equality of opportunity*”) yw cyfle cyfartal mewn cysylltiad â mynediad i addysg drydyddol berthnasol.

- 5 (7) At ddibenion yr adran hon, “grwpiau heb gynrychiolaeth ddigonol”, mewn perthynas â chynllun mynediad a chyfle, yw grwpiau nad oes ganddynt, ar ddyddiad cymeradwyo’r cynllun o dan adran 36, gynrychiolaeth ddigonol mewn addysg drydyddol berthnasol yng Nghymru.
- 10 (8) Mae cyfeiriadau yn y Rhan hon at ofynion cyffredinol cynllun mynediad a chyfle yn gyfeiriadau at ddarpariaethau sydd wedi eu cynnwys yn y cynllun yn rhinwedd yr adran hon sy’n ei gwneud yn ofynnol i gorff llywodraethu’r sefydliad wneud (neu beidio â gwneud) pethau penodedig.

### 36 Cymeradwyo cynllun mynediad a chyfle

- 15 (1) Os gwneir cais i’r Comisiwn o dan adran 32 i gymeradwyo cynllun mynediad a chyfle, rhaid i’r Comisiwn drwy hysbysiad i’r corff llywodraethu o dan sylw naill ai –
- (a) cymeradwyo’r cynllun, neu
- (b) gwrthod y cynllun.
- (2) Caiff corff llywodraethu sefydliad a chanddo gynllun cymeradwy wneud cais i’r Comisiwn i gymeradwyo amrywiad i’r cynllun.
- 20 (3) Os yw cais i amrywio wedi ei wneud o dan is-adran (2), rhaid i’r Comisiwn drwy hysbysiad i’r corff llywodraethu naill ai –
- (a) cymeradwyo’r amrywiad, neu
- (b) gwrthod yr amrywiad.
- (4) Caiff Gweinidogion Cymru, drwy reoliadau, wneud darpariaeth ynghylch materion sydd i’w hystyried gan y Comisiwn wrth wneud unrhyw benderfyniad mewn cysylltiad â chymeradwyo neu wrthod cynllun neu amrywiad i gynllun o dan yr adran hon.
- 25 (5) At ddibenion y Rhan hon, y cyfnod pan fo cynllun mynediad a chyfle sy’n ymwneud â sefydliad ac sydd wedi ei gymeradwyo o dan yr adran hon mewn grym yw’r cyfnod sy’n dechrau â’r diwrnod y’i cymeradwyir o dan yr adran hon, ac sy’n gorffen â’r diwrnod y mae’r cyfnod y mae’n ymwneud ag ef yn dod i ben.
- 30 (6) Yn y Rhan hon, mae cyfeiriadau at gynllun cymeradwy yn gyfeiriadau at gynllun mynediad a chyfle sy’n ymwneud â sefydliad sydd wedi ei gymeradwyo o dan yr adran hon ac sydd mewn grym ar hyn o bryd.
- (7) Mae’r adran hon yn ddarostyngedig i adran 40(5) (peidio â chymeradwyo cynllun mynediad a chyfle newydd).
- 35 (8) Am ddarpariaeth weithdrefnol ynghylch hysbysiad o dan is-adrannau (1)(b) a (3)(b), gweler adrannau 67 i 70.

### 37 Cyhoeddi cynllun cymeradwy

- (1) Pan fo’r Comisiwn wedi cymeradwyo cynllun mynediad a chyfle, rhaid i gorff llywodraethu’r sefydliad y mae’r cynllun yn ymwneud ag ef gyhoeddi’r cynllun (ac unrhyw amrywiad cymeradwy o’r cynllun).

- (2) Wrth gyflawni ei ddyletswydd o dan is-adran (1), rhaid i'r corff llywodraethu roi sylw i'r angen i sicrhau bod y cynllun ar gael yn hawdd i fyfyrwyr a darpar fyfyrwyr.

### 38 Dilysrwydd contractau

- (1) Mae'r adran hon yn gymwys i gontract sy'n darparu ar gyfer talu ffioedd cwrs rheoleiddiedig i sefydliad, gan berson cymhwysol ac mewn cysylltiad â'r person yn ymgymryd â chwrs cymhwysol, sydd uwchlaw'r terfyn ffioedd cymwys.
- (2) At ddibenion unrhyw hawliau ac atebolrwyddau sy'n codi o dan y contract, ac unrhyw drafodion mewn cysylltiad â'r hawliau a'r atebolrwyddau hynny, mae'r contract i'w drin fel pe bai'n darparu ar gyfer talu ffioedd mewn swm sy'n cyfateb i'r terfyn ffioedd cymwys.
- (3) Ac eithrio fel y'i darperir yn is-adran (2), nid yw'r contract yn ddi-rym nac yn anorfodadwy o ganlyniad i ddarparu ar gyfer talu ffioedd sydd uwchlaw'r terfyn ffioedd cymwys.

### 39 Dyletswydd y Comisiwn i fonitro a gwerthuso cydymffurfedd ac effeithiolrwydd

- (1) Rhaid i'r Comisiwn –
- (a) monitro cydymffurfedd â gofynion cyffredinol cynlluniau cymeradwy;
  - (b) gwerthuso effeithiolrwydd pob cynllun cymeradwy;
  - (c) gwerthuso effeithiolrwydd cynlluniau cymeradwy yn gyffredinol.
- (2) At ddibenion yr adran hon, effeithiolrwydd cynllun cymeradwy yw ei effeithiolrwydd o ran hybu –
- (a) cyfle cyfartal, a
  - (b) addysg drydyddol berthnasol.
- (3) Yn yr adran hon, mae i "addysg drydyddol berthnasol" a "cyfle cyfartal" yr ystyr a roddir gan adran 35(6).

### 40 Hysbysiad ynghylch gwrthod cymeradwyo cynllun mynediad a chyfle newydd

- (1) Os yw'r Comisiwn wedi ei fodloni bod amod yn is-adran (3) wedi ei ddiwallu mewn cysylltiad â sefydliad cofrestredig, caiff roi hysbysiad o dan yr adran hon i gorff llywodraethu'r sefydliad.
- (2) Mae hysbysiad o dan yr adran hon yn hysbysiad na fydd y Comisiwn yn cymeradwyo cynllun mynediad a chyfle newydd sy'n ymwneud â'r sefydliad cyn diwedd cyfnod a bennir yn yr hysbysiad.
- (3) Yr amodau yw bod corff llywodraethu'r sefydliad wedi methu â chydymffurfio ag –
- (a) amod terfyn ffioedd a osodir o dan adran 18,
  - (b) amod cynllun mynediad a chyfle a osodir o dan adran 18, neu
  - (c) cyfarwyddyd o dan adran 25 i orfodi amod a grybwyllir ym mharagraff (a) neu (b).
- (4) Nid yw corff llywodraethu i'w drin at ddibenion is-adran (3)(b) fel be bai wedi methu â chydymffurfio â gofyniad os yw'r Comisiwn wedi ei fodloni bod y corff llywodraethu wedi cymryd pob cam rhesymol i gydymffurfio ag ef.

- (5) Os yw'r Comisiwn yn rhoi hysbysiad o dan yr adran hon i gorff llywodraethu sefydliad, ni chaiff y Comisiwn gymeradwyo cynllun mynediad a chyfle arfaethedig sy'n ymwneud â'r sefydliad cyn diwedd y cyfnod a bennir yn yr hysbysiad.
- (6) Pan fo'r Comisiwn wedi rhoi hysbysiad o dan yr adran hon—
- 5 (a) caiff dynnu'r hysbysiad yn ôl, a
- (b) os yw'n gwneud hynny, mae'r cyfyngiad yn is-adran (5) yn peidio â bod yn gymwys.
- (7) Caiff Gweinidogion Cymru, drwy reoliadau, wneud darpariaeth ynghylch—
- (a) y cyfnod y caniateir ei bennu mewn hysbysiad o dan yr adran hon;
- 10 (b) y materion sydd i'w hystyried gan y Comisiwn wrth benderfynu pa un ai i roi hysbysiad o dan yr adran hon neu ei dynnu'n ôl;
- (c) y weithdrefn sydd i'w dilyn mewn cysylltiad â thynnu hysbysiad yn ôl.
- (8) Os yw corff llywodraethu sefydliad nad yw'n sefydliad cofrestredig yn methu â chydymffurfio â chyfarwyddyd o dan adran 25, mae'r adran hon yn gymwys mewn perthynas â'r sefydliad hwnnw fel y mae'n gymwys mewn perthynas â sefydliad cofrestredig.
- 15 (9) Os yw'r Comisiwn yn rhoi hysbysiad o dan yr adran hon, rhaid iddo—
- (a) rhoi copi o'r hysbysiad i Weinidogion Cymru;
- (b) cyhoeddi'r hysbysiad.
- 20 (10) Am ddarpariaeth weithdrefnol ynghylch hysbysiad o dan yr adran hon, gweler adrannau 67 i 70.
- (11) Mae pwerau'r Comisiwn yn adrannau 25 (cyfarwyddydau mewn cysylltiad â methiant i gydymffurfio ag amodau cofrestru parhaus) a 27 (datgofrestru) hefyd ar gael yn achos torri amod a ddisgrifir yn is-adran (3)(a) neu (b).

#### 41 Dyletswydd i dynnu cymeradwyaeth yn ôl

Os yw sefydliad cofrestredig a chanddo gynllun cymeradwy yn peidio â bod wedi ei gofrestru yn y categori cofrestru y gwnaeth gais i gymeradwyo'r cynllun o dan adran 32 mewn cysylltiad ag ef, rhaid i'r Comisiwn dynnu ei gymeradwyaeth o'r cynllun mynediad a chyfle yn ôl drwy roi hysbysiad o dan yr adran hon i gorff llywodraethu'r sefydliad.

30

### PENNOD 3

#### SICRHAU ANSAWDD A GWELLA ANSAWDD

##### *Swyddogaethau sicrhau ansawdd cyffredinol*

#### 42 Fframweithiau sicrhau ansawdd

- (1) Caiff y Comisiwn gyhoeddi fframweithiau sicrhau ansawdd.
- (2) Mae fframwaith sicrhau ansawdd yn ddogfen sy'n nodi canllawiau a gwybodaeth am faterion polisi ac arfer ynghylch—
- (a) meini prawf ar gyfer asesu ansawdd addysg drydyddol;
- 35

- (b) prosesau ar gyfer asesu ansawdd addysg drydyddol;
- (c) rolau a chyfrifoldebau –
- (i) personau sy'n asesu ansawdd addysg drydyddol,
- (ii) darparwyr addysg drydyddol o ran ansawdd addysg drydyddol, a
- 5 (iii) unrhyw bersonau eraill y mae'r Comisiwn yn ystyried eu bod yn briodol o ran ansawdd addysg drydyddol;
- (d) datblygiad proffesiynol aelodau o'r gweithlu addysg drydyddol;
- (e) unrhyw fater arall y mae'r Comisiwn yn ystyried ei fod yn berthnasol i sicrhau ansawdd addysg drydyddol.
- 10 (3) Caiff y Comisiwn ddiwygio, disodli neu dynnu'n ôl unrhyw fframwaith sicrhau ansawdd a gyhoeddir o dan yr adran hon.
- (4) Cyn cyhoeddi fframwaith (neu unrhyw fframwaith diwygiedig) neu dynnu fframwaith yn ôl o dan yr adran hon, rhaid i'r Comisiwn ymgynghori ag –
- (a) pob sefydliad cofrestredig,
- 15 (b) Prif Arolygydd Ei Mawrhydi dros Addysg a Hyfforddiant yng Nghymru ("y Prif Arolygydd"), ac
- (c) unrhyw bersonau eraill y mae'r Comisiwn yn ystyried eu bod yn briodol.
- (5) Rhaid i'r personau a grybwyllir yn is-adran (6), i'r graddau y mae'n berthnasol i arfer eu swyddogaethau, roi sylw i fframwaith sicrhau ansawdd a gyhoeddir o dan yr adran hon.
- 20 (6) Y personau yw –
- (a) y Comisiwn;
- (b) y Prif Arolygydd;
- (c) corff dynodedig (gweler adran 48).
- (7) Nid oes dim byd yn yr adran hon sy'n effeithio ar bwerau eraill y Comisiwn i ddyroddi canllawiau.
- 25 (8) Mae i "aelodau o'r gweithlu addysg drydyddol" yr un ystyr ag yn adran 2(4).

#### 43 Dyletswydd i fonitro ansawdd addysg drydyddol reoleiddiedig ac i hybu gwelliant yn ansawdd yr addysg honno

Rhaid i'r Comisiwn fonitro ansawdd addysg drydyddol a hybu gwelliant yn ansawdd yr addysg honno –

30

- (a) a ddarperir gan, neu ar ran, sefydliadau cofrestredig (i'r graddau y mae'r addysg drydyddol yn ymwneud â chategorïau cofrestru'r sefydliadau);
- (b) a gyllidir gan y Comisiwn neu a sicrheir fel arall ganddo.

#### 44 Cyngor a chynhorthwy mewn cysylltiad ag ansawdd addysg drydyddol

- 35 (1) Mae'r adran hon yn gymwys i addysg drydyddol, neu i gwrs penodol o addysg drydyddol –
- (a) a ddarperir gan, neu ar ran, sefydliad cofrestredig;
- (b) a gyllidir gan y Comisiwn neu a sicrheir fel arall ganddo;

- (c) a ddarperir yng Nghymru ac nad yw'n dod o fewn paragraff (a) na (b).
- (2) Caiff y Comisiwn ddarparu, neu wneud trefniadau ar gyfer darparu, gyngor neu gynhorthwy arall i unrhyw berson at ddiben –
- (a) gwella ansawdd yr addysg drydyddol neu'r cwrs, neu
- (b) atal ansawdd yr addysg drydyddol neu'r cwrs rhag dod yn annigonol.
- (3) At ddibenion yr adran hon, mae ansawdd addysg drydyddol, neu ansawdd cwrs addysg drydyddol, yn annigonol os nad yw'n ddigonol i ddiwallu anghenion rhesymol y rheini sy'n cael yr addysg neu sy'n ymgymryd â'r cwrs.

#### 45 Adolygiadau sy'n berthnasol i ansawdd addysg drydyddol

Caiff y Comisiwn gynnal, neu drefnu i berson arall gynnal, adolygiad o unrhyw faterion y mae'n ystyried eu bod yn berthnasol i ansawdd addysg drydyddol, neu i gwrs penodol o addysg drydyddol –

- (a) a ddarperir gan, neu ar ran, sefydliad cofrestredig;
- (b) a gyllidir gan y Comisiwn neu a sicrheir fel arall ganddo;
- (c) a ddarparir yng Nghymru ac nad yw'n dod o fewn paragraff (a) na (b).

*Asesu ansawdd mewn addysg uwch*

#### 46 Asesu ansawdd addysg uwch

- (1) Rhaid i'r Comisiwn asesu, neu wneud trefniadau ar gyfer asesu, ansawdd addysg uwch a ddarperir –
- (a) gan bob sefydliad cofrestredig;
- (b) ar ran pob sefydliad cofrestredig (pa un ai gan sefydliad cofrestredig arall neu gan ddarparwr allanol).
- (2) Mae'r dyletswydd yn is-adran (1) yn gymwys i asesu addysg uwch sy'n ymwneud â chategori cofrestru'r sefydliad.
- (3) Caiff y Comisiwn asesu, neu wneud trefniadau ar gyfer asesu, ansawdd addysg uwch a ddarperir yng Nghymru gan unrhyw sefydliad.
- (4) Rhaid i'r Comisiwn gyhoeddi adroddiad ar bob asesiad a gynhelir o dan yr adran hon.
- (5) Caiff Gweinidogion Cymru, drwy reoliadau –
- (a) ei gwneud yn ofynnol i asesiadau o dan baragraffau (a) a (b) o is-adran (1) gael eu cynnal fesul ysbaid a bennir yn y rheoliadau;
- (b) ei gwneud yn ofynnol i adroddiadau o dan is-adran (4) gael eu cyhoeddi cyn diwedd cyfnod a bennir yn y rheoliadau.
- (6) Cyn gwneud rheoliadau o dan is-adran (5), rhaid i Weinidogion Cymru ymgynghori â'r Comisiwn.
- (7) Yn y Rhan hon, mae cyfeiriadau at ddarparwr allanol yn gyfeiriadau at berson –
- (a) nad yw'n sefydliad cofrestredig, ond

(b) sy'n gyfrifol am ddarparu cwrs addysg uwch cyfan, neu ran ohono, ar ran sefydliad cofrestredig;

ac mae cyfeiriadau at gorff llywodraethu mewn perthynas â darparwr allanol nad yw'n sefydliad yn gyfeiriadau at y personau sy'n gyfrifol am reoli'r darparwr.

- 5 (8) At ddibenion is-adran (7)(b) caiff Gweinidogion Cymru wneud darpariaeth drwy reoliadau ynghylch yr amgylchiadau pan fo person i'w drin (neu nad yw i'w drin) fel pe bai'n gyfrifol am ddarparu cwrs (neu ran ohono).

#### 47 Cynlluniau gweithredu yn dilyn asesiadau o dan adran 46

- 10 (1) Mae'r adran hon yn gymwys i asesiadau a gynhelir o dan adran 46(1)(a) a (b) ac a gyhoeddir yn unol ag adran 46(4).
- (2) Rhaid i gorff llywodraethu sefydliad cofrestredig sy'n darparu'r addysg uwch a asesir, neu y mae'r addysg uwch wedi ei darparu ar ei ran (yn ôl y digwydd) –
- 15 (a) llunio datganiad ysgrifenedig o'r camau gweithredu y mae'n bwriadu eu cymryd yng ngoleuni'r adroddiad ac o fewn pa gyfnod y mae'n bwriadu cymryd y camau hynny;
- (b) anfon y datganiad i'r Comisiwn ac, os cynhaliwyd yr asesiad gan gorff dynodedig, i'r corff dynodedig.
- (3) Rhaid i'r corff llywodraethu sy'n gwneud y datganiad ei gyhoeddi.
- 20 (4) Mae cydymffurfio â'r dyletswyddau o dan is-adrannau (2) a (3) i'w drin fel pe bai'n amod cofrestru parhaus sy'n gymwys i'r sefydliad at ddibenion adran 25 (cyfarwyddydau mewn cysylltiad â methiant i gydymffurfio ag amodau cofrestru parhaus) ac adran 27 (datgofrestru).

#### 48 Cyflawni swyddogaethau asesu addysg uwch gan gorff dynodedig

- 25 (1) Mae Atodlen 3 yn gwneud darpariaeth –
- (a) ynghylch dynodi corff i gyflawni'r swyddogaethau asesu;
- (b) ynghylch goruchwyllo'r corff dynodedig gan y Comisiwn;
- (c) i'r corff godi ffioedd.
- (2) At ddibenion y Bennod hon "y swyddogaethau asesu" yw swyddogaethau'r Comisiwn o dan adran 46 (asesu ansawdd addysg uwch).
- 30 (3) Pan fo corff wedi ei ddynodi o dan Atodlen 3 i gyflawni'r swyddogaethau asesu, nid yw'r swyddogaethau o dan adran 46 yn peidio â bod yn arferadwy gan y Comisiwn.

*Arolygu addysg bellach neu hyfforddiant etc.*

#### 49 Dyletswydd y Prif Arolygydd i arolygu ac adrodd

- 35 (1) Rhaid i'r Prif Arolygydd arolygu –
- (a) addysg bellach neu hyfforddiant a gyllidir gan y Comisiwn neu a sicheir fel arall ganddo;
- (b) addysg bellach neu hyfforddiant a gyllidir gan Weinidogion Cymru neu a sicheir fel arall ganddynt;

- (c) addysg bellach neu hyfforddiant a gyllidir gan awdurdod lleol;
- (d) addysg bellach neu hyfforddiant pan fo'r Comisiwn neu awdurdod lleol yn ystyried rhoi cyllid i ddarparwr yr addysg bellach neu'r hyfforddiant;
- 5 (e) addysg neu hyfforddiant a ddarperir i bersonau o'r oedran ysgol gorfodol mewn sefydliad yng Nghymru o fewn y sector addysg bellach neu'r sector addysg uwch;
- (f) addysg neu hyfforddiant a ddarperir yng Nghymru ac a bennir gan Weinidogion Cymru mewn rheoliadau (os oes rhai).
- (2) Nid yw paragraffau (a), (b) nac (c) o is-adran (1) yn gymwys i—
- 10 (a) addysg o fath y caniateir iddo gael ei arolygu o dan Ran 1 o Ddeddf Addysg 2005 (p. 18) (arolygiadau ysgolion), neu
- (b) os yw'r cyllid a grybwyllir yn y paragraffau hynny wedi ei roi at ddiben penodol, addysg neu hyfforddiant nad yw'r cymorth hwnnw wedi ei gyfeirio ati neu ato.
- (3) Rhaid i'r Prif Arolygydd gyhoeddi adroddiad ar bob arolygiad a gynhelir o dan yr adran hon gan gynnwys barn ar—
- 15 (a) ansawdd yr addysg neu'r hyfforddiant a arolygir,
- (b) y safonau a gyrhaeddir gan y rheini sy'n cael yr addysg honno neu'r hyfforddiant hwnnw, ac
- (c) a yw'r adnoddau ariannol sy'n cael eu rhoi ar gael i ddarparwr yr addysg neu'r hyfforddiant yn cael eu rheoli'n effeithlon ac yn cael eu defnyddio mewn ffordd sy'n darparu gwerth am arian.
- 20 (4) Caiff Gweinidogion Cymru, drwy reoliadau—
- (a) ei gwneud yn ofynnol i arolygiadau o dan is-adran (1) (ac eithrio paragraff (d)) gael eu cynnal fesul ysbaid a bennir yn y rheoliadau;
- (b) ei gwneud yn ofynnol i adroddiadau o dan is-adran (3) gael eu gwneud cyn diwedd cyfnod a bennir yn y rheoliadau.
- 25 (5) Cyn gwneud rheoliadau o dan yr adran hon rhaid i Weinidogion Cymru ymgynghori ag—
- (a) y Comisiwn;
- (b) y Prif Arolygydd.

30 **50 Pŵer y Prif Arolygydd i arolygu ac adrodd**

- (1) Caiff y Prif Arolygydd arolygu unrhyw addysg neu hyfforddiant a ddisgrifir yn adran 49(1) ac adrodd arni neu arno.
- (2) Caiff y Prif Arolygydd arolygu unrhyw addysg neu hyfforddiant—
- (a) nad yw o fath a ddisgrifir yn adran 49(1), ond
- 35 (b) a allai gael ei chyllido neu ei gyllido yn un o'r ffyrdd a grybwyllir yn yr adran honno,
- ac adrodd arni neu arno, os yw darparwr yr addysg neu'r hyfforddiant yn gofyn i'r Prif Arolygydd wneud hynny.
- (3) Caiff y Prif Arolygydd godi ffi am gost arolygiad a gynhelir o dan is-adran (2).



- (4) Mae is-adrannau (3) i (5) o adran 49 yn gymwys i adroddiad o dan is-adran (1) fel y maent yn gymwys i gynllun o dan yr adran honno.
- (5) Caiff y Prif Arolygydd drefnu i adroddiad ar arolygiad a gynhelir o ganlyniad i gais o dan is-adran (2) gael ei gyhoeddi.

5 **51 Dyletswydd i ddarparu gwybodaeth a chyngor i'r Comisiwn**

- (1) Mae'r adran hon yn gymwys mewn perthynas ag addysg neu hyfforddiant a ddisgrifir yn adran 49(1) ac a gyllidir gan y Comisiwn neu a sicrheir fel arall ganddo.
- (2) Rhaid i'r Prif Arolygydd sicrhau bod y Comisiwn yn cael gwybod yn rheolaidd am—
  - 10 (a) ansawdd yr addysg neu'r hyfforddiant y mae'r adran hon yn gymwys iddi neu iddo,
  - (b) y safonau a gyrhaeddir gan y rheini sy'n cael yr addysg honno neu'r hyfforddiant hwnnw, ac
  - (c) a yw'r adnoddau ariannol sy'n cael eu rhoi ar gael i'r rheini sy'n darparu'r addysg a'r hyfforddiant yn cael eu rheoli'n effeithlon ac yn cael eu defnyddio er mwyn 15 darparu gwerth am arian.
- (3) Pan fydd y Comisiwn yn gofyn iddo wneud hynny, rhaid i'r Prif Arolygydd—
  - (a) rhoi cyngor i'r Comisiwn ar y materion hynny a bennir gan y Comisiwn sy'n ymwneud ag addysg neu hyfforddiant y mae'r adran hon yn gymwys iddi neu iddo;
  - 20 (b) arolygu'r addysg honno neu'r hyfforddiant hwnnw, neu'r dosbarth hwnnw o addysg neu hyfforddiant, y mae'r adran hon yn gymwys iddi neu iddo, a bennir gan y Comisiwn;
  - (c) adrodd ar ganlyniad arolygiad a gynhelir o dan yr adran hon.

**52 Dyletswydd i ddarparu gwybodaeth a chyngor i Weinidogion Cymru**

- 25 (1) Mae'r adran hon yn gymwys mewn perthynas ag addysg a hyfforddiant a ddisgrifir yn adran 49(1) nas cyllidir gan y Comisiwn neu nas sicrheir fel arall ganddo.
- (2) Rhaid i'r Prif Arolygydd sicrhau bod Gweinidogion Cymru yn cael gwybod yn rheolaidd am—
  - 30 (a) ansawdd yr addysg neu'r hyfforddiant y mae'r adran hon yn gymwys iddi neu iddo,
  - (b) y safonau a gyrhaeddir gan y rheini sy'n cael yr addysg honno neu'r hyfforddiant hwnnw, ac
  - (c) a yw'r adnoddau ariannol sy'n cael eu rhoi ar gael i'r rheini sy'n darparu'r addysg a'r hyfforddiant yn cael eu rheoli'n effeithlon ac yn cael eu defnyddio er mwyn 35 darparu gwerth am arian.
- (3) Pan fydd Gweinidogion Cymru yn gofyn iddo wneud hynny, rhaid i'r Prif Arolygydd—
  - (a) rhoi cyngor i Weinidogion Cymru ar y materion hynny a bennir gan Weinidogion Cymru sy'n ymwneud ag addysg neu hyfforddiant y mae'r adran hon yn gymwys iddi neu iddo;

- (b) arolygu'r addysg honno neu'r hyfforddiant hwnnw, neu'r dosbarth hwnnw o addysg neu hyfforddiant, y mae'r adran hon yn gymwys iddi neu iddo, a bennir gan Weinidogion Cymru;
- (c) adrodd ar ganlyniad arolygiad a gynhelir o dan yr adran hon.

5 **53 Swyddogaethau ychwanegol y Prif Arolygydd**

- (1) Mae'r Prif Arolygydd i gael unrhyw swyddogaethau eraill mewn cysylltiad â'r addysg neu'r hyfforddiant a ddisgrifir yn adran 49(1) a bennir gan Weinidogion Cymru mewn rheoliadau.
- (2) Caiff y swyddogaethau a bennir yn y rheoliadau gynnwys swyddogaethau mewn cysylltiad â hyfforddi athrawon, darlithwyr, hyfforddwyr neu bersonau eraill sy'n ymwneud â darparu'r addysg honno neu'r hyfforddiant hwnnw, neu mewn cysylltiad â hyfforddiant ar gyfer y personau hynny.

10 **54 Cynlluniau gweithredu yn dilyn arolygiadau gan y Prif Arolygydd**

- (1) Mae'r adran hon yn gymwys os yw'r Prif Arolygydd yn cyhoeddi adroddiad ar arolygiad.
- (2) Ond nid yw'n gymwys i adroddiad ar arolygiad a gynhelir –
  - (a) o ganlyniad i gais o dan adran 50(2), neu
  - (b) o dan adran 55.
- (3) Rhaid i'r person sy'n gyfrifol am reoli darparwr yr addysg neu'r hyfforddiant sy'n destun yr adroddiad lunio datganiad ysgrifenedig o'r camau gweithredu y mae'r person yn bwriadu eu cymryd yng ngoleuni'r adroddiad ac o fewn pa gyfnod y mae'n bwriadu cymryd y camau gweithredu hynny.
- (4) Rhaid i'r person sy'n gwneud y datganiad ei gyhoeddi.
- (5) Mae is-adran (6) yn gymwys –
  - (a) os yw person sy'n ddarostyngedig i'r dyletswyddau yn is-adrannau (3) a (4) yn gorff llywodraethu sefydliad cofrestredig, a
  - (b) os yw'r addysg neu'r hyfforddiant sy'n destun yr adroddiad yn ymwneud â chategori cofrestru'r sefydliad.
- (6) Mae cydymffurfio â'r dyletswyddau yn is-adrannau (3) a (4) i'w drin fel pe bai'n amod cofrestru parhaus sy'n gymwys i'r sefydliad at ddibenion adran 25 (cyfarwyddydau mewn cysylltiad â methiant i gydymffurfio ag amodau cofrestru parhaus) ac adran 27 (datgofrestru).
- (7) Mae is-adran (8) yn gymwys os yw'r addysg neu'r hyfforddiant sy'n destun yr adroddiad wedi ei chyllido neu wedi ei gyllido gan y Comisiwn neu Weinidogion Cymru o dan Ran 3 o'r Ddeddf hon.
- (8) Mae cydymffurfio â'r dyletswyddau yn is-adrannau (3) a (4) i'w drin fel pe bai'n un o ofynion y telerau a'r amodau cyllido o dan y Ddeddf hon.

**55 Arolygiadau ardal**

(1) Caiff y Prif Arolygydd arolygu –

(a) ansawdd ac argaeledd disgrifiad o addysg neu hyfforddiant, mewn ardal benodedig yng Nghymru, ar gyfer personau sy'n 15 oed neu'n hŷn,

(b) y safonau a gyrhaeddir gan y rheini sy'n cael yr addysg honno neu'r hyfforddiant hwnnw, ac

(c) a yw'r adnoddau ariannol sy'n cael eu rhoi ar gael i'r rheini sy'n darparu'r addysg honno neu'r hyfforddiant hwnnw yn cael eu rheoli'n effeithlon ac yn cael eu defnyddio mewn ffordd sy'n darparu gwerth am arian.

(2) Rhaid i'r Prif Arolygydd gynnal arolygiad o'r math a ddisgrifir yn is-adran (1) ("arolygiad ardal") os gofynnir iddo wneud hynny gan –

(a) y Comisiwn;

(b) Gweinidogion Cymru.

(3) Yr addysg neu'r hyfforddiant a gaiff fod yn destun arolygiad ardal yw unrhyw addysg neu hyfforddiant a ddisgrifir yn adran 49 neu sydd o fewn cylch gwaith y Prif Arolygydd o ganlyniad i unrhyw ddeddfiad arall.

(4) Ond ni chaniateir i'r pŵer i'w gwneud yn ofynnol i'r Prif Arolygydd gynnal arolygiad ardal gael ei arfer ond –

(a) yn achos y Comisiwn, mewn cysylltiad â disgrifiad o addysg neu hyfforddiant a gyllidir gan y Comisiwn neu a sicrheir fel arall ganddo;

(b) yn achos Gweinidogion Cymru, mewn cysylltiad â disgrifiad o addysg neu hyfforddiant ac eithrio addysg neu hyfforddiant a gyllidir gan y Comisiwn neu a sicrheir fel arall ganddo.

(5) Caniateir i arolygiad ardal gael ei estyn er mwyn ystyried –

(a) y modd y mae unrhyw adnoddau ariannol wedi eu cymhwyso gan berson a ddisgrifir yn is-adran (6) mewn cysylltiad â'r addysg neu'r hyfforddiant a arolygir, a

(b) a yw unrhyw adnoddau ariannol o'r fath wedi eu cymhwyso mewn ffordd sy'n darparu gwerth am arian.

(6) Y personau a grybwyllir yn is-adran (5) yw –

(a) y Comisiwn;

(b) Gweinidogion Cymru;

(c) awdurdod lleol.

(7) Rhaid i'r personau a ganlyn ddarparu unrhyw wybodaeth sy'n rhesymol ofynnol gan y Prif Arolygydd mewn cysylltiad â'r arolygiad –

(a) personau sy'n gyfrifol am reoli unrhyw ddarparwr addysg neu hyfforddiant sy'n destun arolygiad ardal;

(b) unrhyw awdurdod lleol o fewn yr ardal sy'n destun arolygiad ardal;

(c) y Comisiwn;

(d) Gweinidogion Cymru.

(8) Ar ôl cwblhau arolygiad ardal, rhaid i'r Prif Arolygydd gyhoeddi adroddiad.

(9) Caiff Gweinidogion Cymru, drwy reoliadau –

(a) gwneud darpariaeth bellach mewn cysylltiad â'r ddyletswydd i ddarparu gwybodaeth a osodir gan yr adran hon;

(b) ei gwneud yn ofynnol i adroddiadau o dan is-adran (8) gael eu cyhoeddi cyn diwedd cyfnod a bennir yn y rheoliadau.

(10) Am ddarpariaeth ynghylch adrodd ar ddsbarthiadau chwech y canfuwyd eu bod yn peri pryder mewn arolygiad ardal, gweler adrannau 44C a 44E o Ddeddf Addysg 2005 (p. 18).

(11) Yn is-adran (1) –

ystyr "penodedig" ("*specified*") –

(a) yn achos arolygiad ardal y gofynnir amdano o dan is-adran (2), yw wedi ei bennu yn y cais;

(b) yn achos arolygiad ardal a gynhelir gan y Prif Arolygydd ac eithrio drwy gais, yw wedi ei bennu gan y Prif Arolygydd;

mae "personau sy'n 15 oed" ("*persons who are aged 15*") yn cynnwys personau, y darperir addysg ar eu cyfer mewn ysgol, a fydd yn cyrraedd yr oedran hwnnw yn y flwyddyn ysgol gyfredol.

## 20 56 Hawl mynediad a throseddau

(1) Wrth gynnal arolygiad o dan y Bennod hon, mae gan y Prif Arolygydd, ar bob adeg resymol –

(a) hawl mynediad i fangre y darperir yr addysg sy'n cael ei harolygu neu'r hyfforddiant sy'n cael ei arolygu ynddi;

(b) hawl mynediad i fangre darparwr yr addysg honno neu'r hyfforddiant hwnnw sy'n cael ei defnyddio mewn cysylltiad â'r ddarpariaeth honno;

(c) hawl i arolygu unrhyw gofnodion a gedwir gan y person hwnnw, ac unrhyw ddogfennau eraill sy'n cynnwys gwybodaeth sy'n ymwneud â'r addysg neu'r hyfforddiant, sy'n ofynnol gan yr arolygydd at ddibenion yr arolygiad, ac i gymryd copïau ohonynt.

(2) Mewn cysylltiad ag addysg neu hyfforddiant a ddarperir gan gyflogwr yn y gweithle, ni chaniateir i'r hawl mynediad a roddir gan is-adran (1) gael ei harfer ond os yw'r cyflogwr wedi cael rhybudd rhesymol.

(3) Mae'r hawl i arolygu a roddir gan is-adran (1)(c) yn cynnwys yr hawl i gael mynediad i unrhyw gyfrifiadur ac unrhyw gyfarpar neu ddeunydd cysylltiedig sy'n cael ei ddefnyddio neu sydd wedi cael ei ddefnyddio mewn cysylltiad â'r cofnodion neu'r dogfennau o dan sylw ac i arolygu a gwirio gweithrediad unrhyw gyfrifiadur o'r fath ac unrhyw gyfarpar neu ddeunydd cysylltiedig o'r fath.

- (4) Mae'r hawl honno hefyd yn cynnwys yr hawl i gael unrhyw gynhorthwy gan—
- (a) y person sy'n defnyddio neu sydd wedi bod yn defnyddio'r cyfrifiadur neu y mae'r cyfrifiadur yn cael ei ddefnyddio felly neu wedi cael ei ddefnyddio felly ar ei ran, neu
  - (b) unrhyw berson a chanddo ofal dros y cyfrifiadur, y cyfarpar neu'r deunydd, neu sydd fel arall yn ymwneud â gweithrediad y cyfrifiadur, y cyfarpar neu'r deunydd,
- sy'n rhesymol ofynnol gan y Prif Arolygydd.
- (5) Mae'n drosedd rhwystru'r Prif Arolygydd yn fwriadol wrth iddo arfer swyddogaethau mewn perthynas ag arolygiad o dan y Bennod hon.
- (6) Mae person sy'n euog o drosedd o'r fath yn agored ar euogfarn ddiannod i ddirwy nad yw'n uwch na lefel 4 ar y raddfa safonol.

### 57 Arolygon ac astudiaethau

- (1) Caiff y Comisiwn gyfarwyddo'r Prif Arolygydd i gynnal—
- (a) arolwg o Gymru, neu o ardal o fewn Cymru a bennir yn y cyfarwyddyd, mewn cysylltiad â materion a bennir yn y cyfarwyddyd sy'n ymwneud â pholisi ynglŷn ag addysg bellach neu hyfforddiant;
  - (b) astudiaeth gymharol o'r ddarpariaeth a wneir y tu allan i Gymru mewn cysylltiad â materion a bennir yn y cyfarwyddyd sy'n ymwneud ag addysg bellach neu hyfforddiant.
- (2) Caiff y Prif Arolygydd, heb gael ei gyfarwyddo i wneud hynny, gynnal arolwg neu astudiaeth o'r math hwnnw.

### 58 Adroddiadau blynyddol

- (1) Rhaid i adroddiad blynyddol y Prif Arolygydd sy'n ofynnol gan adran 21(1)(a) o Ddeddf Addysg 2005 (p. 18) gynnwys adroddiad ar arfer swyddogaethau'r Prif Arolygydd o dan y Bennod hon.
- (2) Mae'r pŵer a roddir gan yr adran honno i wneud adroddiadau eraill yn cynnwys pŵer i wneud adroddiadau mewn cysylltiad â materion sy'n ymwneud ag addysg neu hyfforddiant a ddisgrifir yn adran 49(1).

### 59 Cynllun blynyddol y Prif Arolygydd

- (1) Rhaid i'r Prif Arolygydd, ar gyfer pob blwyddyn ariannol, lunio cynllun sy'n nodi amcangyfrifon o'r canlynol—
- (a) y gwariant sy'n angenrheidiol, yn y flwyddyn ariannol y mae'r cynllun yn ymwneud â hi, er mwyn sicrhau bod swyddogaethau'r Prif Arolygydd yn cael eu cyflawni'n effeithiol, a
  - (b) yr incwm y bydd y Prif Arolygydd yn ei gael yn y flwyddyn ariannol honno ac y caniateir iddo gael ei gymhwyso tuag at dalu treuliau'r Prif Arolygydd.
- (2) Rhaid i'r cynllun gynnwys cynigion ar gyfer rheoli unrhyw gyllid a all gael ei ddarparu i'r Prif Arolygydd yn y flwyddyn ariannol honno o dan—

- (a) adran 60 o'r Ddeddf hon (cyllido gan y Comisiwn), a
- (b) adran 104(4) o Ddeddf Llywodraeth Cymru 1998 (p. 38) (cyllido gan Weinidogion Cymru).

(3) Rhaid i'r cynllun gael ei gyflwyno, at ddibenion ymgynghori, i—

- (a) y Comisiwn, a
- (b) Gweinidogion Cymru,

erbyn yr adeg honno cyn dechrau'r flwyddyn ariannol y mae'n ymwneud â hi a gyfarwyddir ganddynt ar y cyd.

(4) Caiff y Prif Arolygydd gyhoeddi'r cynllun, ar ôl i'r cynllun gael ei gymeradwyo gan—

- (a) y Comisiwn, a
- (b) Gweinidogion Cymru.

## 60 Cyllido arolygiadau ac adroddiadau ar addysg bellach a hyfforddiant etc.

(1) Rhaid i'r Comisiwn ddarparu unrhyw gyllid i'r Prif Arolygydd y mae'n ystyried ei fod yn briodol ar gyfer cyflawni swyddogaethau'r Prif Arolygydd, i'r graddau y mae'r swyddogaethau yn ymwneud ag addysg neu hyfforddiant a gyllidir gan y Comisiwn neu a sicrheir fel arall ganddo.

(2) Wrth benderfynu pa gyllid y mae'n ystyried ei fod yn briodol, rhaid i'r Comisiwn roi sylw yn benodol i'r hyn y mae'r Comisiwn yn ystyried bod angen i'r Prif Arolygydd ei wario er mwyn cyflawni'r swyddogaethau.

(3) Cyn dechrau pob blwyddyn ariannol, rhaid i'r Comisiwn ymgynghori â'r Prif Arolygydd ynghylch y cyllid y mae i'w ddarparu i'r Prif Arolygydd yn y flwyddyn ariannol honno.

(4) Rhaid i'r Comisiwn—

- (a) cymeradwyo unrhyw ran (neu rannau) o'r cynllun a lunnir gan y Prif Arolygydd o dan adran 59 sy'n ymwneud â swyddogaethau y mae'n ofynnol i'r Comisiwn ddarparu cyllid o dan yr adran hon mewn cysylltiad â hwy, a
- (b) penderfynu swm y cyllid y bydd yn ei ddarparu o dan yr adran hon yn unol â'r cynllun i'r graddau y mae wedi ei gymeradwyo gan y Comisiwn.

(5) Ond cyn iddo gymeradwyo'r cynllun o dan is-adran (4) caiff y Comisiwn ei gwneud yn ofynnol i'r Prif Arolygydd addasu'r cynllun.

(6) Mae adran 104 o Ddeddf Llywodraeth Cymru 1998 (p. 38) wedi ei diwygio fel a ganlyn—

(a) ar ôl is-adran (1) mewnosoder —

“(1A) But the Welsh Ministers are not responsible for providing funding to the Chief Inspector for the discharge of the Chief Inspector's functions under Chapter 3 of Part 2 of the Tertiary Education and Research (Wales) Act 2021 so far as they relate to education or training that is funded or otherwise secured by the Commission for Tertiary Education and Research.”;

(b) yn is-adran (4A), yn lle paragraff (a) rhodder –

“(a) approve such part (or parts) of the plan prepared by the Chief Inspector under section 59 of the Tertiary Education and Research (Wales) Act 2021 as relate to functions in respect of which they are required to provide funding under this section, and”.

#### PENNOD 4

### DARPARIAETHAU GORFODI A GWEITHDREFNOL PELLACH

#### *Ymyrryd yn ymddygiad sefydliadau addysg bellach*

#### 10 61 Y seiliau dros ymyrryd

At ddibenion adrannau 62 a 63, y seiliau dros ymyrryd yn ymddygiad sefydliad yng Nghymru o fewn y sector addysg bellach yw fel a ganlyn –

- (a) mae materion y sefydliad wedi cael neu yn cael eu camreoli gan ei gorff llywodraethu;
- 15 (b) mae corff llywodraethu'r sefydliad wedi methu â chydymffurfio â dyletswydd o dan unrhyw ddeddfiad;
- (c) mae corff llywodraethu'r sefydliad wedi gweithredu neu'n bwriadu gweithredu'n afresymol wrth arfer ei swyddogaethau o dan unrhyw ddeddfiad;
- 20 (d) mae'r sefydliad yn perfformio'n sylweddol waeth nag y gellid yn rhesymol ddisgwyl iddo berfformio o dan yr holl amgylchiadau, neu yn methu neu'n debygol o fethu â rhoi safon dderbyniol o addysg neu hyfforddiant.

#### 62 Pwerau i ymyrryd

- 25 (1) Os yw Gweinidogion Cymru wedi eu bodloni bod un neu ragor o'r seiliau dros ymyrryd yn bodoli mewn perthynas â sefydliad yng Nghymru o fewn y sector addysg bellach, caiff Gweinidogion Cymru roi cyfarwyddyd i gorff llywodraethu'r sefydliad.
- (2) Cyn rhoi cyfarwyddyd o dan yr adran hon, rhaid i Weinidogion Cymru ymgynghori â'r Comisiwn.
- (3) Caiff cyfarwyddyd o dan yr adran hon –
  - 30 (a) cynnwys darpariaeth sy'n cael effaith i ddiswyddo pob un neu unrhyw un neu ragor o aelodau corff llywodraethu'r sefydliad;
  - (b) cynnwys darpariaeth sy'n cael effaith i benodi aelodau newydd o'r corff hwnnw os oes swyddi gwag (sut bynnag y maent wedi codi);
  - (c) pennu camau sydd i'w cymryd (neu nad ydynt i'w cymryd) gan y corff llywodraethu at ddiben ymdrin â'r seiliau dros ymyrryd.
- 35 (4) Caiff cyfarwyddyd o dan is-adran (3)(c) (ymhlith pethau eraill) ei gwneud yn ofynnol i'r corff llywodraethu –

- (a) arfer pwerau o dan baragraffau (b) i (f) a (h) o adran 5(2) o Fesur Addysg (Cymru) 2011 (mccc 7) i gydlafurio â'r personau hynny ac ar y telerau hynny a bennir yn y cyfarwyddyd;
- (b) pasio penderfyniad o dan adran 27A(1) o Ddeddf Addysg Bellach ac Uwch 1992 (p. 13) ("Deddf 1992") i'r corff gael ei ddiddymu ar ddyddiad a bennir yn y cyfarwyddyd.
- (5) Cymerir at ddibenion adran 27A(1) o Ddeddf 1992 fod corff llywodraethu, y mae cyfarwyddyd fel y'i crybwyllir yn is-adran (4)(b) wedi ei roi iddo, wedi cydymffurfio ag adran 27 o'r Ddeddf honno cyn pasio'r penderfyniad sy'n ofynnol gan y cyfarwyddyd.
- (6) Caniateir i gyfarwyddydau gael eu rhoi o dan yr adran hon er gwaethaf unrhyw ddeddfiad sy'n gwneud arfer pŵer neu gyflawni dyletswydd yn ddibynnol ar farn corff llywodraethu.
- (7) Ni chaiff Gweinidogion Cymru gyfarwyddo corff llywodraethu o dan yr adran hon i ddiswyddo aelod o staff.
- (8) Ond nid yw is-adran (7) yn atal Gweinidogion Cymru, pan fônt yn ystyried y gall fod yn briodol diswyddo aelod o staff y mae gan y corff llywodraethu bŵer i'w ddiswyddo o dan erthyglau llywodraethu'r sefydliad, rhag rhoi unrhyw gyfarwyddydau i'r corff llywodraethu o dan yr adran hon sy'n angenrheidiol er mwyn sicrhau y rhoddir effaith i'r gweithdrefnau sy'n gymwys i ystyried yr achos dros ddiswyddo'r aelod hwnnw o staff mewn perthynas â'r aelod hwnnw o staff.
- (9) Mae penodi aelod o gorff llywodraethu o dan yr adran hon yn cael effaith fel pe bai wedi ei wneud yn unol ag offeryn llywodraethu ac erthyglau llywodraethu'r sefydliad o dan sylw.

### 63 Hysbysu gan y Comisiwn am y seiliau dros ymyrryd

- (1) Os yw'r Comisiwn o'r farn bod unrhyw un neu ragor o'r seiliau dros ymyrryd yn bodoli mewn perthynas â sefydliad yng Nghymru o fewn y sector addysg bellach, rhaid i'r Comisiwn hysbysu Gweinidogion Cymru am y farn honno.
- (2) Rhaid i Weinidogion Cymru roi sylw i farn y Comisiwn wrth benderfynu pa un ai i arfer y pwerau o dan adran 62.

### 64 Datganiad Gweinidogion Cymru ar bwerau ymyrryd

- (1) Rhaid i Weinidogion Cymru gyhoeddi datganiad sy'n nodi sut y maent yn bwriadu arfer eu pwerau o dan adran 62.
- (2) O ran Gweinidogion Cymru –
- (a) rhaid iddynt gadw'r datganiad o dan adolygiad;
- (b) cânt ddiwygio'r datganiad.
- (3) Cyn cyhoeddi'r datganiad neu ddatganiad diwygiedig, rhaid i Weinidogion Cymru ymgynghori â'r personau hynny y maent yn ystyried eu bod yn briodol.



*Mynediad i wybodaeth a chyfleusterau***65 Dyletswydd i gydweithredu**

- (1) Rhaid i gorff llywodraethu darparwr allanol sicrhau y darperir i berson sy'n arfer swyddogaeth yn rhinwedd adran 43, 45 neu 46(1) unrhyw wybodaeth, unrhyw gynhorthwy ac unrhyw fynediad i gyfleusterau, systemau ac offer y darparwr allanol sy'n rhesymol ofynnol gan y person at ddiben arfer y swyddogaeth (gan gynnwys at ddiben arfer unrhyw bŵer o dan adran 66).
- (2) Rhaid i gorff llywodraethu darparwr addysg bellach neu hyfforddiant a gyllidir o dan adran 88 sicrhau y darperir i berson sy'n arfer swyddogaeth yn rhinwedd adran 43 neu 45 unrhyw wybodaeth, unrhyw gynhorthwy ac unrhyw fynediad i gyfleusterau, systemau ac offer y darparwr sy'n rhesymol ofynnol gan y person at ddiben arfer y swyddogaeth (gan gynnwys at ddiben arfer unrhyw bŵer o dan adran 66).
- (3) Yn is-adran (2) –
- ystyr “y corff llywodraethu” (“*the governing body*”) yw'r person sy'n gyfrifol am reoli'r darparwr;
- nid yw “darparwr addysg bellach neu hyfforddiant” (“*provider of further education or training*”) yn cynnwys sefydliad cofrestredig.
- (4) Os yw'r Comisiwn wedi ei fodloni bod corff llywodraethu wedi methu â chydymffurfio ag is-adran (1) neu (2), caiff ei gyfarwyddo i gymryd (neu i beidio â chymryd) camau penodedig at ddiben sicrhau y darperir gwybodaeth, cynhorthwy neu fynediad fel y'i disgrifir yn is-adran (1) neu (2) (fel y bo'n briodol).
- (5) Am ddarpariaeth weithdrefnol ynghylch cyfarwyddyd o dan is-adran (4) , gweler adrannau 67 i 70.

**66 Pwerau mynd i mewn ac arolygu**

- (1) At ddiben arfer swyddogaeth yn rhinwedd adran 22, 24, 39, 43, 45 neu 46(1), caiff person awdurdodedig –
- (a) mynd i fangre sefydliad cofrestredig;
- (b) edrych ar ddogfennau y deuir o hyd iddynt yn y fangre, eu copio neu eu cymryd.
- (2) At ddiben arfer swyddogaeth yn rhinwedd adran 43, 45 neu 46(1), caiff person awdurdodedig –
- (a) mynd i fangre darparwr allanol;
- (b) edrych ar ddogfennau y deuir o hyd iddynt yn y fangre, eu copio neu eu cymryd.
- (3) Yn is-adrannau (1)(b) a (2)(b), mae cyfeiriadau at –
- (a) dogfennau yn cynnwys gwybodaeth wedi ei chofnodi ar unrhyw ffurf;
- (b) dogfennau y deuir o hyd iddynt yn y fangre yn cynnwys –
- (i) dogfennau sydd wedi eu storio ar gyfrifiaduron neu ar ddyfeisiau storio electronig yn y fangre, a
- (ii) dogfennau sydd wedi eu storio mewn man arall ond y gellir cael mynediad iddynt drwy gyfrifiaduron yn y fangre.

- (4) Mae'r pŵer a roddir gan is-adrannau (1)(b) a (2)(b) yn cynnwys pŵer –
- (a) i'w gwneud yn ofynnol i berson ddarparu dogfennau;
  - (b) i osod gofynion o ran sut y darperir dogfennau (a gaiff gynnwys gofynion i ddarparu copïau darllenadwy o ddogfennau sydd wedi eu storio'n electronig);
  - (c) i edrych ar gyfrifiadur y mae dogfennau wedi eu creu neu eu storio arno neu ar ddyfais storio electronig y mae dogfennau wedi eu creu neu eu storio arni.
- (5) Ni chaniateir i bŵer a roddir gan yr adran hon gael ei arfer ond ar ôl rhoi hysbysiad rhesymol i –
- (a) corff llywodraethu'r sefydliad cofrestredig neu'r darparwr allanol y mae'r person awdurdodedig yn bwriadu arfer y pŵer mewn perthynas â'i fangre, a
  - (b) corff llywodraethu unrhyw sefydliad cofrestredig y mae'r sefydliad hwnnw neu'r darparwr allanol hwnnw yn darparu ar ei ran yr addysg drydyddol y mae arfer y swyddogaeth berthnasol a grybwyllir yn is-adran (1) neu (2) yn ymwneud â hi.
- (6) Nid yw is-adran (5) yn gymwys i arfer pŵer os yw'r person awdurdodedig wedi ei fodloni –
- (a) bod yr achos yn achos brys, neu
  - (b) y byddai cydymffurfio â'r is-adran honno yn tansilio diben arfer y pŵer.
- (7) Yn yr adran hon, ystyr "person awdurdodedig" yw person sydd wedi ei awdurdodi'n ysgrifenedig gan y Comisiwn (pa un ai'n gyffredinol neu'n benodol) i arfer y pwerau a roddir gan yr adran hon.
- (8) Cyn arfer pŵer o dan yr adran hon, rhaid i berson awdurdodedig, os yw'n ofynnol iddo wneud hynny, ddangos copi o awdurdodiad y person o dan is-adran (7).
- (9) O ran y pwerau a roddir gan yr adran hon –
- (a) caniateir iddynt gael eu harfer ar adegau rhesymol yn unig;
  - (b) ni chaniateir iddynt gael eu harfer i'w gwneud yn ofynnol i berson wneud unrhyw beth ac eithrio ar adeg resymol.
- (10) Nid yw'r pwerau a roddir gan yr adran hon yn cynnwys pŵer i fynd i annedd heb gytundeb y meddiannydd.

*Y weithdrefn rhybuddio ac adolygu*

**67 Cymhwyso adrannau 68 i 70**

- (1) Mae adrannau 68 i 70 yn gymwys i –
- (a) cyfarwyddyd o dan adran 25 (cyfarwyddydau mewn cysylltiad â methiant i gydymffurfio ag amodau cofrestru parhaus);
  - (b) hysbysiad o dan adran 36(1)(b) (gwrthod y cynllun mynediad a chyfle arfaethedig);
  - (c) hysbysiad o dan adran 36(3)(b) (gwrthod yr amrywiad arfaethedig i gynllun mynediad a chyfle);
  - (d) hysbysiad o dan adran 40 (gwrthod cymeradwyo cynllun mynediad a chyfle newydd);

(e) cyfarwyddyd o dan adran 65(4) (cyfarwyddydau mewn cysylltiad â methiant i gydweithredu).

(2) Ond nid yw'r adrannau hynny yn gymwys i gyfarwyddyd nad yw'n darparu ond ar gyfer dirymu cyfarwyddyd cynharach.

5 **68 Hysbysiadau a chyfarwyddydau arfaethedig: gofyniad i roi hysbysiad rhybuddio**

(1) Cyn rhoi i gorff llywodraethu hysbysiad neu gyfarwyddyd y mae'r adran hon yn gymwys iddo, rhaid i'r Comisiwn roi hysbysiad rhybuddio i'r corff llywodraethu.

(2) Rhaid i'r hysbysiad rhybuddio—

(a) nodi'r hysbysiad neu'r cyfarwyddyd arfaethedig,

10 (b) datgan y rhesymau dros fwriadu ei roi,

(c) pennu'r cyfnod pan gaiff corff llywodraethu'r sefydliad gyflwyno sylwadau ynghylch yr hysbysiad neu'r cyfarwyddyd arfaethedig ("y cyfnod penodedig"), a

(d) pennu'r ffordd y caniateir i'r sylwadau hynny gael eu cyflwyno.

15 (3) Ni chaiff y cyfnod penodedig fod yn llai nag 28 o ddiwrnodau sy'n dechrau â'r dyddiad y ceir yr hysbysiad.

(4) Rhaid i'r Comisiwn roi sylw i unrhyw sylwadau a gyflwynir gan gorff llywodraethu'r sefydliad yn unol â'r hysbysiad rhybuddio wrth benderfynu pa un ai i roi'r hysbysiad neu'r cyfarwyddyd.

20 (5) Ar ôl penderfynu pa un ai i roi'r hysbysiad neu'r cyfarwyddyd, rhaid i'r Comisiwn hysbysu corff llywodraethu'r sefydliad am ei benderfyniad.

**69 Yr wybodaeth sydd i'w rhoi gyda hysbysiadau a chyfarwyddydau a'r effaith tra bo adolygiad yn yr arfaeth**

25 (1) Os yw'r Comisiwn yn rhoi i gorff llywodraethu hysbysiad neu gyfarwyddyd y mae'r adran hon yn gymwys iddo, rhaid i'r hysbysiad neu'r cyfarwyddyd bennu'r dyddiad y mae'n cymryd effaith.

(2) Rhaid i'r Comisiwn, ar yr un pryd ag y mae'n rhoi'r hysbysiad neu'r cyfarwyddyd, roi i'r corff llywodraethu ddatganiad sy'n pennu—

(a) y rhesymau dros roi'r hysbysiad neu'r cyfarwyddyd,

(b) gwybodaeth o ran yr hawl i gael adolygiad, ac

30 (c) y cyfnod a bennir mewn rheoliadau o dan adran 71(4)(c) y caniateir i gais am adolygiad gael ei wneud ynddo.

(3) Ni chaniateir i hysbysiad neu gyfarwyddyd y mae'r adran hon yn gymwys iddo gymryd effaith ar unrhyw adeg—

(a) pan allai cais am adolygiad o dan adran 70 gael ei ddwyn mewn cysylltiad â'r hysbysiad neu'r cyfarwyddyd, neu

35 (b) pan fo adolygiad neu benderfyniad gan y Comisiwn yn dilyn adolygiad o'r fath yn yr arfaeth.

- (4) Ond nid yw hynny yn atal hysbysiad neu gyfarwyddyd rhag cymryd effaith os yw corff llywodraethu'r sefydliad yn hysbysu'r Comisiwn nad yw'n bwriadu gwneud cais am adolygiad.
- (5) Pan fo is-adran (3) yn peidio ag atal hysbysiad neu gyfarwyddyd rhag cymryd effaith ar y dyddiad a bennir o dan is-adran (1), rhaid i'r Comisiwn benderfynu dyddiad yn y dyfodol y mae'r hysbysiad neu'r cyfarwyddyd yn cymryd effaith.
- (6) Ond mae hynny yn ddarostyngedig i'r hyn sydd wedi cael ei benderfynu gan y Comisiwn yn dilyn unrhyw adolygiad o dan adran 70 mewn cysylltiad â'r hysbysiad neu'r cyfarwyddyd.

## 10 70 Adolygu hysbysiadau a chyfarwyddydau

Os yw'r Comisiwn yn rhoi i gorff llywodraethu hysbysiad neu gyfarwyddyd y mae'r adran hon yn gymwys iddo, caiff y corff llywodraethu wneud cais am adolygiad o'r hysbysiad neu'r cyfarwyddyd gan yr adolygydd penderfyniadau.

## 71 Adolygydd penderfyniadau

- (1) Rhaid i Weinidogion Cymru benodi person, neu banel o bersonau, i adolygu penderfyniadau o dan adrannau 31 a 70.
- (2) Caiff Gweinidogion Cymru dalu tâl a lwfansau i bersonau a benodir o dan is-adran (1).
- (3) Rhaid i Weinidogion Cymru, drwy reoliadau, wneud darpariaeth mewn cysylltiad ag adolygiadau gan yr adolygydd penderfyniadau o dan adrannau 31 a 70.
- (4) Caiff y rheoliadau, ymhlith pethau eraill, wneud darpariaeth—
- (a) ynghylch y seiliau y caniateir i'r adolygydd penderfyniadau wneud argymhellion i'r Comisiwn arnynt;
  - (b) ynghylch y mathau o argymhellion y caniateir iddynt gael eu gwneud gan yr adolygydd penderfyniadau i'r Comisiwn;
  - (c) ynghylch y cyfnod y caniateir i gais gael ei wneud ynddo, a'r ffordd y mae rhaid gwneud hynny;
  - (d) ynghylch y weithdrefn sydd i'w dilyn gan yr adolygydd penderfyniadau;
  - (e) ynghylch y camau sydd i'w cymryd gan y Comisiwn neu Weinidogion Cymru yn dilyn adolygiad.
- (5) Yn y Rhan hon, ystyr "yr adolygydd penderfyniadau" yw'r person neu'r panel o bersonau a benodir o dan is-adran (1).

### *Dyletswyddau amrywiol*

## 72 Dyletswydd i fonitro cynaliadwyedd ariannol ac adrodd arno

- (1) Rhaid i'r Comisiwn fonitro cynaliadwyedd ariannol—
- (a) sefydliadau cofrestredig;
  - (b) sefydliadau yng Nghymru o fewn y sector addysg bellach a gyllidir gan y Comisiwn o dan adran 88 nad ydynt yn sefydliadau cofrestredig;

(c) darparwyr addysg drydyddol eraill o fath a bennir mewn rheoliadau a wneir gan Weinidogion Cymru.

(2) Caiff Gweinidogion Cymru, drwy reoliadau, ddarparu ar gyfer eithriadau i baragraffau (a) a (b) o is-adran (1).

(3) Rhaid i'r Comisiwn gynnwys yn ei adroddiad blynyddol wybodaeth am sefyllfa ariannol y personau sydd wedi eu monitro o dan is-adran (1) ar gyfer y flwyddyn ariannol y mae'r adroddiad blynyddol yn ymwneud â hi.

(4) Ar yr un pryd ag y mae'r Comisiwn yn anfon ei adroddiad blynyddol at Weinidogion Cymru, rhaid i'r Comisiwn anfon adroddiad ar wahân at Weinidogion Cymru sy'n cynnwys crynodeb o'r rhagolwg ariannol ar gyfer y personau sydd wedi eu monitro o dan is-adran (1) am y blynyddoedd ariannol sy'n dilyn y flwyddyn ariannol y mae'r adroddiad blynyddol yn ymwneud â hi.

(5) "Crynodeb o'r rhagolwg ariannol" yw crynodeb o gasgliadau y mae'r Comisiwn wedi dod iddynt, o'i fonitro o dan is-adran (1), ynghylch patrymau perthnasol, tueddiadau perthnasol neu faterion perthnasol eraill y mae wedi eu nodi.

(6) Mae patrymau, tueddiadau neu faterion eraill yn "perthnasol" –

(a) os ydynt yn ymwneud â chynaliadwyedd ariannol rhai o'r personau neu'r holl bersonau sydd wedi eu monitro o dan is-adran (1), a

(b) os yw'r Comisiwn yn ystyried eu bod yn briodol i'w dwyn i sylw Gweinidogion Cymru.

(7) Yn yr adran hon –

ystyr "adroddiad blynyddol" ("*annual report*") yw'r adroddiad blynyddol o dan baragraff 16 o Atodlen 1;

mae i "blwyddyn ariannol" ("*financial year*") yr un ystyr ag yn yr Atodlen honno (gweler paragraff 17).

### 73 Datganiad y Comisiwn ar swyddogaethau ymyrryd

(1) Rhaid i'r Comisiwn gyhoeddi datganiad sy'n nodi sut y mae'n bwriadu arfer ei swyddogaethau ymyrryd.

(2) O ran y Comisiwn –

(a) rhaid iddo gadw'r datganiad o dan adolygiad;

(b) caiff ddiwygio'r datganiad.

(3) Cyn cyhoeddi'r datganiad neu ddatganiad diwygiedig, rhaid i'r Comisiwn ymgynghori ag –

(a) corff llywodraethu pob sefydliad cofrestredig, a

(b) unrhyw bersonau eraill y mae'n ystyried eu bod yn briodol.

(4) Swyddogaethau ymyrryd y Comisiwn yw ei swyddogaethau o dan y darpariaethau a ganlyn –

(a) adran 22 (dyletswydd i fonitro cydymffurfedd ag amodau cofrestru parhaus);

(b) adran 23 (cyngor a chynhorthwy mewn cysylltiad â chydymffurfedd ag amodau cofrestru parhaus);

- (c) adran 24 (adolygiadau sy'n berthnasol i gydymffurfedd ag amodau);
- (d) adran 25 (cyfarwyddydau mewn cysylltiad â methiant i gydymffurfio ag amodau cofrestru parhaus);
- (e) adran 27 (datgofrestru);
- 5 (f) adran 40 (gwrthod cymeradwyo cynllun mynediad a chyfle newydd);
- (g) adran 43 (dyletswydd i fonitro ansawdd addysg drydyddol reoleiddiedig ac i hybu gwelliant yn ansawdd yr addysg honno);
- (h) adran 44 (cyngor a chynhorthwy mewn cysylltiad ag ansawdd addysg drydyddol);
- 10 (i) adran 45 (adolygiadau sy'n berthnasol i ansawdd addysg drydyddol);
- (j) adran 65(4) (cyfarwyddydau mewn cysylltiad â methiant i gydymffurfio â dyletswydd i gydweithredu).

#### *Cyfarwyddydau*

#### **74 Effaith cyfarwyddydau a'u gorfodi**

- 15 (1) Os yw'r Comisiwn neu Weinidogion Cymru yn rhoi cyfarwyddyd i gorff llywodraethu o dan y Rhan hon, rhaid i'r corff llywodraethu gydymffurfio â'r cyfarwyddyd.
- (2) Mae'r cyfarwyddyd yn orfodadwy drwy waharddeb yn dilyn cais gan y person a roddodd y cyfarwyddyd.
- 20 (3) Os yw'r corff llywodraethu yn gofyn iddo wneud hynny, rhaid i'r person a roddodd y cyfarwyddyd roi hysbysiad i'r corff llywodraethu sy'n datgan a yw'r person wedi ei fodloni bod y corff llywodraethu wedi cydymffurfio â'r cyfarwyddyd (neu â gofyniad penodol yn y cyfarwyddyd).
- (4) Rhaid i gyfarwyddyd a roddir o dan y Rhan hon fod yn ysgrifenedig.

#### **PENNOD 5**

#### CYFFREDINOL

#### **75 Cydnawsedd â chyfraith elusennau a dogfennau llywodraethu sefydliadau**

- 30 (1) Nid oes dim byd yn y Rhan hon sy'n rhoi pŵer i'r Comisiwn i'w gwneud yn ofynnol i gorff llywodraethu sefydliad wneud unrhyw beth sy'n anghydnaws ag –
  - (a) unrhyw rwymedigaeth gyfreithiol neu gyfyngiad cyfreithiol sy'n gymwys i'r corff llywodraethu yn rhinwedd bod y sefydliad yn elusen, neu
  - (b) dogfennau llywodraethu'r sefydliad.
- (2) At ddibenion is-adran (1), dogfennau llywodraethu sefydliad yw –
  - (a) yn achos sefydliad a sefydlwyd drwy Siarter Frenhinol –
    - 35 (i) Siarter y sefydliad, a
    - (ii) unrhyw offeryn sy'n ymwneud â rhedeg y sefydliad, y mae'n ofynnol cael cymeradwyaeth y Cyfrin Gyngor er mwyn gwneud neu ddiwygio'r offeryn hwnnw;

- (b) yn achos sefydliad sy'n cael ei redeg gan gorfforaeth addysg uwch (o fewn yr ystyr a roddir i "higher education corporation" gan adran 90(1) o Ddeddf Addysg Bellach ac Uwch 1992 (p. 13)), offeryn llywodraethu'r gorfforaeth ac erthyglau llywodraethu'r sefydliad;
- 5 (c) yn achos sefydliad sy'n cael ei redeg gan gorfforaeth addysg bellach (o fewn yr ystyr a roddir i "further education corporation" gan adran 17(1) o Ddeddf Addysg Bellach ac Uwch 1992), offeryn llywodraethu ac erthyglau llywodraethu'r gorfforaeth;
- 10 (d) yn achos sefydliad a ddynodir o dan adran 129 o Ddeddf Diwygio Addysg 1988 (p. 40) neu adran 28 o Ddeddf Addysg Bellach ac Uwch 1992, offeryn llywodraethu ac erthyglau llywodraethu'r sefydliad;
- (e) yn achos sefydliad nad yw'n dod o fewn paragraffau (a) i (d) sy'n cael ei redeg gan gwmni, memorandwm ac erthyglau cymdeithasu'r cwmni.

## 76 Dynodi darparwyr addysg drydyddol eraill

- 15 (1) Caiff Gweinidogion Cymru, yn dilyn cais gan ddarparwr addysg drydyddol o fewn is-adran (2), ddynodi'r darparwr at ddibenion yr adran hon.
- (2) Mae darparwr addysg drydyddol o fewn yr is-adran hon yn ddarparwr –
- (a) sy'n darparu addysg drydyddol yng Nghymru, ond
- (b) na fyddai (oni bai am y dynodiad) yn cael ei ystyried yn sefydliad at ddibenion y
- 20 Ddeddf hon.
- (3) Mae darparwr addysg drydyddol a ddynodir o dan yr adran hon, oni bai bod y dynodiad wedi ei dynnu'n ôl, i'w drin, at ddibenion unrhyw ddarpariaeth a wneir gan y Ddeddf hon neu odani, fel pe bai'n sefydliad.
- (4) Caiff Gweinidogion Cymru, drwy reoliadau, wneud darpariaeth ynghylch –
- 25 (a) gwneud ceisiadau am ddynodiad;
- (b) gwneud dynodiadau o dan yr adran hon (gan gynnwys darpariaeth ynghylch y materion sydd i'w hystyried wrth benderfynu pa un ai i wneud dynodiad);
- (c) tynnu dynodiad yn ôl (gan gynnwys darpariaeth ynghylch y materion sydd i'w hystyried wrth benderfynu pa un ai i dynnu dynodiad yn ôl);
- 30 (d) effaith tynnu dynodiad yn ôl (gan gynnwys darpariaeth i ddarparwr y mae ei ddynodiad wedi ei dynnu'n ôl barhau i gael ei drin fel pe bai'n sefydliad at ddibenion rhagnodedig er gwaethaf is-adran (3)).

## 77 Dehongli Rhan 2

Yn y Rhan hon –

- 35 mae i "adolygydd penderfyniadau" ("*decision reviewer*") yr ystyr a roddir gan adran 71;
- mae i "amod cofrestru parhaus" ("*ongoing registration condition*") yr ystyr a roddir gan adran 11(11);
- 40 mae i "amod cynllun mynediad a chyfle" ("*access and opportunity plan condition*") yr ystyr a roddir gan adran 18(4);

mae i “amod terfyn ffioedd” (“*fee limit condition*”) yr ystyr a roddir gan adran 18(5);

ystyr “blwyddyn academiaidd” (“*academic year*”) yw cyfnod o 12 mis;

mae i “blwyddyn academiaidd berthnasol” (“*relevant academic year*”), mewn perthynas â sefydliad y mae cynllun mynediad a chyfle yn ymwneud ag ef, yr ystyr a roddir yn adran 34;

mae i “corff llywodraethu” (“*governing body*”), mewn perthynas â darparwr allanol nad yw’n sefydliad, yr ystyr a roddir gan adran 46(7) (gweler adran 130 am ystyr “corff llywodraethu” yn gyffredinol);

ystyr “cwrs cymhwysol” (“*qualifying course*”) yw cwrs a bennir mewn rheoliadau o dan adran 18;

mae i “cynllun cymeradwy” (“*approved plan*”) yr ystyr a roddir gan adran 36;

mae i “cynllun mynediad a chyfle” (“*access and opportunity plan*”) yr ystyr a roddir gan adran 32;

mae i “darparwr allanol” (“*external provider*”) yr ystyr a roddir gan adran 46(7);

ystyr “ffioedd” (“*fees*”) yw ffioedd mewn perthynas ag ymgymryd â chwrs, neu mewn cysylltiad ag ymgymryd ag ef fel arall, gan gynnwys ffioedd derbyn, cofrestru, dysgu a graddio, a ffioedd sy’n daladwy i sefydliad am ddyfarnu neu achredu unrhyw ran o’r cwrs, ond sy’n eithrio –

(a) ffioedd sy’n daladwy am fwyd neu lety;

(b) ffioedd sy’n daladwy am deithiau maes (gan gynnwys unrhyw elfen ddysgu o’r ffioedd hynny);

(c) ffioedd sy’n daladwy am fod yn bresennol mewn unrhyw seremoni raddio neu seremoni arall;

(d) unrhyw ffioedd eraill a bennir mewn rheoliadau a wneir gan Weinidogion Cymru at ddibenion y diffiniad hwn;

mae i “ffioedd cwrs rheoleiddiedig” (“*regulated course fees*”) yr ystyr a roddir gan adran 18;

mae i “ffioedd uwchlaw’r terfyn” (“*excess fees*”) yr ystyr a roddir gan adran 25;

mae “gofynion cyffredinol” (“*general requirements*”), mewn perthynas â chynllun cymeradwy, i’w ddarllen yn unol ag adran 35;

mae i “person cymhwysol” (“*qualifying person*”) yr ystyr a roddir gan adran 18;

ystyr “Prif Arolygydd” (“*Chief Inspector*”) yw Prif Arolygydd Ei Mawrhydi dros Addysg a Hyfforddiant yng Nghymru;

mae i “terfyn ffioedd” (“*fee limit*”) yr ystyr a roddir gan adran 34;

mae i “terfyn ffioedd cymwys” (“*applicable fee limit*”) yr ystyr a roddir gan adran 18.



### RHAN 3

#### SICRHAU ADDYSG DRYDYDDOL AC YMCHWIL A'U CYLLIDO

##### *Cyllido'r Comisiwn*

#### 78 Pŵer Gweinidogion Cymru i gyllido'r Comisiwn

- 5 (1) Caiff Gweinidogion Cymru ddarparu unrhyw gyllid i'r Comisiwn y maent yn ystyried ei fod yn briodol er mwyn cyflawni swyddogaethau'r Comisiwn.
- (2) Caiff Gweinidogion Cymru ddarparu bod cyllid o dan is-adran (1) yn ddarostyngedig i delerau ac amodau a gaiff (ymhlith pethau eraill) –
- 10 (a) galluogi Gweinidogion Cymru i'w gwneud yn ofynnol ad-dalu, yn gyfan gwbl neu'n rhannol, symiau a dalwyd ganddynt os na chydymffurfir ag unrhyw un neu ragor o'r telerau a'r amodau y talwyd y symiau yn ddarostyngedig iddynt;
- (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy'n ddyledus i Weinidogion Cymru yn unol ag unrhyw un neu ragor o'r telerau a'r amodau yn parhau i fod heb ei dalu;
- 15 (c) galluogi Gweinidogion Cymru i'w gwneud yn ofynnol i'r Comisiwn ymrwymo i gytundeb canlyniadau â pherson y mae'r Comisiwn yn bwriadu darparu adnoddau ariannol iddo.
- (3) Yn is-adran (2)(c), ystyr "cytundeb canlyniadau" yw cytundeb rhwng –
- (a) y Comisiwn, a
- 20 (b) y person y mae'r Comisiwn yn bwriadu darparu adnoddau ariannol iddo, sy'n nodi'r gweithgareddau i'w cyflawni gan y person hwnnw at ddibenion cyfrannu at yr amcanion a bennir yn nghynllun strategol y Comisiwn a gymeradwyir o dan adran 5.
- (4) Caiff cytundeb canlyniadau fod yn ofynnol o dan is-adran (2)(c) –
- (a) ym mhob achos pan fo'r Comisiwn yn bwriadu darparu adnoddau ariannol;
- 25 (b) ym mhob achos pan fo'r Comisiwn yn bwriadu darparu adnoddau ariannol yn ddarostyngedig i eithriadau penodedig;
- (c) yn yr achosion hynny pan fo'r Comisiwn yn bwriadu darparu adnoddau ariannol i bersonau penodedig neu i bersonau o ddisgrifiad penodedig;
- (d) yn yr achosion hynny pan fo'r Comisiwn yn bwriadu darparu adnoddau ariannol at ddibenion penodedig neu at ddibenion o ddisgrifiad penodedig;
- 30 (e) yn yr achosion hynny pan fo'r Comisiwn yn bwriadu darparu adnoddau ariannol uwchlaw swm penodedig neu islaw'r swm hwnnw.
- (5) Yn is-adran (4), ystyr "penodedig" yw wedi ei bennu yn y telerau a'r amodau.

**79 Cyllido'r Comisiwn: cyfyngiadau ar delerau ac amodau**

- 5 (1) Ni chaiff telerau ac amodau o dan adran 78 sy'n ymwneud ag adnoddau ariannol a ddarperir gan y Comisiwn i berson o dan adran 80 neu 81 (addysg uwch), adran 88 (addysg bellach neu hyfforddiant) neu adran 95 (ymchwil ac arloesi) ymwneud â gweithgareddau a gynhelir gan berson penodol oni bai eu bod yn gosod gofynion y mae rhaid cydymffurfio â hwy –
- (a) mewn cysylltiad â phob person, neu bob person o ddsbarth neu ddisgrifiad penodedig, a
- 10 (b) cyn bod adnoddau ariannol o swm penodedig neu ddisgrifiad penodedig yn cael eu darparu gan y Comisiwn mewn cysylltiad â gweithgareddau a gynhelir gan berson.
- (2) Yn is-adran (1), ystyr "penodedig" yw wedi ei bennu yn y telerau a'r amodau.
- (3) Ni chaniateir i delerau ac amodau o dan adran 78 sy'n ymwneud â darparu adnoddau ariannol gan y Comisiwn gael eu llunio drwy gyfeirio at –
- 15 (a) y meini prawf ar gyfer dethol, penodi neu ddiswyddo staff academiaidd, a sut y maent yn cael eu cymhwyso, neu
- (b) y meini prawf ar gyfer derbyn myfyrwyr, neu sut y maent yn cael eu cymhwyso.
- (4) Ni chaniateir i delerau ac amodau o dan adran 78 sy'n ymwneud â darparu adnoddau ariannol gan y Comisiwn o dan adran 95 (ymchwil ac arloesi) gael eu llunio drwy gyfeirio at faes ymchwil neu arloesi ond os yw'r maes hwnnw wedi ei bennu yng nghynllun strategol y Comisiwn a gymeradwyir o dan adran 5.
- 20 (5) Caniateir i delerau ac amodau o dan adran 78 sy'n ymwneud â darparu adnoddau ariannol gan y Comisiwn o dan adran 80 neu 81 (addysg uwch) gael eu llunio drwy gyfeirio at gwrs astudio penodol, ond ni chânt ei gwneud yn ofynnol i'r Comisiwn arfer swyddogaeth mewn ffordd sy'n gwahardd neu'n ei gwneud yn ofynnol darparu cwrs astudio penodol.
- 25 (6) Ni chaniateir i delerau ac amodau o dan adran 78 sy'n ymwneud â darparu adnoddau ariannol gan y Comisiwn o dan adran 80 neu 81 (addysg uwch) neu adran 95 (ymchwil ac arloesi) gael eu llunio drwy gyfeirio at –
- 30 (a) rhannau penodol o gyrsiau astudio;
- (b) rhaglenni ymchwil penodol neu brosiectau arloesi penodol;
- (c) cynnwys cyrsiau astudio, rhaglenni ymchwil neu brosiectau arloesi;
- (d) y modd y caiff y cyrsiau hynny, y rhaglenni hynny neu'r prosiectau hynny eu haddysgu, eu goruchwyllo neu eu hasesu.
- 35 (7) Nid yw is-adrannau (5) a (6) yn atal telerau ac amodau rhag cael eu llunio drwy gyfeirio at ddarparu ac asesu cyrsiau astudio neu rannau o gyrsiau astudio drwy gyfrwng y Gymraeg.

## Cyllido addysg uwch

**80 Cymorth ariannol i sefydliadau penodedig ar gyfer addysg uwch**

(1) Caiff y Comisiwn ddarparu adnoddau ariannol i gorff llywodraethu sefydliad penodedig mewn cysylltiad â gwariant yr aed iddo, neu wariant yr eir iddo, gan y corff llywodraethu neu gan gorff sy'n cydlafurio at ddibenion –

(a) darparu addysg uwch gan, neu ar ran, y sefydliad penodedig;

(b) darparu cyfleusterau, a chynnal gweithgareddau eraill, gan neu ar ran y sefydliad penodedig y mae ei gorff llywodraethu yn ystyried ei bod yn angenrheidiol neu'n dymunol eu darparu neu eu cynnal at ddibenion addysg uwch neu mewn cysylltiad â hi.

(2) Caiff y Comisiwn hefyd ddarparu adnoddau ariannol i unrhyw berson mewn cysylltiad â gwariant yr aed iddo, neu wariant yr eir iddo, gan y person at ddiben darparu gwasanaethau gan unrhyw berson at ddibenion darparu addysg uwch gan, neu ar ran, sefydliad penodedig neu mewn cysylltiad â hi.

(3) Yn yr adran hon –

ystyr “corff sy'n cydlafurio” (“*collaborating body*”), mewn perthynas â sefydliad penodedig, yw person –

(a) y mae corff llywodraethu'r sefydliad penodedig yn bwriadu talu iddo, gyda chydysyniad y Comisiwn, yr holl adnoddau ariannol neu rai ohonynt a ddarperir iddo o dan is-adran (1), a

(b) sy'n darparu, neu sydd wedi darparu, addysg uwch ar ran y sefydliad penodedig, neu sy'n cydlafurio, neu sydd wedi cydlafurio, â'r sefydliad at y diben y darperir yr adnoddau ariannol ar ei gyfer;

ystyr “sefydliad penodedig” (“*specified institution*”) yw sefydliad sydd wedi ei gofrestru mewn categori a bennir at ddibenion yr adran hon mewn rheoliadau a wneir gan Weinidogion Cymru.

(4) Caiff Gweinidogion Cymru drwy reoliadau ddarparu na chaniateir i adnoddau ariannol gael eu darparu o dan yr adran hon mewn cysylltiad â gwariant yr aed iddo neu wariant yr eir iddo gan berson at ddibenion darparu cwrs hyfforddiant cychwynnol athrawon oni fydd y cwrs yn bodloni gofynion a nodir yn y rheoliadau.

**81 Cymorth ariannol ar gyfer cyrsiau addysg uwch a bennir mewn rheoliadau**

(1) Caiff Gweinidogion Cymru drwy reoliadau bennu cwrs addysg uwch penodol neu ddisgrifiad o gwrs addysg uwch at ddibenion yr adran hon (“cwrs cymwys”).

(2) Caiff rheoliadau o dan is-adran (1) ddisgrifio cwrs drwy gyfeirio at (ymhlith pethau eraill) –

(a) gofynion sydd i'w bodloni gan y cwrs;

(b) y disgrifiad o berson sy'n darparu'r cwrs;

(c) y cymhwyster y mae'r cwrs yn arwain ato.

- (3) Caiff y Comisiwn ddarparu adnoddau ariannol i berson (“darparwr”) mewn cysylltiad â gwariant yr aed iddo, neu wariant yr eir iddo, gan y darparwr neu gan gorff sy’n cydlafurio at ddiben—
- (a) darparu cwrs cymwys yn gyfan gwbl neu’n bennaf yng Nghymru;
- (b) darparu cwrs cymwys i bersonau sy’n preswyllo fel arfer yng Nghymru.
- (4) Yn is-adran (3), ystyr “corff sy’n cydlafurio”, mewn perthynas â darparwr, yw person—
- (a) y mae’r darparwr yn bwriadu talu iddo, gyda chydsyniad y Comisiwn, yr holl adnoddau ariannol, neu rai ohonynt, a ddarperir iddo o dan is-adran (3), a
- (b) sy’n darparu, neu sydd wedi darparu, cwrs cymwys (neu ran o’r cwrs hwnnw) ar ran y darparwr, neu sy’n cydlafurio, neu sydd wedi cydlafurio, â’r darparwr at y diben y darperir yr adnoddau ariannol ar ei gyfer.

## 82 Cymorth ariannol o dan adrannau 80 a 81: telerau ac amodau

- (1) Caiff y Comisiwn ddarparu adnoddau ariannol o dan adran 80 neu 81 ar y telerau a’r amodau y mae’r Comisiwn yn ystyried eu bod yn briodol.
- (2) Caiff y telerau a’r amodau (ymhlith pethau eraill)—
- (a) galluogi’r Comisiwn i’w gwneud yn ofynnol ad-dalu, yn gyfan gwbl neu’n rhannol, symiau a dalwyd ganddo os na chydymffurfir ag unrhyw un neu ragor o’r telerau a’r amodau y talwyd y symiau yn ddarostyngedig iddynt;
- (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy’n ddyledus i’r Comisiwn yn unol ag unrhyw un neu ragor o’r telerau a’r amodau yn parhau i fod heb ei dalu.
- (3) Ni chaiff y telerau a’r amodau ymwneud â chymhwyso unrhyw symiau sy’n deillio ac eithrio o’r Comisiwn.
- (4) Rhaid i’r telerau a’r amodau mewn perthynas ag adnoddau ariannol a ddarperir o dan adran 81(3)(a) i berson nad yw’n sefydliad cofrestredig, gynnwys gofyniad i’r person—
- (a) os yw wedi cael hysbysiad o dan adran 114(1), gael cynllun diogelu dysgwyr yn ei le sydd wedi ei gymeradwyo gan y Comisiwn (o dan adran 114(3) neu (5)) ar y dyddiad a bennir yn y telerau a’r amodau neu cyn y dyddiad hwnnw, a rhoi effaith i’r cynllun,
- (b) os yw’r person yn sefydliad yng Nghymru, gydymffurfio â’r gofynion sydd wedi eu cynnwys yn y Cod Ymgysylltu â Dysgwyr a gyhoeddir o dan adran 117(1) neu unrhyw god diwygiedig a gyhoeddir o dan adran 117(3), ac
- (c) rhoi sylw i gyngor neu ganllawiau a roddir gan y Comisiwn i’r person (naill ai’n benodol neu i bersonau yn gyffredinol) wrth arfer swyddogaethau’r Comisiwn yn y Ddeddf hon.
- (5) Cyn penderfynu’r telerau a’r amodau i’w gosod ar adnoddau ariannol a ddarperir o dan adran 80 neu 81, rhaid i’r Comisiwn ymgynghori â’r personau hynny y mae’n ystyried eu bod yn briodol.

**83 Cymorth ariannol o dan adrannau 80 ac 81: atodol**

- (1) Wrth arfer ei swyddogaethau o dan adran 80 neu 81 i ddarparu adnoddau ariannol i berson, rhaid i'r Comisiwn roi sylw i ddymunoldeb peidio ag anghefnogi'r person hwnnw rhag cynnal neu ddatblygu cyllid o ffynonellau eraill.
- (2) Wrth arfer ei swyddogaethau o dan adran 80 neu 81 i ddarparu adnoddau ariannol i berson, rhaid i'r Comisiwn roi sylw (i'r graddau y mae'n ystyried ei bod yn briodol gwneud hynny yng ngoleuni unrhyw ystyriaethau perthnasol eraill) i ddymunoldeb cynnal unrhyw nodweddion arbennig i unrhyw sefydliad y darperir adnoddau ariannol ar gyfer ei weithgareddau.

**84 Cymorth ariannol gan Weinidogion Cymru ar gyfer cyrsiau addysg uwch penodol**

- (1) Caiff Gweinidogion Cymru ddarparu adnoddau ariannol i berson ("darparwr") mewn cysylltiad â gwariant yr aed iddo, neu wariant yr eir iddo, gan y darparwr neu gan gorff sy'n cydlafurio at ddiben—

- (a) darparu cwrs addysg uwch perthnasol yn gyfan gwbl neu'n bennaf yng Nghymru;
- (b) darparu cwrs addysg uwch perthnasol i bersonau sy'n preswyllo fel arfer yng Nghymru.

- (2) Caiff Gweinidogion Cymru ddarparu adnoddau ariannol o dan yr adran hon ar y telerau a'r amodau y mae Gweinidogion Cymru yn ystyried eu bod yn briodol.

- (3) Caiff y telerau a'r amodau (ymhlith pethau eraill)—

- (a) galluogi Gweinidogion Cymru i'w gwneud yn ofynnol ad-dalu, yn gyfan gwbl neu'n rhannol, symiau a dalwyd ganddynt os na chydymffurfir ag unrhyw un neu ragor o'r telerau a'r amodau y talwyd y symiau yn ddarostyngedig iddynt;
- (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy'n ddyledus i Weinidogion Cymru yn unol ag unrhyw un neu ragor o'r telerau a'r amodau yn parhau i fod heb ei dalu.

- (4) Yn yr adran hon—

ystyr "corff sy'n cydlafurio" ("*collaborating body*"), mewn perthynas â darparwr, yw person—

- (a) y mae'r darparwr yn bwriadu talu iddo, gyda chydysniad Gweinidogion Cymru, yr holl adnoddau ariannol, neu rai ohonynt, a ddarperir iddo o dan is-adran (1), a
- (b) sy'n darparu, neu sydd wedi darparu, cwrs addysg uwch perthnasol (neu ran o'r cwrs hwnnw) ar ran y darparwr, neu sy'n cydlafurio, neu sydd wedi cydlafurio, â'r darparwr at y diben y darperir yr adnoddau ariannol ar ei gyfer;

ystyr "cwrs addysg uwch perthnasol" ("*relevant higher education course*") yw cwrs o fewn paragraff 1(g) neu (h) o Atodlen 6 i Ddeddf Diwygio Addysg 1988 (p. 40) (cyrsiau er mwyn paratoi at arholiadau proffesiynol ar lefel uwch neu sy'n darparu addysg ar lefel uwch).

*Addysg bellach a hyfforddiant***85 Addysg a hyfforddiant ar gyfer personau 16 i 19 oed**

- (1) Rhaid i'r Comisiwn sicrhau bod cyfleusterau priodol yn cael eu darparu yng Nghymru ar gyfer –
- 5 (a) addysg bellach sy'n addas i ofynion personau sydd dros yr oedran ysgol gorfodol ond nad ydynt wedi cyrraedd 19 oed, a
- (b) hyfforddiant sy'n addas i ofynion personau o'r fath.
- (2) Mae cyfleusterau yn briodol os ydynt –
- 10 (a) o nifer sy'n ddigonol i ddiwallu anghenion rhesymol unigolion,
- (b) o ansawdd sy'n ddigonol i ddiwallu'r anghenion hynny, ac
- (c) yn ddigonol i fodloni'r hawlogoethau a roddir o dan adran 33F o Ddeddf Dysgu a Sgiliau 2000 (p. 21).
- (3) Wrth gyflawni'r ddyletswydd a osodir arno gan is-adran (1) rhaid i'r Comisiwn –
- 15 (a) rhoi sylw i'r manau y darperir cyfleusterau ynddynt, natur y cyfleusterau a'r ffordd y maent wedi eu cyfarparu;
- (b) rhoi sylw i'r galluoedd gwahanol a'r doniau gwahanol sydd gan bersonau gwahanol;
- (c) rhoi sylw i ofynion cyflogwyr mewn perthynas â'r addysg a'r hyfforddiant sy'n ofynnol mewn sectorau cyflogaeth gwahanol;
- 20 (d) rhoi sylw i'r addysg a'r hyfforddiant sy'n ofynnol er mwyn sicrhau bod cyflogeion a chyflogeion posibl ar gael sy'n gallu cyflwyno darpariaeth ddysgu ychwanegol yn Gymraeg;
- (e) rhoi sylw i'r addysg a'r hyfforddiant sy'n ofynnol er mwyn sicrhau bod cyfleusterau ar gael ar gyfer asesu drwy gyfrwng y Gymraeg a oes gan bersonau
- 25 anghenion dysgu ychwanegol;
- (f) rhoi sylw i gyfleusterau y mae'r Comisiwn yn meddwl y gellid sicrhau'r ddarpariaeth ohonynt yn rhesymol gan bersonau eraill (gan gynnwys darpariaeth a sicrheir gan awdurdodau lleol o dan Ran 2 o Ddeddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2));
- 30 (g) gwneud y defnydd gorau o adnoddau'r Comisiwn ac, yn benodol, osgoi darpariaeth a allai beri gwariant anghymesur.
- (4) Nid yw darpariaeth i'w hystyried yn un sy'n peri gwariant anghymesur dim ond oherwydd bod y ddarpariaeth honno yn ddrutach na darpariaeth gyffelyb.

**86 Addysg a hyfforddiant ar gyfer personau dros 19 oed**

- 35 (1) Rhaid i'r Comisiwn sicrhau bod cyfleusterau rhesymol yn cael eu darparu yng Nghymru ar gyfer –
- (a) addysg bellach sy'n addas i ofynion personau sydd wedi cyrraedd 19 oed, a
- (b) hyfforddiant sy'n addas i ofynion personau o'r fath.

- (2) Mae cyfleusterau yn rhesymol os ydynt (gan roi sylw i adnoddau'r Comisiwn) o'r nifer hwnnw a'r ansawdd hwnnw y gellir disgwyl yn rhesymol i'r Comisiwn sicrhau'r ddarpariaeth ohonynt.
- (3) Wrth gyflawni'r ddyletswydd a osodir arno gan is-adran (1) rhaid i'r Comisiwn—
- (a) rhoi sylw i'r manau y darperir cyfleusterau ynddynt, natur y cyfleusterau a'r ffordd y maent wedi eu cyfarparu;
  - (b) rhoi sylw i'r galluoedd gwahanol a'r doniau gwahanol sydd gan bersonau gwahanol;
  - (c) rhoi sylw i ofynion cyflogwyr mewn perthynas â'r addysg a'r hyfforddiant sy'n ofynnol mewn sectorau cyflogaeth gwahanol;
  - (d) rhoi sylw i'r addysg a'r hyfforddiant sy'n ofynnol er mwyn sicrhau bod cyflogeion a chyflogeion posibl ar gael sy'n gallu cyflwyno darpariaeth ddysgu ychwanegol yn Gymraeg;
  - (e) rhoi sylw i'r addysg a'r hyfforddiant sy'n ofynnol er mwyn sicrhau bod cyfleusterau ar gael ar gyfer asesu drwy gyfrwng y Gymraeg a oes gan bersonau anghenion dysgu ychwanegol;
  - (f) rhoi sylw i gyfleusterau y mae'r Comisiwn yn meddwl y gellid sicrhau'r ddarpariaeth ohonynt yn rhesymol gan bersonau eraill (gan gynnwys darpariaeth a sicrheir gan awdurdodau lleol o dan Ran 2 o Ddeddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2));
  - (g) gwneud y defnydd gorau o adnoddau'r Comisiwn ac, yn benodol, osgoi darpariaeth a allai beri gwariant anghymesur.
- (4) Nid yw darpariaeth i'w hystyried yn un sy'n peri gwariant anghymesur dim ond oherwydd bod y ddarpariaeth honno yn ddrutach na darpariaeth gyffelyb.

## 25 87 Annog addysg a hyfforddiant

Rhaid i'r Comisiwn—

- (a) annog unigolion sy'n preswyllo fel arfer yng Nghymru i gymryd rhan mewn addysg bellach neu hyfforddiant, a
- (b) annog cyflogwyr yng Nghymru i gymryd rhan yn darpariaeth addysg bellach neu hyfforddiant.

## 88 Cymorth ariannol ar gyfer addysg bellach neu hyfforddiant

- (1) Caiff y Comisiwn neu Weinidogion Cymru sicrhau bod adnoddau ariannol yn cael eu darparu i—
- (a) personau at ddiben darparu, neu'r bwriad i ddarparu, ganddynt hwy neu gan gorff sy'n cydlafurio (o fewn yr ystyr a roddir gan is-adran (3)), addysg bellach neu hyfforddiant yn gyfan gwbl neu'n bennaf yng Nghymru;
  - (b) personau at ddiben darparu, neu'r bwriad i ddarparu, ganddynt hwy neu gan gorff sy'n cydlafurio (o fewn yr ystyr a roddir gan is-adran (3)), addysg bellach neu hyfforddiant i bersonau sy'n preswyllo fel arfer yng Nghymru;

- (c) personau at ddiben darparu, neu'r bwriad i ddarparu, nwyddau neu wasanaethau ganddynt hwy, mewn cysylltiad â darparu addysg bellach neu hyfforddiant gan eraill yn gyfan gwbl neu'n bennaf yng Nghymru;
- (d) personau sy'n preswyllo fel arfer yng Nghymru ac sy'n cael neu'n bwriadu cael addysg bellach neu hyfforddiant;
- (e) personau nad ydynt yn preswyllo fel arfer yng Nghymru ac sy'n cael neu'n bwriadu cael addysg bellach neu hyfforddiant yng Nghymru;
- (f) sefydliadau yng Nghymru o fewn y sector addysg bellach neu uwch at ddiben darparu, neu'r bwriad i ddarparu, addysg uwchradd ganddynt hwy, i bersonau o'r oedran ysgol gorfodol;
- (g) personau sy'n cynnal profion modd o dan drefniadau a wneir o dan adran 90.
- (2) Caiff y Comisiwn neu Weinidogion Cymru sicrhau bod adnoddau ariannol yn cael eu darparu o dan is-adran (1) –
- (a) drwy ddarparu adnoddau ei hunan neu eu hunain;
- (b) drwy wneud trefniadau i berson arall ddarparu adnoddau;
- (c) drwy wneud trefniadau i bersonau ddarparu adnoddau ar y cyd (pa un a yw hynny'n cynnwys y Comisiwn neu Weinidogion Cymru ai peidio).
- (3) Caiff person ("darparwr") dalu'r holl adnoddau ariannol, neu rai ohonynt, a ddarperir i'r darparwr o dan baragraff (a) neu (b) o is-adran (1) i berson arall ("corff sy'n cydlafurio") –
- (a) os yw'r Comisiwn (yn achos adnoddau ariannol a sicrheir ganddo) neu Weinidogion Cymru (yn achos adnoddau ariannol a sicrheir ganddynt) yn rhoi ei gydsyniad neu eu cydsyniad, a
- (b) os yw'r corff sy'n cydlafurio yn darparu, neu wedi darparu, addysg bellach neu hyfforddiant ar ran y darparwr, neu os yw'n cydlafurio, neu wedi cydlafurio, â'r darparwr at y diben y sicrheir yr adnoddau ariannol ar ei gyfer.
- (4) Wrth arfer y pŵer o dan baragraff (d) neu (e) o is-adran (1) caiff y Comisiwn neu Weinidogion Cymru sicrhau bod adnoddau ariannol yn cael eu darparu drwy gyfeirio at unrhyw ffioedd neu daliadau sy'n daladwy gan y person sy'n cael neu'n bwriadu cael yr addysg neu'r hyfforddiant neu drwy gyfeirio at unrhyw fater arall (megis trafndiaeth neu ofal plant).
- (5) Caiff Gweinidogion Cymru, drwy reoliadau, ddarparu na chaniateir i adnoddau ariannol at ddibenion penodedig gael eu sicrhau o dan baragraff (a) neu (b) o is-adran (1) ond i sefydliadau sydd wedi eu cofrestru mewn categorïau penodedig.
- (6) Caiff rheoliadau o dan is-adran (5) ddarparu ar gyfer eithriadau i gyrsiau addysg bellach neu hyfforddiant penodedig neu i ddisgrifiadau penodedig o gyrsiau o'r fath; a chaniateir i gwrs gael ei ddisgrifio drwy gyfeirio at (ymhlith pethau eraill) –
- (a) gofynion sydd i'w bodloni gan y cwrs;
- (b) y disgrifiad o berson sy'n darparu'r cwrs;
- (c) y cymhwyster y mae'r cwrs yn arwain ato.
- (7) Yn is-adrannau (5) a (6), ystyr "penodedig" yw wedi ei bennu yn y rheoliadau.



**89 Adnoddau ariannol ar gyfer addysg bellach neu hyfforddiant: telerau ac amodau**

- (1) Os yw'r Comisiwn ei hunan, neu Weinidogion Cymru eu hunain, yn darparu adnoddau ariannol o dan adran 88, caniateir iddo neu iddynt osod y telerau a'r amodau hynny y mae'n ystyried, neu y maent yn ystyried, eu bod yn briodol.
- (2) Caiff y telerau a'r amodau (ymhlith pethau eraill) –
- (a) galluogi'r Comisiwn neu Weinidogion Cymru i'w gwneud yn ofynnol ad-dalu, yn gyfan gwbl neu'n rhannol, symiau a dalwyd ganddo neu ganddynt os na chydymffurfir ag unrhyw un neu ragor o'r telerau a'r amodau y talwyd y symiau yn ddarostyngedig iddynt;
  - (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy'n ddyledus i'r Comisiwn neu i Weinidogion Cymru yn unol ag unrhyw un neu ragor o'r telerau a'r amodau yn parhau i fod heb ei dalu;
  - (c) ei gwneud yn ofynnol i berson sy'n darparu neu'n bwriadu darparu addysg neu hyfforddiant ("y darparwr") wneud trefniadau sy'n darparu ar gyfer pob un neu unrhyw un neu ragor o'r canlynol –
    - (i) i'r darparwr godi ffioedd drwy gyfeirio at feini prawf penodedig;
    - (ii) i'r darparwr wneud dyfarndaliadau drwy gyfeirio at feini prawf penodedig;
    - (iii) i'r darparwr adennill symiau oddi wrth bersonau sy'n cael addysg neu hyfforddiant neu oddi wrth gyflogwyr (neu oddi wrth y ddau);
    - (iv) i symiau gael eu penderfynu drwy gyfeirio at feini prawf penodedig pan fo darpariaeth wedi ei gwneud o dan is-baragraff (iii);
    - (v) i esemptiadau penodedig weithredu pan fo darpariaeth wedi ei gwneud o dan is-baragraff (iii).
- (3) Yn is-adran (2), ystyr "penodedig" yw wedi ei bennu yn y telerau a'r amodau.
- (4) Rhaid i'r telerau a'r amodau wahardd person sy'n darparu, neu sy'n bwriadu darparu, addysg bellach neu hyfforddiant sy'n addas i ofynion personau sydd dros yr oedran ysgol gorfodol ond nad ydynt wedi cyrraedd 19 oed rhag codi ffi ar bersonau o'r oedran hwnnw sy'n cael yr addysg bellach neu'r hyfforddiant.
- (5) Caiff Gweinidogion Cymru, drwy reoliadau, ddarparu ar gyfer esemptiadau i'r gofyniad yn is-adran (4).
- (6) Rhaid i'r telerau a'r amodau a osodir gan y Comisiwn mewn perthynas ag adnoddau ariannol a ddarperir o dan adran 88(1)(a) i berson nad yw'n sefydliad cofrestredig –
- (a) ei gwneud yn ofynnol i'r person, os rhoddir hysbysiad iddo o dan adran 114(1), gael cynllun diogelu dysgwyr yn ei le sydd wedi ei gymeradwyo gan y Comisiwn (o dan adran 114(3) neu (5)) ar y dyddiad a bennir yn y telerau a'r amodau neu cyn y dyddiad hwnnw, a rhoi effaith i'r cynllun;
  - (b) ei gwneud yn ofynnol i'r person, os yw'r person yn sefydliad yng Nghymru, gydymffurfio â'r gofynion sydd wedi eu cynnwys yn y Cod Ymgysylltu â Dysgwyr a gyhoeddir o dan adran 117(1) neu unrhyw god diwygiedig a gyhoeddir o dan adran 117(3);

- (c) ei gwneud yn ofynnol i'r person roi sylw i gyngor neu ganllawiau a roddir gan y Comisiwn (naill ai'n benodol neu i bersonau yn gyffredinol) wrth arfer swyddogaethau'r Comisiwn yn y Ddeddf hon.

## 90 Profion modd

- 5 (1) Caiff y Comisiwn neu Weinidogion Cymru –
- (a) cynnal profion modd;
  - (b) trefnu i bersonau eraill gynnal profion modd.
- (2) Caiff y Comisiwn a Gweinidogion Cymru ystyried canlyniadau'r profion modd a gynhelir o dan is-adran (1) wrth arfer y pŵer o dan baragraff (d) neu (e) o adran 88(1).

## 10 91 Cyllido'r chweched dosbarth mewn ysgolion

- (1) Caiff y Comisiwn roi grant i awdurdod lleol –
- (a) ar yr amod bod y grant yn cael ei gymhwyso fel rhan o gyllideb ysgolion yr awdurdod am gyfnod cyllido, a
  - (b) gyda golwg ar y grant yn cael ei ddefnyddio at ddibenion darparu addysg gan ysgolion sy'n addas i ofynion personau dros yr oedran ysgol gorfodol neu at ddibenion sy'n gysylltiedig â darparu addysg o'r fath.
- 15 (2) Caniateir i grant a wneir o dan yr adran hon gael ei roi ar delerau ac amodau yn ychwanegol at yr amod a grybwyllir yn is-adran (1)(a) (gan gynnwys telerau ac amodau o fath a allai gael eu gosod o dan adran 89).
- 20 (3) Yn yr adran hon –
- ystyr "cyfnod cyllido" ("*funding period*") yw blwyddyn ariannol neu, os yw rhyw gyfnod arall wedi ei ragnodi o ran Cymru o dan is-adran (1B) o adran 45 o Ddeddf Safonau a Fframwaith Ysgolion 1998 (p. 31) (ysgolion a gynhelir i gael cyfrannau cyllideb), y cyfnod arall hwnnw;
- 25 mae i "cyllideb ysgolion" yr un ystyr â "schools budget" yn adran 45A(2) o Ddeddf Safonau a Fframwaith Ysgolion 1998 (penderfynu cyllidebau penodedig awdurdod lleol).

## 92 Personau ag anghenion dysgu ychwanegol

- 30 (1) Wrth gyflawni ei swyddogaethau o dan y darpariaethau a nodir yn is-adran (2) rhaid i'r Comisiwn roi sylw i –
- (a) anghenion personau ag anghenion dysgu ychwanegol;
  - (b) dymunoldeb bod cyfleusterau ar gael a fyddai'n cynorthwyo i gyflawni dyletswyddau o dan Ddeddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2).
- 35 (2) Y darpariaethau yw –
- (a) adran 85 (addysg a hyfforddiant ar gyfer personau 16 i 19 oed);
  - (b) adran 86 (addysg a hyfforddiant ar gyfer personau dros 19 oed);

- (c) paragraffau (a) i (e) o adran 88(1) (cymorth ariannol ar gyfer addysg bellach neu hyfforddiant);
- (d) adran 93(1) (cymorth ariannol ar gyfer darparu gwybodaeth, cyngor, canllawiau ac i greu cysylltiadau â chyflogwyr);
- 5 (e) adran 93(2) (cymorth ariannol ar gyfer addysg cyfrwng Cymraeg ac addysgu Cymraeg) ac eithrio i'r graddau y mae darparu addysg drydyddol a'r addysgu y cyfeirir atynt yn yr is-adran honno yn cynnwys addysg uwch.

*Cymorth ariannol ar gyfer gweithgareddau eraill sy'n gysylltiedig ag addysg drydyddol*

### 93 Cymorth ariannol ar gyfer gweithgareddau eraill sy'n gysylltiedig ag addysg drydyddol

- 10 (1) Caiff y Comisiwn neu Weinidogion Cymru sicrhau bod adnoddau ariannol yn cael eu darparu at ddiben, neu mewn cysylltiad ag –
  - 15 (a) darparu neu'r bwriad i ddarparu gwybodaeth, cyngor neu ganllawiau ynghylch addysg neu hyfforddiant yng Nghymru neu faterion cysylltiedig;
  - (b) darparu neu'r bwriad i ddarparu gwybodaeth, cyngor neu ganllawiau i bersonau sy'n preswyllo fel arfer yng Nghymru ynghylch addysg neu hyfforddiant y tu allan i Gymru neu faterion cysylltiedig;
  - 20 (c) darparu neu'r bwriad i ddarparu cyfleusterau sydd wedi eu dylunio i greu cysylltiadau rhwng (ar y naill law) cyflogwyr ac (ar y llaw arall) personau sy'n darparu neu'n cael addysg neu hyfforddiant yng Nghymru.
- (2) Caiff y Comisiwn sicrhau bod adnoddau ariannol yn cael eu darparu –
  - (a) at ddiben darparu addysg drydyddol yng Nghymru drwy gyfrwng y Gymraeg;
  - (b) at ddiben addysgu Cymraeg i bersonau dros yr oedran ysgol gorfodol yng Nghymru;
  - 25 (c) at ddibenion eraill sy'n gysylltiedig â'r rheini ym mharagraffau (a) a (b).
- (3) Caiff y Comisiwn neu Weinidogion Cymru sicrhau bod adnoddau ariannol yn cael eu darparu o dan is-adran (1), a chaiff y Comisiwn sicrhau bod adnoddau ariannol yn cael eu darparu o dan is-adran (2) –
  - 30 (a) drwy ddarparu adnoddau ei hunan neu eu hunain;
  - (b) drwy wneud trefniadau ar gyfer darparu adnoddau gan berson arall;
  - (c) drwy wneud trefniadau ar gyfer darparu adnoddau gan bersonau ar y cyd (pa un a yw hynny'n cynnwys y Comisiwn neu Weinidogion Cymru ai peidio).
- 35 (4) Os yw'r Comisiwn ei hunan, neu os yw Gweinidogion Cymru eu hunain, yn darparu adnoddau ariannol o dan is-adran (1) neu (2), caniateir iddo neu iddynt osod y telerau a'r amodau hynny y mae'n ystyried, neu y maent yn ystyried, eu bod yn briodol.
- (5) Caiff y telerau a'r amodau (ymhlith pethau eraill) –
  - 40 (a) galluogi'r Comisiwn neu Weinidogion Cymru i'w gwneud yn ofynnol ad-dalu, yn gyfan gwbl neu'n rhannol, symiau a dalwyd ganddo neu ganddynt os na chydymffurfir ag unrhyw un neu ragor o'r telerau a'r amodau y talwyd y symiau yn ddarostyngedig iddynt;

- (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy'n ddyledus i'r Comisiwn neu i Weinidogion Cymru yn unol ag unrhyw un neu ragor o'r telerau a'r amodau yn parhau i fod heb ei dalu.

*Cymorth ariannol ar gyfer prentisiaethau*

5 **94 Cymorth ariannol ar gyfer prentisiaethau**

- (1) Caiff y Comisiwn ddarparu adnoddau ariannol i berson mewn cysylltiad â gwariant yr aed iddo, neu wariant yr eir iddo –
- (a) gan y person neu gan gorff sy'n cydlafurio (o fewn yr ystyr a roddir gan is-adran (2)) ar gyfer darparu prentisiaeth Cymreig gymeradwy neu mewn cysylltiad â hynny;
- (b) gan y person ar gyfer llunio fframwaith prentisiaeth neu mewn cysylltiad â hynny.
- (2) Caiff person ("darparwr") dalu'r holl adnoddau ariannol, neu rai ohonynt, a ddarperir i'r darparwr o dan is-adran (1)(a), i berson arall ("corff sy'n cydlafurio") –
- (a) os yw'r Comisiwn yn rhoi ei gydsyniad, a
- (b) os yw'r corff sy'n cydlafurio yn darparu, neu wedi darparu, prentisiaeth Gymreig gymeradwy ar ran y darparwr, neu os yw'n cydlafurio, neu wedi cydlafurio, â'r darparwr at y diben y darperir yr adnoddau ariannol ar ei gyfer.
- (3) Caiff Gweinidogion Cymru, drwy reoliadau, ddarparu na chaiff y Comisiwn ddarparu adnoddau ariannol o dan is-adran (1)(a) ond i sefydliadau sydd wedi eu cofrestru mewn categorïau a bennir yn y rheoliadau.
- (4) Caiff rheoliadau o dan is-adran (3) ddarparu ar gyfer eithriadau i'r gofyniad i fod yn gofrestredig; a chaniateir i eithriad gael ei lunio drwy gyfeirio at (ymhlith pethau eraill) –
- (a) gofynion i'w bodloni gan brentisiaeth Gymreig gymeradwy;
- (b) y disgrifiad o berson sy'n darparu prentisiaeth Gymreig gymeradwy;
- (c) cymwysterau sy'n ffurfio rhan o brentisiaeth Gymreig gymeradwy.
- (5) Caiff y Comisiwn ddarparu adnoddau ariannol o dan yr adran hon ar y telerau a'r amodau y mae'n ystyried eu bod yn briodol.
- (6) Caiff y telerau a'r amodau (ymhlith pethau eraill) –
- (a) galluogi'r Comisiwn i'w gwneud yn ofynnol ad-dalu, yn gyfan gwbl neu'n rhannol, symiau a dalwyd ganddo os na chydymffurfir ag unrhyw un neu ragor o'r telerau a'r amodau y talwyd y symiau yn ddarostyngedig iddynt;
- (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy'n ddyledus i'r Comisiwn yn unol ag unrhyw un neu ragor o'r telerau a'r amodau yn parhau i fod heb ei dalu.
- (7) Rhaid i'r telerau a'r amodau a osodir gan y Comisiwn mewn perthynas ag adnoddau ariannol a ddarperir o dan is-adran (1)(a) i berson nad yw'n sefydliad cofrestredig –

- (a) ei gwneud yn ofynnol i'r person, os rhoddir hysbysiad iddo o dan adran 114(1), gael cynllun diogelu dysgwyr yn ei le sydd wedi ei gymeradwyo gan y Comisiwn (o dan adran 114(3) neu (5)) ar y dyddiad a bennir yn y telerau a'r amodau neu cyn y dyddiad hwnnw, a rhoi effaith i'r cynllun;
- 5 (b) ei gwneud yn ofynnol i'r person, os yw'r person yn sefydliad yng Nghymru, gydymffurfio â'r gofynion sydd wedi eu cynnwys yn y Cod Ymgysylltu â Dysgwyr a gyhoeddir o dan adran 117(1) neu unrhyw god diwygiedig a gyhoeddir o dan adran 117(3);
- 10 (c) ei gwneud yn ofynnol i'r person roi sylw i gyngor neu ganllawiau a roddir gan y Comisiwn (naill ai'n benodol neu i bersonau yn gyffredinol) wrth arfer swyddogaethau'r Comisiwn yn y Ddeddf hon.
- (8) Wrth ddarparu adnoddau ariannol i berson o dan baragraff (a) o is-adran (1), rhaid i'r Comisiwn roi sylw –
- 15 (a) i ddymunoldeb peidio ag anghefnogi'r person hwnnw rhag cynnal neu ddatblygu cyllid o ffynonellau eraill, a
- (b) (i'r graddau y mae'n ystyried ei bod yn briodol gwneud hynny yng ngoleuni unrhyw ystyriaethau perthnasol eraill) i ddymunoldeb cynnal unrhyw nodweddion arbennig i unrhyw sefydliad y darperir adnoddau ariannol ar gyfer ei weithgareddau.
- 20 (9) Yn yr adran hon –
- mae i "fframwaith prentisiaeth" ("*apprenticeship framework*") yr ystyr a roddir gan adran 104;
- mae i "prentisiaeth Gymreig gymeradwy" ("*approved Welsh apprenticeship*") yr ystyr a roddir gan adran 98.

25 *Ymchwil ac arloesi*

95 **Cymorth ariannol ar gyfer ymchwil ac arloesi**

- (1) Caiff y Comisiwn ddarparu adnoddau ariannol i gorff llywodraethu sefydliad penodedig mewn cysylltiad â gwariant yr aed iddo, neu wariant yr eir iddo, gan y corff llywodraethu neu gan gorff sy'n cydlafurio at ddibenion ymchwil neu arloesi, neu mewn cysylltiad ag ymchwil neu arloesi.
- 30 (2) Caiff y Comisiwn hefyd ddarparu adnoddau ariannol i unrhyw berson mewn cysylltiad â gwariant yr aed iddo, neu wariant yr eir iddo, gan y person at ddiben darparu gwasanaethau gan unrhyw berson at ddibenion gwneud gwaith ymchwil neu arloesi gan sefydliad penodedig, neu mewn cysylltiad â gwneud gwaith ymchwil neu arloesi ganddo.
- 35 (3) Wrth arfer ei swyddogaethau o dan yr adran hon i ddarparu adnoddau ariannol i sefydliad penodedig, rhaid i'r Comisiwn roi sylw i ddymunoldeb peidio ag anghefnogi'r sefydliad hwnnw rhag cynnal neu ddatblygu cyllid o ffynonellau eraill.

(4) Yn yr adran hon—

ystyr “corff sy’n cydlafurio” (“*collaborating body*”), mewn perthynas â sefydliad penodedig, yw person—

(a) y mae corff llywodraethu’r sefydliad penodedig yn bwriadau talu iddo, gyda chydysyniad y Comisiwn, yr holl adnoddau ariannol neu rai ohonynt a roddir i’r corff llywodraethu o dan is-adran (1), a

(b) sy’n cydlafurio, neu sydd wedi cydlafurio, â’r sefydliad at y diben y darperir yr adnoddau ariannol ar ei gyfer;

ystyr “sefydliad penodedig” (“*specified institution*”) yw sefydliad sydd wedi ei gofrestru mewn categori a bennir at ddibenion yr adran hon mewn rheoliadau a wneir gan Weinidogion Cymru.

## 96 Cymorth ariannol ar gyfer ymchwil ac arloesi: telerau ac amodau

(1) Caiff y Comisiwn ddarparu adnoddau ariannol o dan adran 95 ar y telerau a’r amodau y mae’r Comisiwn yn ystyried eu bod yn briodol.

(2) Caiff y telerau a’r amodau (ymhlith pethau eraill)—

(a) galluogi’r Comisiwn i’w gwneud yn ofynnol ad-dalu, yn gyfan gwbl neu’n rhannol, symiau a dalwyd ganddo os na chydymffurfir ag unrhyw un neu ragor o’r telerau a’r amodau y talwyd y symiau yn ddarostyngedig iddynt;

(b) ei gwneud yn ofynnol talu llog mewn cysylltiad ag unrhyw gyfnod pan fydd swm sy’n ddyledus i’r Comisiwn yn unol ag unrhyw un neu ragor o’r telerau a’r amodau yn parhau i fod heb ei dalu.

(3) Ni chaiff y telerau a’r amodau ymwneud â chymhwyso unrhyw symiau sy’n deillio ac eithrio o’r Comisiwn.

(4) Wrth—

(a) penderfynu darparu adnoddau ariannol o dan adran 95, a

(b) penderfynu unrhyw delerau ac amodau ar gyfer adnoddau ariannol a ddarperir o dan yr adran honno,

rheid i’r Comisiwn roi sylw i’r egwyddor ei bod yn well gwneud penderfyniadau ar gynigion ymchwil neu arloesi unigol yn dilyn gwerthusiad o ansawdd y cynigion a’u heffaith tebygol (megis proses adolygu gan gymheiriaid).

## 97 Swyddogaethau eraill y Comisiwn mewn perthynas ag ymchwil ac arloesi

(1) Rhaid i’r Comisiwn—

(a) hybu ymwybyddiaeth a dealltwriaeth yng Nghymru o’r gweithgareddau ymchwil ac arloesi y mae’n eu cyllido;

(b) lledaenu yng Nghymru ganlyniadau’r gweithgareddau ymchwil ac arloesi y mae’n eu cyllido;

(c) hwyluso cymhwyso’n ymarferol yng Nghymru ganlyniadau’r gweithgareddau ymchwil ac arloesi y mae’n eu cyllido;

(d) annog gwaith ymchwil ac arloesi yng Nghymru.

- (2) Rhaid i'r Comisiwn fonitro sut y mae adnoddau ariannol a ddarperir o dan adran 95 yn cael eu defnyddio.
- (3) Rhaid i'r Comisiwn gynnwys yn ei adroddiad blynyddol (a lunnir o dan baragraff 16 o Atodlen 1) y casgliadau y mae'n dod iddynt o'r monitro hwnnw o ran y graddau y mae'r gweithgareddau y mae'n eu cyllido, ar gyfer y flwyddyn ariannol y mae'r adroddiad yn ymwneud â hi—
- yn cyflawni canlyniadau llwyddiannus,
  - yn cael eu cyflwyno'n effeithiol, ac
  - yn cynrychioli gwerth am arian.

## RHAN 4

### PRENTISIAETHAU

#### *Rhagarweiniol*

#### 98 Ystyr "prentisiaeth Gymreig gymeradwy"

- Mae prentisiaeth Gymreig gymeradwy yn drefniant sy'n dod o fewn is-adrannau (2), (3) a (4).
- Mae'r trefniant—
  - yn digwydd o dan gytundeb prentisiaeth Gymreig gymeradwy, neu
  - yn brentisiaeth Gymreig amgen.
- Mae'r gwaith a wneir yn rhinwedd y trefniant yn digwydd yn gyfan gwbl neu'n bennaf yng Nghymru.
- Mae'r trefniant yn bodloni unrhyw amodau a bennir mewn rheoliadau a wneir gan Weinidogion Cymru.
- Mae'r adran hon yn gymwys at ddibenion y Rhan hon.

#### 99 Ystyr "cytundeb prentisiaeth Gymreig gymeradwy"

- Mae cytundeb prentisiaeth Gymreig gymeradwy yn gytundeb—
  - sy'n darparu i berson ("y prentis") weithio i berson arall am gydnabyddiaeth mewn galwedigaeth y mae fframwaith prentisiaeth a gyhoeddir o dan adran 105 mewn grym ar ei chyfer ar yr adeg y gwneir y cytundeb,
  - sy'n darparu i'r prentis gael hyfforddiant er mwyn cynorthwyo'r prentis i fodloni'r gofynion a bennir yn y fframwaith prentisiaeth, ac
  - sy'n bodloni unrhyw amodau eraill a bennir mewn rheoliadau a wneir gan Weinidogion Cymru.
- Mae'r adran hon yn gymwys at ddibenion y Rhan hon.

#### 100 Ystyr "prentisiaeth Gymreig amgen"

- Mae prentisiaeth Gymreig amgen yn drefniant, y mae person yn gweithio odano, sydd o fath a ddisgrifir mewn rheoliadau a wneir gan Weinidogion Cymru.

- (2) Caiff rheoliadau o dan is-adran (1), er enghraifft, ddisgrifio trefniadau sy'n ymwneud ag achosion pan fo person –
- (a) yn gweithio ac eithrio i berson arall;
  - (b) yn gweithio ac eithrio am gydnabyddiaeth.
- 5 (3) Mae'r adran hon yn gymwys at ddibenion y Rhan hon.

*Pennu prentisiaethau Cymreig*

**101 Pennu sectorau galwedigaethol**

- (1) Rhaid i Weinidogion Cymru bennu sectorau galwedigaethol at ddibenion fframweithiau prentisiaethau.
- 10 (2) Caiff Gweinidogion Cymru ddiwygio neu ddisodli'r hyn y maent wedi ei bennu o ran sectorau galwedigaethol ("manyleb").
- (3) Rhaid i Weinidogion Cymru gyhoeddi eu manyleb sectorau galwedigaethol (gan gynnwys diwygiadau a disodliadau).
- (4) Rhaid i fanyleb o dan yr adran hon (gan gynnwys un sy'n disodli un arall) ddatgan y
- 15 dyddiad y daw i rym.

**102 Pennu gofynion mewn perthynas â phrentisiaethau Cymreig cymeradwy**

- (1) Caiff Gweinidogion Cymru bennu gofynion mewn perthynas â phrentisiaethau Cymreig cymeradwy fel a ganlyn.
- 20 (2) Caiff gofyniad ymwneud â chynnwys fframweithiau prentisiaethau, gan gynnwys (ond heb fod yn gyfyngedig i) –
- (a) y safonau cyrhaeddiad sy'n angenrheidiol ar gyfer cwblhau prentisiaeth Gymreig gymeradwy;
  - (b) y cymwysterau sy'n angenrheidiol ar gyfer cwblhau prentisiaeth Gymreig gymeradwy;
  - 25 (c) y math o hyfforddiant neu faint o hyfforddiant sy'n angenrheidiol ar gyfer cwblhau prentisiaeth Gymreig gymeradwy.
- (3) Caiff gofyniad ymwneud â llunio, diwygio, tynnu'n ôl neu gyhoeddi fframwaith prentisiaeth, gan gynnwys (ond heb fod yn gyfyngedig i) –
- 30 (a) y ffordd y mae fframwaith prentisiaeth yn cael ei lunio, ei ddiwygio, ei dynnu'n ôl neu ei gyhoeddi;
  - (b) y materion y mae rhaid eu hystyried wrth lunio fframwaith prentisiaeth, ei ddiwygio neu ei dynnu'n ôl.
- (4) Caiff gofyniad ymwneud ag ardystio prentisiaeth Gymreig gymeradwy, gan gynnwys (ond heb fod yn gyfyngedig i) –
- 35 (a) y ffordd y mae rhaid i geisiadau am dystysgrifau neu am gopiau o dystysgrifau gael eu gwneud;
  - (b) cynnwys tystysgrifau;
  - (c) cyflenwi tystysgrifau neu gopiau o dystysgrifau i –



- (i) personau y'u dyroddwyd mewn cysylltiad â hwy;
- (ii) personau y mae'r personau hynny yn gweithio iddynt neu wedi gweithio iddynt o dan gytundebau prentisiaethau Cymreig cymeradwy y mae'r tystysgrifau yn ymwneud â hwy.

- 5 (5) Caiff gofyniad ymwneud â phrentisiaethau Cymreig cymeradwy yn gyffredinol neu â phrentisiaethau Cymreig cymeradwy mewn un neu ragor o alwedigaethau.
- (6) Caiff Gweinidogion Cymru –
- (a) diwygio gofyniad neu ei dynnu'n ôl drwy bennu gofyniad ymhellach;
  - (b) tynnu gofyniad yn ôl drwy gyhoeddi hysbysiad o'i dynnu'n ôl.
- 10 (7) Rhaid i ofyniad a bennir o dan yr adran hon (gan gynnwys diwygiad a phennu sy'n cynnwys tynnu'n ôl) gael ei gyhoeddi.
- (8) Rhaid i ofyniad a bennir o dan yr adran hon (gan gynnwys diwygiad) a thynnu gofyniad yn ôl (pa un ai drwy hysbysiad neu drwy bennu gofyniad ymhellach) ddatgan y dyddiad y daw i rym.

15 **103 Ymgynghoriad gan Weinidogion Cymru ynghylch pennu**

- (1) Cyn cymryd unrhyw gamau gweithredu a grybwyllir yn is-adran (2), rhaid i Weinidogion Cymru ymgynghori ag –
- (a) y Comisiwn, a
  - (b) unrhyw bersonau eraill y maent yn ystyried eu bod yn briodol.
- 20 (2) Y camau gweithredu yw –
- (a) pennu sectorau galwedigaethol o dan adran 101 (gan gynnwys diwygio a disodli manylebau);
  - (b) pennu gofyniad o dan adran 102 (gan gynnwys gofynion diwygiedig);
  - (c) tynnu gofyniad yn ôl o dan adran 102.

25 *Fframweithiau a thystysgrifau prentisiaethau*

**104 Ystyr "fframwaith prentisiaeth"**

Yn y Rhan hon, mae "fframwaith prentisiaeth" yn ddogfen sy'n pennu gofynion ar gyfer cwblhau prentisiaeth Gymreig gymeradwy mewn galwedigaeth, a all gynnwys (ond nad ydynt yn gyfyngedig i) gofynion sy'n ymwneud ag –

- 30 (a) safonau cyrhaeddiad;
- (b) cymwysterau;
- (c) y math o hyfforddiant neu faint o hyfforddiant yr ymgymerir ag ef.

**105 Llundio a chyhoeddi fframweithiau prentisiaethau**

- 35 (1) Caiff y Comisiwn lunio fframweithiau prentisiaethau neu sicrhau eu bod yn cael eu llunio.

- (2) Caiff y Comisiwn gyhoeddi fframweithiau prentisiaethau sydd wedi eu llunio gan y Comisiwn ei hunan neu gan bersonau eraill (pa un a yw'r Comisiwn wedi sicrhau eu bod yn cael eu llunio ai peidio).
- (3) Rhaid i fframwaith prentisiaeth a gyhoeddir o dan yr adran hon ymwneud â galwedigaeth neu grŵp o alwedigaethau sy'n dod o fewn sector galwedigaethol a bennir o dan adran 101.
- (4) Rhaid i fframwaith prentisiaeth a gyhoeddir o dan yr adran hon gydymffurfio ag unrhyw ofynion a bennir o dan adran 102.
- (5) Caiff fframwaith prentisiaeth bennu gofynion ar lefelau cyrhaeddiad gwahanol ar gyfer yr un alwedigaeth neu grŵp o alwedigaethau, naill ai o fewn yr un fframwaith prentisiaeth neu mewn fframweithiau ar wahân.
- (6) Caiff fframwaith prentisiaeth gynnwys unrhyw ddeunydd sy'n berthnasol i brentisiaeth Gymreig gymeradwy yn yr alwedigaeth neu'r grŵp o alwedigaethau y mae'r fframwaith yn ymwneud â hi neu ag ef, neu sy'n berthnasol i brentisiaethau Cymreig cymeradwy yn gyffredinol.
- (7) Rhaid i'r Comisiwn wneud trefniadau i gadw pob fframwaith prentisiaeth a gyhoeddir o dan adolygiad gyda golwg ar benderfynu a ddylai'r fframwaith gael ei ddiwygio neu ei dynnu'n ôl.
- (8) Caiff y Comisiwn—
- (a) cyhoeddi fersiwn ddiwygiedig o fframwaith prentisiaeth, neu
- (b) tynnu fframwaith prentisiaeth yn ôl (gan gyhoeddi fframwaith arall yn ei le neu heb gyhoeddi un arall).
- (9) Rhaid i fframwaith prentisiaeth a gyhoeddir o dan yr adran hon ddatgan y dyddiad y daw i rym.
- (10) Mae cyfeiriadau at fframwaith prentisiaeth yn yr adran hon yn cynnwys fframwaith diwygiedig.

## 106 Cofrestr o fframweithiau prentisiaethau

- (1) Rhaid i'r Comisiwn gynnal cofrestr o'r fframweithiau prentisiaethau a gyhoeddir o dan adran 105.
- (2) Mewn cysylltiad â phob fframwaith prentisiaeth (gan gynnwys unrhyw fframwaith diwygiedig), rhaid i'r gofrestr gynnwys manylion ynghylch pryd y daw i rym.
- (3) Pan fo fframwaith diwygiedig wedi ei gynnwys yn y gofrestr, rhaid i'r gofrestr gynnwys disgrifiad cyffredinol o'r achosion y mae'r fframwaith diwygiedig yn gymwys iddynt.
- (4) Pan fo fframwaith prentisiaeth wedi ei dynnu'n ôl, rhaid i'r gofrestr gynnwys manylion ynghylch pryd y daw'r tynnu'n ôl i rym a disgrifiad cyffredinol o'r achosion y mae'r tynnu'n ôl yn gymwys iddynt.
- (5) Rhaid i'r Comisiwn gyhoeddi'r gofrestr.
- (6) Caiff Gweinidogion Cymru drwy reoliadau ei gwneud yn ofynnol i'r Comisiwn gynnwys gwybodaeth arall yn y gofrestr sy'n ymwneud â phrentisiaethau Cymreig cymeradwy.

**107 Pŵer i ddyroddi tystysgrifau prentisiaethau**

- (1) Caiff y Comisiwn ddyroddi tystysgrif (“tystysgrif brentisiaeth”) mewn cysylltiad â pherson sy’n gwneud cais amdani os yw’n ymddangos i’r Comisiwn fod y person wedi cwblhau prentisiaeth Gymreig gymeradwy.
- 5 (2) Mae’r pŵer i ddyroddi tystysgrif brentisiaeth yn ddarostyngedig i unrhyw ofynion a bennir o dan adran 102(4), a rhaid iddo gael ei arfer yn unol â hwy.
- (3) Ni chaiff y Comisiwn godi ffi am ddyroddi tystysgrif brentisiaeth ond os yw rheoliadau a wneir gan Weinidogion Cymru yn awdurdodi codi’r ffi, a dim ond i’r graddau y mae’r rheoliadau yn awdurdodi hynny.
- 10 (4) Mae’r adran hon yn gymwys i gyflenwi copïau o dystysgrif brentisiaeth fel y mae’n gymwys i ddyroddi tystysgrif prentisiaeth.

*Arfer swyddogaethau*

**108 Dirprwyo swyddogaethau’r Comisiwn**

- 15 (1) Caniateir i swyddogaethau’r Comisiwn o dan adran 105(2) neu 107 gael eu harfer gan berson a ddynodir gan y Comisiwn.
- (2) Caiff dynodiad o dan yr adran hon fod at rai dibenion y swyddogaeth neu at holl ddibenion y swyddogaeth.
- (3) Rhaid i berson a ddynodir o dan yr adran hon—
- (a) cydymffurfio â chyfarwyddydau a roddir gan y Comisiwn, a
- 20 (b) rhoi sylw i ganllawiau a roddir gan y Comisiwn.
- (4) Caniateir i ddynodiad o dan yr adran hon gael ei ddirymu.
- (5) Nid yw dirprwyo swyddogaeth yn effeithio ar—
- (a) gallu’r Comisiwn i arfer y swyddogaeth, neu
- (b) cyfrifoldeb y Comisiwn am arfer y swyddogaeth.
- 25 (6) Caiff y Comisiwn dalu i unrhyw berson y mae unrhyw swyddogaeth yn arferadwy ganddo yn rhinwedd is-adran (1)—
- (a) symiau y mae’n ystyried eu bod yn briodol at ddiben talu am wariant yr aed iddo, neu wariant yr eir iddo, gan y person hwnnw wrth arfer y swyddogaeth honno neu mewn cysylltiad ag arfer y swyddogaeth honno;
- 30 (b) unrhyw dâl y mae’n ei benderfynu.

*Darpariaethau atodol ynghylch cytundebau prentisiaethau*

**109 Darpariaethau aneffeithiol mewn cytundebau prentisiaethau Cymreig cymeradwy**

- (1) Os yw cytundeb—
- (a) yn cynnwys darpariaeth sy’n bodloni’r amodau a grybwyllir ym mharagraffau (a)
- 35 i (c) o adran 99(1), ond

(b) hefyd yn cynnwys darpariaeth sy'n anghyson â'r amodau hynny, mae'r ddarpariaeth arall i'w thrin fel pe na bai'n cael unrhyw effaith.

- 5
- (2) Cyn amrywio cytundeb sy'n bodloni'r amodau a grybwyllir ym mharagraffau (a) i (c) o adran 99(1) mewn ffordd fel nad yw'n bodloni un neu ragor o'r amodau hynny mwyach, rhaid i'r person y mae'r prentis yn gweithio iddo roi hysbysiad i'r prentis.
  - (3) Rhaid i'r hysbysiad esbonio, os yw'r amrywiad yn cymryd effaith, y bydd y cytundeb yn peidio â bod yn gytundeb prentisiaeth Gymreig gymeradwy.
  - (4) Os yw cytundeb yn cael ei amrywio gan dorri'r gofyniad yn is-adran (2), nid yw'r amrywiad yn cael unrhyw effaith.

10 **110 Statws cytundebau prentisiaethau Gymreig cymeradwy**

- (1) I'r graddau y byddai fel arall yn cael ei drin fel pe bai'n gontract prentisiaeth, mae cytundeb prentisiaeth Gymreig gymeradwy i'w drin fel pe na bai'n gontract prentisiaeth.
- (2) I'r graddau na fyddai fel arall yn cael ei drin fel pe bai'n gontract gwasanaeth, mae cytundeb prentisiaeth Gymreig gymeradwy i'w drin fel pe bai'n gontract gwasanaeth.
- 15 (3) Mae'r adran hon yn gymwys at ddibenion unrhyw ddeddfiad neu reol gyfreithiol.

**111 Trosglwyddo hawlfraint mewn fframweithiau prentisiaethau**

- (1) Mae'r adran hon yn gymwys pan fo fframwaith prentisiaeth –
  - (a) wedi ei lunio gan berson ac eithrio'r Comisiwn, a
  - (b) wedi ei gyhoeddi gan y Comisiwn o dan adran 105(2) gyda chytundeb y person sydd, yn union cyn cyhoeddi, â'r hawlogaeth i gael unrhyw hawl neu fuddiant mewn unrhyw hawlfraint yn y fframwaith.
- (2) Trosglwyddir yr hawl neu'r buddiant, yn rhinwedd yr adran hon, o'r person hwnnw i'r Comisiwn pan gaiff y fframwaith prentisiaeth ei gyhoeddi.

**112 Gweision y Goron**

- 25
- (1) Mae'r Rhan hon yn gymwys mewn perthynas â chytundeb y mae person yn ymgymryd â chyflogaeth y Goron odano fel y mae'n gymwys mewn perthynas ag unrhyw gytundeb arall y mae person yn ymgymryd â gweithio i berson arall odano.
  - (2) Mae is-adran (1) yn ddarostyngedig i is-adran (3) ac i unrhyw addasiadau y caniateir darparu ar eu cyfer o dan is-adran (5).
  - 30 (3) Nid yw adran 110(2) yn gymwys mewn perthynas â chytundeb prentisiaeth Gymreig gymeradwy sy'n gytundeb o fewn is-adran (1).
  - (4) Heb ragfarnu adran 129(2), caniateir i'r pŵer a roddir gan adran 99(1)(c) gael ei arfer, yn benodol, i wneud darpariaeth mewn perthynas â chytundeb prentisiaeth sy'n gytundeb o fewn is-adran (1) sy'n wahanol i ddarpariaeth a wneir mewn perthynas â chytundebau eraill y mae person i weithio i rywun arall odanynt.
  - 35 (5) Caiff Gweinidogion Cymru drwy reoliadau ddarparu i unrhyw ddarpariaeth yn y Rhan hon fod yn gymwys gydag addasiadau mewn perthynas ag –

- (a) cytundeb o fewn is-adran (1), neu
- (b) person sy'n gweithio, neu'n bwriadu gweithio, o dan gytundeb o'r fath.
- (6) Yn is-adran (1), ystyr "cyflogaeth y Goron" yw cyflogaeth o dan neu at ddibenion un o adrannau'r llywodraeth neu unrhyw swyddog neu gorff sy'n arfer, ar ran y Goron, swyddogaethau a roddir gan ddarpariaeth statudol (ond nid yw'n cynnwys gwasanaeth fel aelod o lynges, byddin neu lu awyr y Goron).

*Cyffredinol*

**113 Dehongli Rhan 4**

Yn y Rhan hon—

mae i "cytundeb prentisiaeth Gymreig gymeradwy" (*"approved Welsh apprenticeship agreement"*) yr ystyr a roddir gan adran 99;

mae i "fframwaith prentisiaeth" (*"apprenticeship framework"*) yr ystyr a roddir gan adran 104;

mae i "prentisiaeth Gymreig gymeradwy" (*"approved Welsh apprenticeship"*) yr ystyr a roddir gan adran 98;

ystyr "tystysgrif brentisiaeth" (*"apprenticeship certificate"*) yw tystysgrif a ddyroddir o dan adran 107.

**RHAN 5**

**DIOGELU DYSGWYR, GWEITHDREFNAU CWYNO AC YMGYSYLLTU Â DYSGWYR**

**114 Cynlluniau diogelu dysgwyr**

- (1) Caiff y Comisiwn roi hysbysiad i ddarparwr addysg drydyddol sy'n gofyn iddo gyflwyno cynllun diogelu dysgwyr i'r Comisiwn ar y dyddiad a bennir yn yr hysbysiad neu cyn y dyddiad hwnnw.
- (2) Mae cynllun diogelu dysgwyr yn ddogfen sy'n nodi trefniadau'r darparwr addysg drydyddol ar gyfer—
- (a) diogelu buddiannau personau sy'n ymgymryd â chwrs perthnasol os bydd y cwrs yn peidio â chael ei ddarparu am unrhyw reswm, a
- (b) cefnogi person sy'n ymgymryd â chwrs perthnasol ac sy'n dymuno trosglwyddo i gwrs addysg drydyddol arall (pa un a yw'r cwrs hwnnw yn cael ei ddarparu gan, neu ar ran, y darparwr addysg drydyddol neu berson arall).
- (3) Caiff y Comisiwn gymeradwyo'r cynllun diogelu dysgwyr gydag addasiadau neu hebddynt.
- (4) Os yw darparwr addysg drydyddol yn dymuno diwygio ei gynllun diogelu dysgwyr gymeradwy, rhaid iddo anfon cynllun diwygiedig i'r Comisiwn.
- (5) Caiff y Comisiwn gymeradwyo'r cynllun diogelu dysgwyr diwygiedig gydag addasiadau neu hebddynt.
- (6) Rhaid i'r Comisiwn ddyroddi canllawiau ar lunio a diwygio cynlluniau diogelu dysgwyr.

(7) Cyn dyroddi canllawiau o dan is-adran (6), rhaid i'r Comisiwn ymgynghori â'r personau hynny y mae'n ystyried eu bod yn briodol.

(8) Rhaid i'r Comisiwn fonitro effeithiolrwydd cynlluniau diogelu dysgwyr.

(9) Rhaid i'r Comisiwn gynnwys yn ei adroddiad blynyddol (a lunnir o dan baragraff 16 o Atodlen 1) y casgliadau y mae'n dod iddynt o'r monitro hwnnw o ran effeithiolrwydd y cynlluniau diogelu dysgwyr yn ystod y flwyddyn ariannol y mae'r adroddiad yn ymwneud â hi.

(10) Yn yr adran hon ac yn adran 115—

“cwrs perthnasol” (“*relevant course*”), mewn perthynas â darparwr addysg drydyddol, yw—

(a) pan fo'r darparwr yn sefydliad cofrestredig, unrhyw gwrs addysg drydyddol a ddarperir ganddo neu ar ei ran;

(b) pan na fo'r darparwr yn sefydliad cofrestredig, gwrs addysg drydyddol a ddarperir ganddo neu ar ei ran ac a gyllidir gan y Comisiwn o dan—

(i) adran 81(3)(a) (cyrsiau addysg uwch mewn sefydliadau eraill),

(ii) adran 88(1)(a) (addysg bellach neu hyfforddiant), neu

(iii) adran 94(1)(a) (prentisiaethau);

“darparwr addysg drydyddol” (“*tertiary education provider*”) yw—

(a) sefydliad cofrestredig;

(b) person ac eithrio sefydliad cofrestredig sy'n cael adnoddau ariannol a ddarperir gan y Comisiwn neu a sicrheir ganddo o dan—

(i) adran 81(3)(a) (cyrsiau addysg uwch mewn sefydliadau eraill),

(ii) adran 88(1)(a) (addysg bellach neu hyfforddiant), neu

(iii) adran 94(1)(a) (prentisiaethau).

## 25 115 Gweithdrefnau cwyno

(1) Rhaid i'r Comisiwn gymryd unrhyw gamau y mae'n ymddangos iddo eu bod yn briodol er mwyn sicrhau—

(a) bod gan ddarparwr addysg drydyddol weithdrefn yn ei lle ar gyfer ymchwilio i gwynion am weithred neu anweithred gan y darparwr a wneir gan bersonau sy'n ymgymryd, neu sydd wedi ymgymryd, â chyrtsiau perthnasol, a

(b) bod darparwr addysg drydyddol yn cymryd camau rhesymol i roi gwybod i bersonau sy'n ymgymryd â chyrtsiau perthnasol am y weithdrefn.

(2) Am ystyr “cwrs perthnasol” a “darparwr addysg drydyddol”, gweler adran 114(10).

**116 Sefydliadau cymhwysol ar gyfer y cynllun cwynion myfyrwyr**

(1) Mae Deddf Addysg Uwch 2004 (p. 8) wedi ei diwygio fel a ganlyn.

(2) Yn adran 11 (sefydliadau cymhwysol) –

(a) daw’r testun presennol yn is-adran (1);

(b) ar ôl y is-adran honno mewnosoder –

“(2) The Welsh Ministers may by regulations specify as a qualifying institution for the purposes of this Part a person other than one within subsection (1) who is –

(a) a registered institution, or

(b) an institution in Wales other than a registered institution in receipt of financial resources –

(i) provided by the Commission for Tertiary Education and Research under section 81(3)(a) of the Tertiary Education and Research (Wales) Act 2021 (higher education courses),

(ii) secured by the Commission for Tertiary Education and Research or the Welsh Ministers under section 88(1)(a) of that Act (further education or training), or

(iii) provided by the Commission for Tertiary Education and Research under section 94(1)(a) of that Act (apprenticeships).

(3) In subsection (2) –

“institution in Wales” means an institution whose activities are wholly or mainly carried on in Wales;

“registered institution” means an institution registered in the register established and maintained by the Commission for Tertiary Education and Research under section 11 of the Tertiary Education and Research (Wales) Act 2021.

(4) The power to make regulations in subsection (2) is to be exercised by statutory instrument.

(5) A statutory instrument containing regulations made under subsection (2) is subject to annulment in pursuance of a resolution of Senedd Cymru.”

(3) Yn adran 12 (cwynion cymhwysol) –

(a) ar ôl is-adran (2) mewnosoder –

“(2A) A complaint within subsection (1) about an act or omission of a qualifying institution specified in regulations made under paragraph (b) of subsection (2) of section 11 is a qualifying complaint only if it is made by a person who is undertaking or has undertaken a course funded by the Commission for Tertiary Education and Research or the Welsh Ministers under –

(a) section 81(3)(a) of the Tertiary Education and Research (Wales) Act 2021 (higher education courses),

(b) section 88(1)(a) of that Act (further education or training), or

(c) section 94(1)(a) of that Act (apprenticeships).

(b) yn is-adran (3) yn lle “section 11” rhodder “subsection (1) of section 11, or of a qualifying institution specified in regulations made under subsection (2) of that section.”.

## 117 Y Cod Ymgysylltu â Dysgwyr

(1) Rhaid i’r Comisiwn lunio a chyhoeddi cod (“y Cod Ymgysylltu â Dysgwyr”) ynghylch cynnwys personau sy’n cael addysg drydyddol a ddarperir gan, neu ar ran, sefydliad perthnasol (“dysgwyr”) wrth i’r sefydliad wneud penderfyniadau perthnasol.

(2) Caiff y Cod Ymgysylltu â Dysgwyr gynnwys darpariaeth ynghylch y canlynol (ymhlith pethau eraill) –

(a) sut y gellir sicrhau bod buddiannau dysgwyr yn cael eu cynrychioli’n effeithiol wrth i’r sefydliad perthnasol wneud penderfyniadau perthnasol,

(b) sut y gellir sicrhau bod dysgwyr yn cael y cyfle i gymryd rhan wrth i’r sefydliad perthnasol wneud penderfyniadau perthnasol, ac

(c) sut y gellir sicrhau bod dysgwyr yn cael y cyfle i roi eu barn i’r sefydliad perthnasol ar yr addysg drydyddol y maent yn ei chael ac ar faterion eraill a all fod o ddiddordeb i ddysgwyr neu y gall fod ganddynt fuddiant ynddynt.

(3) Rhaid i’r Comisiwn gadw’r Cod Ymgysylltu â Dysgwyr o dan adolygiad ac os yw’n ystyried ei bod yn briodol, rhaid iddo lunio a chyhoeddi cod diwygiedig (ac mae cyfeiriadau yn yr adran hon at y Cod Ymgysylltu â Dysgwyr yn cynnwys unrhyw god diwygiedig).

(4) Caiff darpariaeth yn y Cod Ymgysylltu â Dysgwyr fod ar ffurf gofyniad neu ganllawiau.

(5) Wrth lunio’r Cod Ymgysylltu â Dysgwyr neu’r cod diwygiedig, rhaid i’r Comisiwn ymgynghori â’r personau hynny y mae’r Comisiwn yn ystyried eu bod yn briodol.

(6) Caiff y Cod Ymgysylltu â Dysgwyr wneud darpariaeth wahanol at ddibenion gwahanol (gan gynnwys ar gyfer sefydliadau perthnasol gwahanol neu ddisgrifiadau gwahanol o sefydliad perthnasol).

(7) Rhaid i’r Comisiwn fonitro cydymffurfedd gan sefydliadau perthnasol â’r Cod Ymgysylltu â Dysgwyr.



(8) Rhaid i'r Comisiwn gynnwys yn ei adroddiad blynyddol (a lunnir o dan baragraff 16 o Atodlen 1) y casgliadau y mae'n dod iddynt o'r monitro hwnnw o ran effeithiolrwydd y Cod Ymgysylltu â Dysgwyr yn ystod y flwyddyn ariannol y mae'r adroddiad yn ymwneud â hi.

5 (9) Yn yr adran hon –

ystyr “penderfyniad perthnasol” (“*relevant decision*”) yw penderfyniad am faterion a all fod o ddiddordeb i ddysgwyr ar gyrsiau neu y gall fod buddiant ynddynt gan ddysgwyr ar gyrsiau –

(a) a ddarperir gan neu ar ran sefydliad cofrestredig, neu

10 (b) pan fônt yn cael eu darparu gan neu ar ran sefydliad ac eithrio sefydliad cofrestredig, a gyllidir gan y Comisiwn o dan –

(i) adran 81(3)(a) (cyrsiau addysg uwch mewn sefydliadau eraill),

(ii) adran 88(1)(a) (addysg bellach neu hyfforddiant), neu

(iii) adran 94(1)(a) (prentisiaethau);

15 ystyr “sefydliad perthnasol” (“*relevant institution*”) yw –

(a) sefydliad cofrestredig;

(b) sefydliad yng Nghymru ac eithrio sefydliad cofrestredig sy'n cael adnoddau ariannol a ddarperir gan y Comisiwn neu a sicrhair ganddo o dan –

20 (i) adran 81(3)(a) (cyrsiau addysg uwch mewn sefydliadau eraill),

(ii) adran 88(1)(a) (addysg bellach neu hyfforddiant), neu

(iii) adran 94(1)(a) (prentisiaethau).

## RHAN 6

### GWYBODAETH, CYNGOR A CHANLLAWIAU

#### 25 118 Gwybodaeth a chyngor oddi wrth y Comisiwn a gwybodaeth oddi wrth Weinidogion Cymru

(1) Rhaid i'r Comisiwn roi i Weinidogion Cymru –

(a) unrhyw wybodaeth sy'n ymwneud ag unrhyw un neu ragor o'i swyddogaethau neu unrhyw wybodaeth a geir wrth arfer unrhyw un neu ragor o'i swyddogaethau y mae Gweinidogion Cymru yn gofyn amdani, a

(b) unrhyw gyngor sy'n ymwneud ag unrhyw un neu ragor o'i swyddogaethau y mae Gweinidogion Cymru yn gofyn amdano.

(2) Rhaid i wybodaeth a chyngor a roddir o dan is-adran (1) gael eu rhoi ar y ffurf ac yn y modd a benderfynir gan Weinidogion Cymru.

35 (3) Caiff y Comisiwn roi i Weinidogion Cymru –

(a) gwybodaeth sy'n ymwneud ag unrhyw un neu ragor o'i swyddogaethau neu wybodaeth a geir wrth arfer unrhyw un neu ragor o'i swyddogaethau, neu

(b) cyngor sy'n ymwneud ag unrhyw un neu ragor o'i swyddogaethau.

- (4) Caiff Gweinidogion Cymru roi gwybodaeth i'r Comisiwn at ddibenion arfer unrhyw un neu ragor o'i swyddogaethau.

**119 Personau y mae'n ofynnol iddynt ddarparu gwybodaeth i'r Comisiwn**

- 5 (1) Caiff y Comisiwn, drwy hysbysiad, ei gwneud yn ofynnol i berson o fewn is-adran (2) roi i'r Comisiwn unrhyw wybodaeth y mae'r Comisiwn yn gofyn amdani at ddibenion arfer unrhyw un neu ragor o swyddogaethau'r Comisiwn.
- (2) Y personau o fewn yr is-adran hon yw –
- (a) sefydliad cofrestredig;
- 10 (b) person ac eithrio sefydliad cofrestredig sy'n cael adnoddau ariannol a ddarperir o dan –
- (i) adran 80(2) (gwasanaethau a ddarperir mewn cysylltiad ag addysg uwch),
- (ii) adran 81 (cyrsiau addysg uwch mewn sefydliadau eraill),
- (iii) adran 93 (gweithgareddau eraill sy'n gysylltiedig ag addysg drydyddol),
- (iv) adran 94 (prentisiaethau),
- 15 (v) adran 95(2) (gwasanaethau a ddarperir mewn cysylltiad ag ymchwil ac arloesi),
- (vi) adran 124 (ymchwil gan y Comisiwn neu Weinidogion Cymru), neu
- (vii) adran 88 (addysg bellach neu hyfforddiant);
- (c) awdurdod lleol;
- 20 (d) corff llywodraethu ysgol a gynhelir yng Nghymru sy'n darparu addysg uwch, neu sydd wedi trefnu i addysg uwch gael ei darparu, i ddisgyblion yn yr ysgol o dan adran 28A o Ddeddf Addysg 2002 (p. 32);
- (e) corff a ddynodir o dan Atodlen 3 i arfer swyddogaethau'r Comisiwn o dan adran 46 (asesu ansawdd addysg uwch);
- 25 (f) person a ddynodir gan y Comisiwn o dan adran 108 i arfer swyddogaethau'r Comisiwn o dan adran 105(2) (cyhoeddi fframweithiau prentisiaethau) neu adran 107 (dyroddi tystysgrifau prentisiaethau);
- (g) unrhyw berson sy'n darparu addysg bellach neu hyfforddiant ac sy'n cael cymorth ariannol gan Weinidogion Cymru.
- 30 (3) Ni chaiff hysbysiad o dan is-adran (1) i berson a grybwyllir ym mharagraff (c), (d), (e), (f) neu (g) o is-adran (2) ei gwneud yn ofynnol i'r person roi gwybodaeth ac eithrio –
- (a) yn achos person a grybwyllir ym mharagraff (c), (d) neu (g) o is-adran (2), wybodaeth a gedwir gan y person at ddiben darparu addysg drydyddol;
- 35 (b) yn achos corff a grybwyllir ym mharagraff (e) o is-adran (2), wybodaeth a gedwir gan y corff at ddiben arfer unrhyw un neu ragor o swyddogaethau'r Comisiwn o dan adran 46;
- (c) yn achos person a grybwyllir ym mharagraff (f) o is-adran (2), wybodaeth a gedwir gan y person at ddiben arfer unrhyw un neu ragor o swyddogaethau'r Comisiwn o dan adran 105(2) neu 107.

- (4) Caiff hysbysiad o dan is-adran (1) ei gwneud yn ofynnol i'r wybodaeth gael ei rhoi –
- (a) erbyn amser a bennir yn yr hysbysiad, a
  - (b) ar ffurf ac mewn modd a bennir yn yr hysbysiad.
- (5) Os yw person yn methu â chydymffurfio â hysbysiad o dan is-adran (1) ac os nad yw'n bodloni'r Comisiwn na ellir rhoi'r wybodaeth y gofynnwyd amdani, mae'r ddyletswydd i gydymffurfio â'r hysbysiad yn orfodadwy drwy waharddeb yn dilyn cais gan y Comisiwn.
- (6) Caiff y Comisiwn roi gwybodaeth i berson a restrir yn is-adran (2) am unrhyw fater y mae gan y Comisiwn swyddogaeth mewn perthynas ag ef.

## 10 120 Pwerau i rannu gwybodaeth

- (1) Caiff pob un o'r canlynol roi i'r Comisiwn wybodaeth at ddibenion arfer unrhyw un neu ragor o swyddogaethau'r Comisiwn –
- (a) Prif Arolygydd Ei Mawrhydi dros Addysg a Hyfforddiant yng Nghymru;
  - (b) Cyngor y Gweithlu Addysg;
  - (c) Cymwysterau Cymru;
  - (d) yr Ysgrifennydd Gwladol;
  - (e) y Swyddfa Fyfyrrwyr;
  - (f) Ymchwil ac Arloesedd y Deyrnas Unedig;
  - (g) corff a ddynodir o dan Atodlen 3 i arfer swyddogaethau'r Comisiwn o dan adran 46 (asesu ansawdd addysg uwch);
  - (h) y person a ddynodir gan Weinidogion Cymru o dan adran 13 o Ddeddf Addysg Uwch 2004 (p. 8) fel gweithredwr dynodedig cynllun ar gyfer adolygu cwynion myfyrrwyr;
  - (i) person a bennir mewn trefniadau a wneir gan Weinidogion Cymru o dan adran 23(4) o Ddeddf Addysgu ac Addysg Uwch 1998 (p. 30) i arfer, ar eu rhan, swyddogaethau sy'n arferadwy yn rhinwedd rheoliadau o dan adran 22 o'r Ddeddf honno (trefniadau ar gyfer rhoi cymorth ariannol i fyfyrwyr);
  - (j) person a bennir mewn trefniadau a wneir gan Weinidogion Cymru o dan adran 14 o Ddeddf Addysg 2002 (p. 32) (cynhorthwy ariannol ar gyfer addysg a phlant etc.), sydd, yn unol ag adran 17 o'r Ddeddf honno, yn darparu i'r person roi cynhorthwy neu arfer swyddogaethau eraill sy'n ymwneud â chynhorthwy;
  - (k) person sy'n darparu gwasanaethau i un neu ragor o sefydliadau yng Nghymru o fewn y sector addysg uwch sy'n ymwneud â cheisiadau am le ar gyrsiau addysg uwch a ddarperir ganddynt;
  - (l) person a bennir mewn rheoliadau a wneir gan Weinidogion Cymru.
- (2) Caiff y Comisiwn roi i berson a restrir yn is-adran (1) ac i unrhyw berson arall y mae'n ystyried ei fod yn briodol wybodaeth am unrhyw fater y mae gan y Comisiwn swyddogaeth mewn perthynas ag ef.

**121 Pŵer i'w gwneud yn ofynnol rhoi gwybodaeth o gyflwyno'r cais i dderbyn y cynnig**

- (1) Caiff Gweinidogion Cymru, drwy hysbysiad, ei gwneud yn ofynnol i berson o fewn is-adran (2) roi iddynt neu i'r Comisiwn yr wybodaeth honno o gyflwyno'r cais i dderbyn y cynnig a ddisgrifir yn yr hysbysiad, at ddefnydd ymchwil gymhwysol.
- 5 (2) Mae person o fewn yr is-adran hon yn un sy'n darparu gwasanaethau i un neu ragor o sefydliadau yng Nghymru o fewn y sector addysg uwch sy'n ymwneud â cheisiadau am le ar gyrsiau addysg uwch a ddarperir ganddynt.
- (3) Ystyr "gwybodaeth o gyflwyno'r cais i dderbyn y cynnig" yw gwybodaeth sy'n ymwneud ag –
- 10 (a) ceisiadau am le ar gyrsiau addysg uwch a ddarperir gan sefydliadau yng Nghymru o fewn y sector addysg uwch (gan gynnwys graddau a ragfynegir),
- (b) cynigion a gwrthodiadau a roddir i unigolion mewn cysylltiad â cheisiadau am le ar y cyrsiau hynny, neu
- (c) derbyn cynigion o'r fath.
- 15 (4) Ystyr "ymchwil gymhwysol" yw –
- (a) ymchwil i'r dewisiadau sydd ar gael i unigolion –
- (i) sy'n gwneud cais am le ar gyrsiau addysg uwch a ddarperir gan sefydliadau yng Nghymru o fewn y sector addysg uwch, neu
- 20 (ii) sy'n ystyried pa un ai i dderbyn cynnig o le ar gwrs o'r fath gan sefydliad o'r fath;
- (b) ymchwil i gyfle cyfartal mewn cysylltiad â mynediad i addysg uwch a ddarperir gan sefydliadau yng Nghymru o fewn y sector addysg uwch a chymryd rhan yn yr addysg uwch honno;
- (c) ymchwil i unrhyw bwnc arall a gymeradwyir gan Weinidogion Cymru.
- 25 (5) Caiff hysbysiad o dan is-adran (1) ei gwneud yn ofynnol i'r wybodaeth gael ei rhoi –
- (a) erbyn amser a bennir yn yr hysbysiad, a
- (b) ar ffurf ac mewn modd a bennir yn yr hysbysiad.
- (6) Os yw person yn methu â chydymffurfio â hysbysiad o dan is-adran (1) ac os nad yw'n bodloni Gweinidogion Cymru na ellir rhoi'r wybodaeth a ddisgrifir yn yr hysbysiad, mae'r ddyletswydd i gydymffurfio â'r hysbysiad yn orfodadwy drwy waharddeb yn dilyn cais gan Weinidogion Cymru.
- 30

**122 Defnyddio gwybodaeth o gyflwyno'r cais i dderbyn y cynnig at ddibenion ymchwil**

- (1) Caiff Gweinidogion Cymru –
- 35 (a) defnyddio gwybodaeth a geir o dan adran 121 ar gyfer ymchwil gymhwysol, a
- (b) rhoi gwybodaeth a geir o dan adran 121 i'r Comisiwn neu i berson cymeradwy i'w defnyddio ar gyfer ymchwil gymhwysol.
- (2) Caiff Gweinidogion Cymru, y Comisiwn neu berson cymeradwy gyhoeddi cynnyrch ymchwil a wneir gan ddefnyddio gwybodaeth a geir o dan adran 121 cyhyd ag –
- (a) mai darparu gwybodaeth ystadegol yw un o'r dibenion wrth ei gyhoeddi,

- (b) na ellir adnabod unrhyw unigolyn y mae'r wybodaeth a geir o dan adran 121 yn ymwneud ag ef o'r cyhoeddiad, ac
- (c) nad yw'r cyhoeddiad yn cynnwys gwybodaeth a geir o dan adran 121 a all gael ei hystyried yn fasnachol sensitif.

- 5 (3) Ystyr "person cymeradwy" yw –
- (a) corff a gymeradwyir gan Weinidogion Cymru at ddibenion yr adran hon sy'n defnyddio neu'n lledaenu gwybodaeth at ddiben ymchwil ("corff cymeradwy"), neu
  - (b) unigolyn a gymeradwyir gan Weinidogion Cymru neu gorff cymeradwy at
- 10 (4) Caiff corff cymeradwy roi gwybodaeth a geir o dan adran 121 i ymchwilydd cymeradwy, ond ni chaiff ymchwilydd cymeradwy roi'r wybodaeth honno i –
- (a) ymchwilydd cymeradwy arall, neu
  - (b) corff cymeradwy arall.
- 15 (5) Rhaid i Weinidogion Cymru gyhoeddi canllawiau ynghylch ffactorau i'w hystyried wrth benderfynu pa un ai i gymeradwyo corff neu unigolyn at ddibenion yr adran hon.
- (6) Mae i "ymchwil gymhwysol" yr un ystyr ag yn adran 121.

### 123 Gwybodaeth arall, cyngor arall a chanllawiau eraill

- 20 (1) Caiff y Comisiwn roi cyngor a dyroddi canllawiau (pa un ai'n gyffredinol neu'n benodol) i unrhyw berson ynghylch darparu addysg drydyddol neu unrhyw fater sy'n gysylltiedig â swyddogaethau'r Comisiwn.
- (2) Rhaid i'r Comisiwn –
- (a) nodi arferion da mewn perthynas â rhannu gwybodaeth gan y personau a bennir yn is-adran (3), a
  - (b) rhoi cyngor a dyroddi canllawiau ar arferion o'r fath i'r personau hynny.
- 25 (3) Y personau a bennir yn yr is-adran hon yw –
- (a) sefydliad cofrestredig,
  - (b) person ac eithrio sefydliad cofrestredig sy'n darparu addysg drydyddol a gyllidir gan y Comisiwn neu a sicrheir fel arall ganddo.
- 30 (4) Rhaid i'r Comisiwn gyhoeddi unrhyw ganllawiau y mae'n eu dyroddi o dan is-adrannau (1) a (2).
- (5) Rhaid i'r Comisiwn sefydlu systemau ar gyfer casglu gwybodaeth sydd wedi eu dylunio i sicrhau bod ei benderfyniadau o ran addysg drydyddol yn cael eu gwneud ar sail gadarn.

### 35 124 Ymchwil gan y Comisiwn neu Weinidogion Cymru

- (1) Caiff y Comisiwn neu Weinidogion Cymru wneud ymchwil, neu sicrhau bod adnoddau ariannol yn cael eu darparu i bersonau sy'n gwneud neu'n bwriadu gwneud ymchwil, mewn perthynas ag –
- (a) addysg neu hyfforddiant yng Nghymru;

- (b) unrhyw fater sy'n gysylltiedig ag addysg neu hyfforddiant yng Nghymru;
- (c) unrhyw fater arall sy'n berthnasol i swyddogaethau'r Comisiwn.
- (2) Caiff y Comisiwn neu Weinidogion Cymru gyhoeddi, neu wneud trefniadau ar gyfer cyhoeddi, ganlyniadau'r ymchwil honno cyhyd ag na ellir adnabod unrhyw unigolyn y mae'r ymchwil yn ymwneud ag ef o'r cyhoeddiad.
- (3) Caiff y Comisiwn neu Weinidogion Cymru sicrhau bod adnoddau ariannol yn cael eu darparu o dan is-adran (1) –
- (a) drwy ddarparu adnoddau ei hunan neu eu hunain;
- (b) drwy wneud trefniadau ar gyfer darparu adnoddau gan berson arall;
- (c) drwy wneud trefniadau ar gyfer darparu adnoddau gan bersonau ar y cyd (pa un a yw hynny yn cynnwys y Comisiwn neu Weinidogion Cymru ai peidio).
- (4) Os yw'r Comisiwn ei hunan, neu Weinidogion Cymru eu hunain, yn darparu adnoddau ariannol o dan is-adran (1), caniateir iddo neu iddynt osod y telerau a'r amodau hynny y mae neu y maent yn ystyried eu bod yn briodol.
- (5) Caiff y telerau a'r amodau (ymhlith pethau eraill) –
- (a) galluogi'r Comisiwn neu Weinidogion Cymru i'w gwneud yn ofynnol ad-dalu, yn gyfan gwbl neu'n rhannol, symiau a dalwyd ganddynt os na chydymffurfir ag unrhyw un neu ragor o'r telerau a'r amodau y talwyd y symiau yn ddarostyngedig iddynt;
- (b) ei gwneud yn ofynnol talu llog mewn cysylltiad ag unrhyw gyfnod pan fydd swm sy'n ddyledus i'r Comisiwn neu i Weinidogion Cymru yn unol ag unrhyw un neu ragor o'r telerau a'r amodau yn parhau i fod heb ei dalu.

## RHAN 7

### AMRYWIOL A CHYFFREDINOL

#### *Corfforaethau addysg uwch*

#### **125 Offerynnau llywodraethu corfforaethau addysg uwch yng Nghymru**

- (1) Mae adran 124A o Ddeddf Diwygio Addysg 1988 (p. 40) wedi ei diwygio fel a ganlyn.
- (2) Yn is-adran (9), yn lle'r geiriau "3 to 5 and" rhodder "2 to".
- (3) Ar ôl is-adran (9) mewnosoder –

“(9A) Before making an order under subsection (9) the Welsh Ministers must consult –

- (a) the Commission for Tertiary Education and Research, and
- (b) any other persons they think appropriate.

(9B) An order made under subsection (9) may, where it is necessary in consequence of amendments made to Schedule 7A to this Act, repeal or amend the following provisions of this Act –

- (a) subsection 122A(3);

(b) in subsection (4) of this section, the words “any provision authorised to be made by that Schedule and”;

(c) in section 124C –

(i) in subsection (1), the words beginning with “and, in determining” to the end;

(ii) subsection (2).”

## 126 Erthyglau llywodraethu corfforaethau addysg uwch yng Nghymru

(1) Mae Deddf Diwygio Addysg 1988 (p. 40) wedi ei diwygio fel a ganlyn.

(2) Yn adran 125, ar ôl is-adran (7) mewnosoder –

“(8) The Welsh Ministers may by order amend or repeal any of subsections (2) to (4) of this section.

(9) Before making an order under subsection (8) the Welsh Ministers must consult –

(a) the Commission for Tertiary Education and Research, and

(b) any other persons they think appropriate.”

(3) Yn adran 232 –

(a) yn is-adran (1), ar ôl y geiriau “Secretary of State” mewnosoder “or the Welsh Ministers”;

(b) ar ôl is-adran (4) mewnosoder –

“(4ZA) A statutory instrument containing any order or regulations made by the Welsh Ministers under this Act, other than an order under section 125, 214 or 216, shall be subject to annulment in pursuance of a resolution of Senedd Cymru.

(4ZB) A statutory instrument containing an order made by the Welsh Ministers under section 125 of this Act may not be made unless a draft of the instrument has been laid before, and approved by resolution of, Senedd Cymru.

(4ZC) For the purposes of subsection (4ZA) above, any order or regulations made by the Welsh Ministers under this Act includes any order or regulations made under a power that is expressed as a power of the Secretary of State and has been transferred to the Welsh Ministers.”;

(c) yn is-adran (5), yn lle’r gair “thinks” rhodder “or the Welsh Ministers think”.

## 127 Diddymu corfforaethau addysg uwch yng Nghymru

(1) Mae adran 128 o Ddeddf Diwygio Addysg 1988 (p. 40) wedi ei diwygio fel a ganlyn.

(2) Yn is-adran (1), yn is-baragraff (b)(iii), yn lle’r geiriau “the Higher Education Funding Council for Wales” rhodder “the Commission for Tertiary Education and Research (“the Commission”)”.

(3) Ar ôl is-adran (1) mewnosoder –

“(1A) An order under subsection (1)(b) –

- (a) may, in relation to any property or rights of the corporation transferred under the order, make provision about the effect of such transfer on any right of pre-emption, right of return or other similar right that may apply in respect of such property or rights (including provision about the calculation and payment of any just compensation);
- (b) has effect in relation to property, rights or liabilities to which it applies in spite of any provision (of whatever nature) of any enactment or any rule of law, which would otherwise prevent, penalise or restrict the transfer of the property rights or liabilities."

(4) Yn is-adran (4), ym mharagraff (b), yn lle'r geiriau "the Higher Education Funding Council for Wales" rhodder "the Commission".

(5) Yn lle is-adran (5) rhodder –

"(5) In this section –

"charitable purposes" has the meaning given by section 11 of the Charities Act 2011 (c. 25);

"right of return" means any right under a provision for the return or reversion of property in specified circumstances."

#### *Cyffredinol*

### **128 Cyhoeddi**

- (1) Pan fo'r Ddeddf hon yn gosod dyletswydd i gyhoeddi unrhyw beth, rhaid iddo gael ei gyhoeddi –
- (a) yn electronig, a
- (b) mewn unrhyw fodd arall y mae'r person sy'n ddarostyngedig i'r ddyletswydd yn ystyried ei fod yn briodol.
- (2) Mae'r ddyletswydd i gyhoeddi yn electronig –
- (a) yn ddyletswydd i ddarparu mynediad yn rhad ac am ddim, a
- (b) yn ddyletswydd i gyhoeddi ar wefan y person, os oes gan y person un.
- (3) Caniateir i gopïau o unrhyw beth a gyhoeddir o dan is-adran (1)(b) gael eu cyflenwi yn rhad ac am ddim neu ar ôl talu unrhyw ffi, nad yw'n fwy na chost cyflenwi'r copi, a benderfynir gan y person sy'n ddarostyngedig i'r ddyletswydd i gyhoeddi.

### **129 Rheoliadau**

- (1) Mae pŵer i wneud rheoliadau o dan y Ddeddf hon i'w arfer drwy offeryn statudol.
- (2) Mae pŵer i wneud rheoliadau o dan y Ddeddf hon yn cynnwys pŵer i wneud –
- (a) darpariaeth wahanol at ddibenion gwahanol neu ar gyfer ardaloedd gwahanol;
- (b) darpariaeth gysylltiedig, darpariaeth atodol, darpariaeth ganlyniadol, darpariaeth ddarfodol, darpariaeth drosiannol neu ddarpariaeth arbed.



- (3) Ni chaniateir gwneud offeryn statudol y mae'r is-adran hon yn gymwys iddo oni bai bod drafft o'r offeryn wedi ei osod gerbron Senedd Cymru ac wedi ei gymeradwyo ganddi drwy benderfyniad.
- (4) Mae is-adran (3) yn gymwys i offeryn statudol sy'n cynnwys rheoliadau o dan unrhyw un neu ragor o'r darpariaethau a ganlyn –
- (a) o Ran 2, adrannau 11(3), 13(3), 18(1), 20, 27(2), 34(4), 35(1), 36(4) a 76(4);
  - (b) o Ran 3, adrannau 80(3), 88(5), 89(5), 94(3) a 95(4);
  - (c) o Ran 4, adrannau 98(4), 99(1)(c) a 100(1);
  - (d) o'r Rhan hon –
    - (i) adran 131;
    - (ii) adran 132, ond dim ond pan fo'r rheoliadau yn diwygio, yn diddymu neu fel arall yn addasu darpariaeth mewn Deddf gan Senedd y Deyrnas Unedig, Mesur gan Gynulliad Cenedlaethol Cymru neu Ddeddf gan Senedd Cymru.
- (5) Mae offeryn statudol sy'n cynnwys rheoliadau a wneir gan Weinidogion Cymru o dan y Ddeddf hon, nad yw is-adran (4) yn gymwys iddo, ac eithrio rheoliadau a wneir o dan adran 27(6) neu 29(13), yn ddarostyngedig i'w diddymu yn unol â phenderfyniad gan Senedd Cymru.

### 130 Dehongli cyffredinol

- (1) Yn y Ddeddf hon –

ystyr "adnoddau ariannol" ("*financial resources*") yw adnoddau ariannol o unrhyw fath gan gynnwys grantiau, benthyciadau a thaliadau eraill;

ystyr "addysg drydyddol" ("*tertiary education*") yw addysg uwch, addysg bellach neu hyfforddiant;

ystyr "addysg uwch" ("*higher education*") yw addysg a ddarperir drwy gyfrwng cwrs o unrhyw ddisgrifiad a grybwyllir yn Atodlen 6 i Ddeddf Diwygio Addysg 1988 (p. 40);

mae i "addysg uwchradd" yr ystyr a roddir i "secondary education" gan adran 2 o Ddeddf Addysg 1996 (p. 56);

mae i "anghenion dysgu ychwanegol" ("*additional learning needs*") yr ystyr a roddir gan adran 2 o Ddeddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2);

ystyr "awdurdod lleol" ("*local authority*") yw cyngor sir neu gyngor bwrdeistref sirol yng Nghymru;

ystyr "y Comisiwn" ("*the Commission*") yw'r Comisiwn Addysg Drydyddol ac Ymchwil (gweler adran 1);

mae "corff llywodraethu" ("*governing body*") i'w ddehongli fel a ganlyn –

- (a) mewn perthynas â darparwr hyfforddiant na fyddai, oni bai am yr adran hon, yn cael ei ystyried yn sefydliad, ei ystyr yw unrhyw bersonau sy'n gyfrifol am reoli'r darparwr;

(b) mewn perthynas â darparwr a ddynodir o dan adran 76, ei ystyr yw unrhyw bersonau sy'n gyfrifol am reoli'r darparwr;

(c) mewn perthynas ag unrhyw sefydliad arall, mae iddo'r ystyr a roddir i "governing body" gan adran 90(1) o Ddeddf Addysg Bellach ac Uwch 1992 (p. 13), ond yn ddarostyngedig i unrhyw ddarpariaeth a wneir yn rhinwedd adran 90(2) o'r Ddeddf honno;

mae i "darpariaeth ddysgu ychwanegol" ("*additional learning provision*") yr ystyr a roddir gan adran 3 o Ddeddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2);

ystyr "y gofrestr" ("*the register*") yw'r gofrestr a sefydlir ac a gynhelir o dan adran 11;

ystyr "hysbysiad" ("*notice*") yw hysbysiad ysgrifenedig;

mae "sefydliad" ("*institution*") yn cynnwys unrhyw ddarparwr hyfforddiant (pa un a fyddai'r darparwr hyfforddiant fel arall yn cael ei ystyried yn sefydliad ai peidio);

ystyr "sefydliad cofrestredig" ("*registered institution*") yw sefydliad sydd wedi ei gofrestru yn y gofrestr; ac mae cyfeiriadau at "cofrestru" ("*registration*") i'w darllen yn unol â hynny;

ystyr "swyddogaethau" ("*functions*") yw pwerau a dyletswyddau.

(2) Mae cyfeiriadau yn y Ddeddf hon at addysg bellach yn gyfeiriadau at addysg (ac eithrio addysg uwch) sy'n addas i ofynion personau dros yr oedran ysgol gorfodol a gweithgaredd amser hamdden wedi ei drefnu sy'n gysylltiedig ag addysg o'r fath.

(3) Yn unol â hynny, at ddibenion y Ddeddf hon, mae addysg bellach yn cynnwys addysg sy'n addas i ofynion disgyblion dros yr oedran ysgol gorfodol ond o dan 19 oed a ddarperir mewn ysgol y darperir addysg uwchradd ynddi hefyd.

(4) Mae cyfeiriadau yn y Ddeddf hon at hyfforddiant yn gyfeiriadau at hyfforddiant sy'n addas i ofynion personau dros yr oedran ysgol gorfodol a gweithgaredd amser hamdden wedi ei drefnu sy'n gysylltiedig â hyfforddiant o'r fath.

(5) At ddibenion is-adrannau (2) a (4)–

(a) mae addysg yn cynnwys addysg llawn-amser a rhan-amser;

(b) mae hyfforddiant yn cynnwys hyfforddiant llawn-amser a rhan-amser;

(c) mae hyfforddiant yn cynnwys hyfforddiant galwedigaethol, cymdeithasol, corfforol a hamdden.

(6) Yn y Ddeddf hon–

(a) mae cyfeiriadau at sefydliadau o fewn y sector addysg bellach yn gyfeiriadau at "institutions within the further education sector" sy'n dod o fewn adran 91(3) o Ddeddf Addysg Bellach ac Uwch 1992 (p. 13), a

(b) mae cyfeiriadau at sefydliadau o fewn y sector addysg uwch yn gyfeiriadau at "institutions within the higher education sector" sy'n dod o fewn adran 91(5) o Ddeddf Addysg Bellach ac Uwch 1992.

- (7) Mae is-adrannau (2) a (3) o adran 8 o Ddeddf Addysg 1996 (p. 56) yn gymwys i benderfynu, at ddibenion y Ddeddf hon, a yw person o'r oedran ysgol gorfodol, i'r graddau y mae'r adran honno yn gymwys o ran Cymru.
- (8) Yn is-adran (1), ystyr "darparwr hyfforddiant" yw person sy'n darparu hyfforddiant ar gyfer aelodau o weithlu'r ysgol (o fewn yr ystyr a roddir i "member of the school workforce" gan adran 100 o Ddeddf Addysg 2005 (p. 18)).
- (9) Yn y Ddeddf hon, mae cyfeiriadau at sefydliad yng Nghymru yn gyfeiriadau at sefydliad y cynhelir ei weithgareddau yn gyfan gwbl neu'n bennaf yng Nghymru.
- (10) At ddibenion y Ddeddf hon, mae addysg drydyddol a ddarperir y tu allan i Gymru i'w thrin fel pe bai wedi ei darparu yng Nghymru os y'i darperir fel rhan o gwrs a ddarperir yn bennaf yng Nghymru.

### 131 Pŵer i ddarparu i'r Brifysgol Agored gael ei thrin fel sefydliad yng Nghymru

- (1) Caiff Gweinidogion Cymru, drwy reoliadau, ddarparu i'r Brifysgol Agored gael ei thrin fel sefydliad yng Nghymru at ddiben unrhyw ddarpariaeth yn y Ddeddf hon, neu unrhyw ddarpariaeth a wneir odani.
- (2) Caiff rheoliadau o dan is-adran (1) addasu effaith darpariaeth yn y Ddeddf hon, neu ddarpariaeth a wneir odani, i'r graddau y mae'n gymwys i'r Brifysgol Agored, pa un ai fel sefydliad yng Nghymru neu fel sefydliad cofrestredig (os daw'n un).

### 132 Pŵer i wneud darpariaeth ganlyniadol a darpariaeth drosiannol etc.

- (1) Os yw Gweinidogion Cymru yn ystyried ei bod yn briodol at ddibenion unrhyw ddarpariaeth yn y Ddeddf hon, o ganlyniad i unrhyw ddarpariaeth ynddi neu er mwyn rhoi effaith lawn i unrhyw ddarpariaeth ynddi, cânt, drwy reoliadau, wneud –
- darpariaeth atodol, darpariaeth gysylltiedig neu ddarpariaeth ganlyniadol;
  - darpariaeth drosiannol, darpariaeth ddarfodol neu ddarpariaeth arbed.
- (2) Caiff rheoliadau o dan is-adran (1) ddiwygio, addasu, diddymu neu ddirymu unrhyw ddeddfiad (gan gynnwys deddfiad a gynhwysir yn y Ddeddf hon).

### 133 Mân ddiwygiadau a diwygiadau canlyniadol

Mae Atodlen 4 yn gwneud mân ddarpariaethau a darpariaethau o ganlyniad i'r Ddeddf hon.

### 134 Dod i rym

- (1) Daw'r darpariaethau a ganlyn o'r Ddeddf hon i rym drannoeth y diwrnod y caiff y Ddeddf hon y Cydsyniad Brenhinol –
- adrannau 129 i 132;
  - yr adran hon;
  - adran 135.
- (2) Daw darpariaethau eraill y Ddeddf hon i rym ar ddiwrnod a bennir gan Weinidogion Cymru mewn gorchymyn a wneir drwy offeryn statudol.

(3) Caiff gorchymyn o dan is-adran (2) –

(a) pennu diwrnodau gwahanol at ddibenion gwahanol;

(b) gwneud darpariaeth ddarfodol, darpariaeth drosiannol neu ddarpariaeth arbed mewn cysylltiad â dod â darpariaeth i rym a ddygir i rym drwy'r gorchymyn.

5 **135 Enw byr**

(1) Enw byr y Ddeddf hon yw Deddf Addysg Drydyddol ac Ymchwil (Cymru) 2021.

(2) Mae'r Ddeddf hon i'w chynnwys yn y rhestr o Ddeddfau Addysg a nodir yn adran 578 o Ddeddf Addysg 1996 (p. 56).

ATODLEN 1  
(a gyflwynir gan adran 1)

Y COMISIWN ADDYSG DRYDYDDOL AC YMCHWIL

*Statws*

- 5 1 Nid yw'r Comisiwn i'w ystyried yn was nac yn asiant i'r Goron nac ychwaith i'w ystyried yn mwynhau unrhyw statws, imiwnedd na braint sydd gan y Goron.

*Aelodaeth*

- 2 (1) Aelodau'r Comisiwn yw –
- 10 (a) y person a benodir gan Weinidogion Cymru i gadeirio'r Comisiwn ("y cadeirydd");
- (b) y person a benodir gan Weinidogion Cymru yn gadeirydd YAC o dan baragraff 11(2)(a) sydd i fod yn ddirprwy gadeirydd y Comisiwn;
- (c) o leiaf 4 a dim mwy na 14 o bersonau eraill a benodir gan Weinidogion Cymru o dan y paragraff hwn ("aelodau arferol");
- 15 (d) y person a benodir o dan baragraff 10 yn brif weithredwr y Comisiwn ("y prif weithredwr").
- (2) Wrth benodi'r cadeirydd a'r aelodau arferol rhaid i Weinidogion Cymru roi sylw i ddymunoldeb sicrhau bod gan aelodau'r Comisiwn (rhyngddynt) brofiad o'r canlynol, a'u bod wedi dangos gallu o ran y canlynol –
- 20 (a) darparu addysg neu hyfforddiant;
- (b) gwneud neu weinyddu ymchwil;
- (c) materion diwydiannol, masnachol neu ariannol neu arfer unrhyw broffesiwn;
- (d) hybu anghenion dysgwyr mewn addysg drydyddol.

*Y cadeirydd a'r aelodau arferol*

- 25 3 (1) Mae'r cadeirydd a'r aelodau arferol yn dal swydd ac yn ymadael â swydd yn unol â thelerau ac amodau eu penodiad.
- (2) Mae'r telerau a'r amodau hynny i'w penderfynu gan Weinidogion Cymru, yn ddarostyngedig i ddarpariaethau'r Atodlen hon.
- 30 (3) Mae person wedi ei anghymhwysu rhag bod yn gadeirydd neu'n aelod arferol os yw'r person –
- (a) yn Aelod o'r Senedd;
- (b) yn aelod o Dŷ'r Cyffredin neu Dŷ'r Arglwyddi;
- (c) yn aelod o gorff llywodraethu sefydliad yng Nghymru o fewn y sector addysg bellach;
- 35 (d) yn aelod o gorff llywodraethu sefydliad yng Nghymru o fewn y sector addysg uwch.

- (4) Mae person sy'n dod yn anghymwys yn peidio â dal swydd cadeirydd neu aelod arferol.
- (5) Mae'r cadeirydd ac aelodau arferol i'w penodi am gyfnod o hyd at 5 mlynedd.
- (6) Caniateir i berson sydd wedi dal swydd cadeirydd neu aelod arferol gael ei ailbenodi.
- 5 (7) Caiff y cadeirydd neu aelod arferol ymddiswyddo o'i swydd drwy roi hysbysiad i Weinidogion Cymru ac i'r Comisiwn.
- (8) Caiff y Comisiwn, gyda chymeradwyaeth Gweinidogion Cymru, dalu neu wneud darpariaeth ar gyfer talu tâl, lwfansau a phensiwn i berson sy'n gadeirydd neu'n aelod arferol neu sydd wedi bod yn gadeirydd neu'n aelod arferol, neu mewn cysylltiad â'r person hwnnw.
- 10 (9) Caiff Gweinidogion Cymru drwy hysbysiad i'r cadeirydd, i'r dirprwy gadeirydd neu i aelod arferol ddiswyddo'r person hwnnw os ydynt wedi eu bodloni nad yw'r person yn gallu cyflawni swyddogaethau'r swydd, neu ei fod yn anaddas i'w cyflawni, neu ei fod fel arall yn methu â'u cyflawni.
- 15 (10) Caiff Gweinidogion Cymru drwy hysbysiad i'r cadeirydd, i'r dirprwy gadeirydd neu i aelod arferol atal y person hwnnw dros dro o'i swydd, os yw'n ymddangos iddynt y gall fod sail dros arfer y pŵer yn is-baragraff (9).
- (11) Mae ataliad dros dro drwy hysbysiad o dan is-baragraff (10) yn cael effaith –
- (a) am gyfnod a bennir yn yr hysbysiad, neu
- 20 (b) os na phennir cyfnod yn yr hysbysiad, hyd nes y rhoddir hysbysiad pellach gan Weinidogion Cymru i'r person sydd wedi ei atal dros dro.
- (12) Mae person a ddiswyddwyd yn ddirprwy gadeirydd hefyd yn peidio â dal swydd cadeirydd YAC.
- (13) Mae person sydd wedi ei atal dros dro o'i swydd fel dirprwy gadeirydd hefyd wedi ei atal dros dro o'i swydd fel cadeirydd YAC.

25 *Aelodaeth gyswllt*

4 (1) Aelodau cyswllt y Comisiwn yw –

- (a) o leiaf ddau berson a benodir gan Weinidogion Cymru yn unol â pharagraff 5 i gynrychioli'r gweithlu addysg drydyddol ehangach ("aelodau cyswllt y gweithlu"), pan fo o leiaf un wedi ei benodi i gynrychioli'r gweithlu addysg drydyddol academiaidd ac o leiaf un wedi ei benodi i gynrychioli'r gweithlu addysg drydyddol anacademaidd;
- 30 (b) pan fo un neu ragor o undebau llafur wedi eu cydnabod gan y Comisiwn, berson a benodir yn unol â pharagraff 6 i gynrychioli staff y Comisiwn ("aelod cyswllt staff y Comisiwn");
- 35 (c) o leiaf un person a benodir gan Weinidogion Cymru yn unol â pharagraff 7 i gynrychioli dysgwyr mewn addysg drydyddol ("aelod cyswllt y dysgwyr").
- (2) Yn y paragraff hwn, paragraff 5 a pharagraff 6, mae i "undeb llafur" yr ystyr a roddir i "trade union" gan Ddeddf yr Undebau Llafur a Chysylltiadau Llafur (Cydgrynhoi) 1992 (p. 52).

*Penodi aelodau cyswllt y gweithlu*

5 (1) Rhaid i Weinidogion Cymru gyhoeddi—

(a) rhestr o un neu ragor o undebau llafur at ddiben penodi aelodau cyswllt y gweithlu i gynrychioli'r gweithlu addysg drydyddol academaidd, a

5 (b) rhestr o un neu ragor o undebau llafur at ddiben penodi aelodau cyswllt y gweithlu i gynrychioli'r gweithlu addysg drydyddol anacademaidd.

(2) Cyn cyhoeddi rhestr (gan gynnwys rhestr sy'n disodli rhestr arall) o dan is-baragraff (1), rhaid i Weinidogion Cymru ymgynghori ag—

(a) y Comisiwn, a

10 (b) unrhyw bersonau eraill y maent yn ystyried eu bod yn briodol.

(3) Mae is-baragraff (4) yn gymwys os nad oes neb yn dal swydd aelod cyswllt y gweithlu i gynrychioli'r gweithlu addysg drydyddol academaidd.

15 (4) Rhaid i Weinidogion Cymru wahodd pob un o'r undebau llafur ar y rhestr a gyhoeddwyd yn fwyaf diweddar o dan is-baragraff (1)(a) i enwebu ymgeisydd cymwys i'w benodi'n aelod cyswllt y gweithlu i gynrychioli'r gweithlu addysg drydyddol academaidd.

(5) Mae is-baragraff (6) yn gymwys os nad oes neb yn dal swydd aelod cyswllt y gweithlu i gynrychioli'r gweithlu addysg drydyddol anacademaidd.

20 (6) Rhaid i Weinidogion Cymru wahodd pob un o'r undebau llafur ar y rhestr a gyhoeddwyd yn fwyaf diweddar o dan is-baragraff (1)(b) i enwebu ymgeisydd cymwys i'w benodi'n aelod cyswllt y gweithlu i gynrychioli'r gweithlu addysg drydyddol anacademaidd.

(7) Rhaid i Weinidogion Cymru bennu'r cyfnod y mae enwebiad o dan is-baragraff (4) neu (6) i'w wneud ynddo.

25 (8) Rhaid i Weinidogion Cymru benodi o leiaf un person, o blith yr ymgeiswyr cymwys a enwebir yn ystod y cyfnod a bennir o dan is-baragraff (7), yn aelod cyswllt y gweithlu i gynrychioli'r gweithlu addysg drydyddol academaidd.

30 (9) Rhaid i Weinidogion Cymru benodi o leiaf un person, o blith yr ymgeiswyr cymwys a enwebir yn ystod y cyfnod a bennir o dan is-baragraff (7), yn aelod cyswllt y gweithlu i gynrychioli'r gweithlu addysg drydyddol anacademaidd.

(10) Nid yw person yn ymgeisydd cymwys i'w benodi'n aelod cyswllt y gweithlu i gynrychioli'r gweithlu addysg drydyddol academaidd ond os yw'r person—

(a) wedi ei gyflogi gan berson sy'n darparu addysg drydyddol yng Nghymru, a

35 (b) yn aelod o undeb llafur ar y rhestr a gyhoeddwyd yn fwyaf diweddar o dan is-baragraff (1)(a).

(11) Nid yw person yn ymgeisydd cymwys i'w benodi'n aelod cyswllt y gweithlu i gynrychioli'r gweithlu addysg drydyddol anacademaidd ond os yw'r person—

(a) wedi ei gyflogi gan berson sy'n darparu addysg drydyddol yng Nghymru, a

40 (b) yn aelod o undeb llafur ar y rhestr a gyhoeddwyd yn fwyaf diweddar o dan is-baragraff (1)(b).

*Penodi aelod cyswllt staff y Comisiwn*

- 6 (1) Mae is-baragraff (2) yn gymwys pan—
- (a) bo un neu ragor o undebau llafur wedi eu cydnabod gan y Comisiwn, a
  - (b) bo swydd aelod cyswllt staff y Comisiwn yn wag.
- 5 (2) Rhaid i bwyllgor penodi aelod y staff (gweler paragraff 12(3)) wahodd pob un o'r undebau llafur a gydnabyddir gan y Comisiwn i enwebu ymgeisydd cymwys i'w benodi'n aelod cyswllt staff y Comisiwn.
- (3) Rhaid i bwyllgor penodi aelod y staff bennu'r cyfnod y mae enwebiad i'w wneud ynddo.
- (4) Rhaid i bwyllgor penodi aelod y staff benodi person, o blith yr ymgeiswyr cymwys a
- 10 enwebir yn ystod y cyfnod a bennir o dan is-baragraff (3), yn aelod cyswllt staff y Comisiwn.
- (5) Nid yw person yn ymgeisydd cymwys i'w benodi'n aelod cyswllt staff y Comisiwn ond os yw'r person—
- (a) wedi ei gyflogi gan y Comisiwn, a
  - (b) yn aelod o undeb llafur a gydnabyddir gan y Comisiwn.
- 15 (6) Yn y paragraff hwn mae i "cydnabod", mewn perthynas ag undeb llafur, yr ystyr a roddir i "recognised" gan Ddeddf yr Undebau Llafur a Chysylltiadau Llafur (Cydgrynhoi) 1992 (p. 52).

*Penodi aelod cyswllt y dysgwyr*

- 20 7 (1) Rhaid i Weinidogion Cymru gyhoeddi rhestr o un neu ragor o gyrff (pa un a ydynt yn gorfforedig neu'n anghorfforedig) y mae'n ymddangos iddynt eu bod yn cynrychioli buddiannau dysgwyr sy'n ymgymryd ag addysg drydyddol yng Nghymru at ddiben penodi aelod cyswllt y dysgwyr.
- (2) Cyn cyhoeddi rhestr (gan gynnwys rhestr sy'n disodli rhestr arall) o dan is-baragraff (1),
- 25 rhaid i Weinidogion Cymru ymgynghori ag—
- (a) y Comisiwn, a
  - (b) unrhyw bersonau eraill y maent yn ystyried eu bod yn briodol.
- (3) Mae is-baragraff (4) yn gymwys os nad oes neb yn dal swydd aelod cyswllt y dysgwyr.
- (4) Rhaid i Weinidogion Cymru wahodd pob un o'r gyrff ar y rhestr a gyhoeddwyd yn fwyaf
- 30 diweddar o dan is-baragraff (1) i enwebu ymgeisydd cymwys i'w benodi'n aelod cyswllt y dysgwyr.
- (5) Rhaid i Weinidogion Cymru bennu'r cyfnod y mae enwebiad o dan is-baragraff (4) i'w wneud ynddo.
- (6) Rhaid i Weinidogion Cymru benodi person, o blith yr ymgeiswyr cymwys a enwebir yn
- 35 ystod y cyfnod a bennir o dan is-baragraff (5), yn aelod cyswllt y dysgwyr.



- (7) Nid yw person yn ymgeisydd cymwys i'w benodi'n aelod cyswllt y dysgwyr ond os yw'r person –
- (a) wedi bod yn ddysgwr a oedd yn ymgymryd ag addysg drydyddol ar unrhyw adeg yn ystod y cyfnod o 3 blynedd sy'n dod i ben ar ddiwrnod y penodiad, a
- (b) yn dal swydd neu unrhyw fath o aelodaeth o gorff ar y rhestr a gyhoeddwyd yn fwyaf diweddar o dan is-baragraff (1).

*Telerau aelodaeth gyswllt etc.*

- 8 (1) Nid yw aelod cyswllt yn gymwys i bleidleisio yn unrhyw drafodion gan y Comisiwn.
- 10 (2) Mae aelod cyswllt y gweithlu ac aelod cyswllt y dysgwyr yn dal swydd ac yn ymadael â swydd yn unol â thelerau ac amodau ei benodiad.
- (3) Mae'r telerau a'r amodau hynny i'w penderfynu gan Weinidogion Cymru, yn ddarostyngedig i ddarpariaethau'r Atodlen hon.
- (4) Mae aelod cyswllt staff y Comisiwn yn dal swydd ac yn ymadael â swydd yn unol â thelerau ac amodau ei benodiad.
- 15 (5) Mae'r telerau a'r amodau hynny i'w penderfynu gan bwyllgor penodi aelod y staff, yn ddarostyngedig i ddarpariaethau'r Atodlen hon.
- (6) Ni chaiff cyfnod y swydd a bennir yn nhelerau penodiad aelod cyswllt fod yn hwy na 4 blynedd.
- 20 (7) Caniateir i berson sydd wedi dal swydd fel aelod cyswllt gael ei ailbenodi'n aelod cyswllt (ac mae is-baragraff (6) yn gymwys mewn perthynas â'r penodiad).
- (8) Caiff aelod cyswllt y gweithlu ac aelod cyswllt y dysgwyr ymddiswyddo drwy roi hysbysiad i Weinidogion Cymru ac i'r cadeirydd.
- (9) Caiff aelod cyswllt staff y Comisiwn ymddiswyddo drwy roi hysbysiad i bwyllgor penodi aelod y staff.
- 25 (10) Caiff y Comisiwn, gyda chymeradwyaeth Gweinidogion Cymru, dalu treuliau a lwfansau i aelod cyswllt.

*Diswyddo aelod cyswllt*

- 9 (1) Caiff y penderfynwr perthnasol drwy hysbysiad i aelod cyswllt ddiswyddo'r person hwnnw, os yw wedi ei fodloni nad yw'r person yn gallu cyflawni swyddogaethau'r swydd, neu ei fod yn anaddas i'w cyflawni, neu ei fod fel arall yn methu â'u cyflawni.
- 30 (2) Caiff y penderfynwr perthnasol drwy hysbysiad i aelod cyswllt atal y person hwnnw dros dro o'i swydd, os yw'n ymddangos i'r penderfynwr perthnasol y gall fod sail dros arfer y pŵer yn is-baragraff (1).
- (3) Mae ataliad dros dro drwy hysbysiad o dan is-baragraff (2) yn cael effaith –
- 35 (a) am gyfnod a bennir yn yr hysbysiad, neu
- (b) os na phennir cyfnod yn yr hysbysiad, hyd nes y rhoddir hysbysiad pellach gan y penderfynwr perthnasol i'r person sydd wedi ei atal dros dro.

- (4) Yn y paragraff hwn, “y penderfynwr perthnasol” yw –
- (a) Gweinidogion Cymru, pan fo’r aelod cyswllt yn aelod cyswllt y gweithlu neu’n aelod cyswllt y dysgwyr;
  - (b) pwyllgor penodi aelod y staff, pan fo’r aelod cyswllt yn aelod cyswllt staff y Comisiwn.
- (5) Mae aelod cyswllt yn peidio â dal swydd os yw’r aelod yn peidio â bod yn ymgeisydd cymwys i’w benodi i’r math o aelodaeth gyswllt y’i penodwyd iddo (gweler paragraff 5(10) ac (11), paragraff 6(5) a pharagraff 7(7)).

*Y prif weithredwr a staff eraill*

- 10 (1) Mae’r person cyntaf a benodir yn brif weithredwr y Comisiwn i’w benodi gan Weinidogion Cymru –
- (a) ar unrhyw delerau ac amodau (gan gynnwys amodau o ran tâl, lwfansau a phensiwn) a benderfynir gan Weinidogion Cymru, a
  - (b) am gyfnod o hyd at 4 blynedd.
- 15 (2) Y Comisiwn sydd i benodi (neu ailbenodi) person yn brif weithredwr wedi hynny, gyda chymeradwyaeth Gweinidogion Cymru.
- (3) Ni chaniateir i berson gael ei benodi yn brif weithredwr os yw’r person –
- (a) yn Aelod o’r Senedd;
  - (b) yn aelod o Dŷ’r Cyffredin neu Dŷ’r Arglwyddi;
  - 20 (c) yn aelod o gorff llywodraethu sefydliad yng Nghymru o fewn y sector addysg bellach;
  - (d) yn aelod o gorff llywodraethu sefydliad yng Nghymru o fewn y sector addysg uwch.
- (4) Mae’r prif weithredwr yn aelod o staff y Comisiwn.
- 25 (5) Caiff y Comisiwn benodi aelodau eraill o staff.
- (6) Ac eithrio mewn perthynas â’r person cyntaf a benodir yn brif weithredwr o dan is-paragraff (1), mae’r canlynol i’w benderfynu gan y Comisiwn, gyda chymeradwyaeth Gweinidogion Cymru –
- (a) telerau ac amodau ei staff (gan gynnwys tâl a lwfansau);
  - 30 (b) talu neu wneud darpariaeth ar gyfer talu pensiwn i aelod o’i staff neu gyn-aelod o’i staff, neu mewn cysylltiad ag ef.
- (7) Nid yw gwasanaeth fel aelod o staff y Comisiwn yn wasanaeth yng ngwasanaeth sifil y Wladwriaeth.

*Pwyllgor Ymchwil ac Arloesi Cymru*

- 35 11 (1) Bydd gan y Comisiwn bwyllgor o’r enw Pwyllgor Ymchwil ac Arloesi Cymru (“YAC”) at ddiben cynghori’r Comisiwn o ran arfer ei swyddogaethau o dan adrannau 94, 95 ac 96 (swyddogaethau ymchwil ac arloesi).

- (2) Aelodau YAC yw –
- (a) person a benodir gan Weinidogion Cymru i gadeirio'r YAC ("cadeirydd YAC");
  - (b) o leiaf 8 a dim mwy na 12 o bersonau eraill a benodir gan Weinidogion Cymru o dan y paragraff hwn ("aelodau arferol YAC").
- 5 (3) Mae cadeirydd YAC ac aelodau arferol YAC yn dal swydd ac yn ymadael â swydd yn unol â thelerau ac amodau eu penodiad.
- (4) Mae'r telerau a'r amodau hynny i'w penderfynu gan Weinidogion Cymru, yn ddarostyngedig i ddarpariaethau'r Atodlen hon.
- (5) Mae person wedi ei anghymhwysu rhag bod yn gadeirydd YAC os yw'r person –
- 10 (a) yn Aelod o'r Senedd;
  - (b) yn aelod o Dŷ'r Cyffredin neu Dŷ'r Arglwyddi;
  - (c) yn aelod o gorff llywodraethu sefydliad yng Nghymru o fewn y sector addysg bellach;
  - 15 (d) yn aelod o gorff llywodraethu sefydliad yng Nghymru o fewn y sector addysg uwch.
- (6) Mae person sy'n dod yn anghymwys yn peidio â dal swydd cadeirydd YAC.
- (7) Mae cadeirydd YAC ac aelodau arferol YAC i'w penodi am gyfnod o hyd at 5 mlynedd.
- (8) Caniateir i berson sydd wedi dal swydd cadeirydd YAC neu aelod arferol o YAC gael ei ailbenodi.
- 20 (9) Caiff cadeirydd YAC neu aelod arferol o YAC ymddiswyddo o'i swydd ar unrhyw adeg drwy roi hysbysiad i Weinidogion Cymru ac i'r Comisiwn.
- (10) Caiff y Comisiwn, gyda chymeradwyaeth Gweinidogion Cymru, dalu neu wneud darpariaeth ar gyfer talu tâl, lwfansau a phensiwn i berson sy'n gadeirydd YAC neu'n aelod arferol o YAC neu sydd wedi bod yn gadeirydd YAC neu'n aelod arferol o YAC, neu mewn cysylltiad â'r person hwnnw.
- 25 (11) Caiff Gweinidogion Cymru ddiswyddo cadeirydd YAC neu aelod arferol o YAC os ydynt wedi eu bodloni nad yw'r person yn gallu cyflawni swyddogaethau'r swydd, neu ei fod yn anaddas i'w cyflawni, neu ei fod fel arall yn methu â'u cyflawni.
- (12) Caiff Gweinidogion Cymru drwy hysbysiad i gadeirydd YAC neu i aelod arferol o YAC atal y person hwnnw dros dro o'i swydd, os yw'n ymddangos iddynt y gall fod sail dros arfer y pŵer yn is-baragraff (11).
- 30 (13) Mae ataliad dros dro drwy hysbysiad o dan is-baragraff (12) yn cael effaith –
- (a) am gyfnod a bennir yn yr hysbysiad, neu
  - (b) os na phennir cyfnod yn yr hysbysiad, hyd nes y rhoddir hysbysiad pellach gan Weinidogion Cymru i'r person sydd wedi ei atal dros dro.
- 35 (14) Mae person sy'n peidio â dal swydd cadeirydd YAC hefyd yn peidio â dal swydd dirprwy gadeirydd y Comisiwn.
- (15) Mae person sydd wedi ei atal dros dro o'i swydd fel cadeirydd YAC hefyd wedi ei atal dros dro o'i swydd fel dirprwy gadeirydd y Comisiwn.

(16) Caiff YAC—

- (a) sefydlu is-bwyllgorau;
- (b) diddymu is-bwyllgorau a sefydlir ganddo.

(17) Caiff y Comisiwn hefyd ddiddymu is-bwyllgorau a sefydlir o dan is-baragraff (16).

5 *Y Pwyllgor Ansawdd a phwyllgorau eraill*

12 (1) Rhaid i'r Comisiwn sefydlu pwyllgor ("y Pwyllgor Ansawdd") at ddiben cyngori'r Comisiwn ar ansawdd yr holl addysg drydyddol a gyllidir gan y Comisiwn neu a sicrheir fel arall ganddo.

10 (2) Rhaid i'r Comisiwn benodi un o'i aelodau arferol i gadeirio cyfarfodydd y Pwyllgor Ansawdd.

(3) Rhaid i'r Comisiwn sefydlu pwyllgor sydd wedi ei gyfansoddi o'r cadeirydd a'r aelodau arferol i fod yn bwyllgor penodi aelod y staff.

(4) Caiff y Comisiwn sefydlu pwyllgorau eraill.

(5) Caiff y Pwyllgor Ansawdd neu bwyllgor arall a sefydlir o dan is-baragraff (4)—

- 15
- (a) sefydlu is-bwyllgorau;
  - (b) diddymu is-bwyllgorau a sefydlir ganddo.

(6) Caiff y Comisiwn hefyd ddiddymu is-bwyllgorau a sefydlir o dan is-baragraff (5).

20 (7) Caiff aelodau'r Pwyllgor Ansawdd neu bwyllgor arall a sefydlir o dan is-baragraff (4) neu is-bwyllgor a sefydlir o dan is-baragraff (5) gynnwys personau nad ydynt yn aelodau o'r Comisiwn.

(8) Caiff y Comisiwn dalu tâl a lwfansau i unrhyw berson—

- (a) sy'n aelod o'r Pwyllgor Ansawdd neu bwyllgor arall a sefydlir o dan is-baragraff (4) neu is-bwyllgor a sefydlir o dan is-baragraff (5), ond
- (b) nad yw'n aelod o'r Comisiwn nac yn aelod o'i staff.

25 *Cyd-bwyllgorau*

13 (1) Caiff y Comisiwn, mewn cysylltiad ag arfer ei swyddogaethau, sefydlu pwyllgor ar y cyd ag unrhyw berson.

(2) Yn yr Atodlen hon, cyfeirir at bwyllgor sydd wedi ei sefydlu o dan o baragraff hwn fel "cyd-bwyllgor".

30 (3) Caiff y Comisiwn dalu tâl a lwfansau i unrhyw berson—

- (a) sy'n aelod o gyd-bwyllgor, ond
- (b) nad yw'n aelod o'r Comisiwn nac yn aelod o'i staff.

*Swyddog cyfrifyddu*

14 (1) Y prif weithredwr sydd i fod yn swyddog cyfrifyddu'r Comisiwn.

- (2) Mae gan y swyddog cyfrifyddu, mewn perthynas â chyfrifon a chyllid y Comisiwn, y cyfrifoldebau a bennir mewn cyfarwyddyd gan Weinidogion Cymru.
- (3) Ymhlith y cyfrifoldebau y caniateir eu pennu mae –
- (a) cyfrifoldebau mewn perthynas â llofnodi cyfrifon;
  - (b) cyfrifoldebau am briodoldeb a rheoleidd-dra cyllid y Comisiwn;
  - (c) cyfrifoldebau am ddarbodaeth, effeithlonrwydd ac effeithiolrwydd o ran defnydd y Comisiwn o'i adnoddau;
  - (d) cyfrifoldebau sy'n ddyledus i Weinidogion Cymru, Senedd Cymru neu Bwyllgor Cyfrifon Cyhoeddus y Senedd;
  - (e) cyfrifoldebau sy'n ddyledus i Dŷ'r Cyffredin neu Bwyllgor Cyfrifon Cyhoeddus y Tŷ hwnnw.
- (4) Yn is-baragraff (3)(d), ystyr "Pwyllgor Cyfrifon Cyhoeddus y Senedd" yw'r pwyllgor y cyfeirir ato fel yr "Pwyllgor Archwilio" yn adran 30 o Ddeddf Llywodraeth Cymru 2006 (p. 32).

#### 15 Cyfrifon ac archwilio

##### 15 (1) Rhaid i'r Comisiwn –

- (a) cadw cyfrifon priodol a chofnodion priodol mewn perthynas â hwy, a
- (b) llunio datganiad o gyfrifon mewn cysylltiad â phob blwyddyn ariannol yn unol â chyfarwyddydau a roddir gan Weinidogion Cymru.

##### 20 (2) Caiff y cyfarwyddydau wneud darpariaeth o ran –

- (a) yr wybodaeth sydd i'w chynnwys yn y datganiad;
- (b) y modd y mae'r wybodaeth i'w chyflwyno;
- (c) y dulliau a'r egwyddorion y mae'r datganiad i'w lunio yn unol â hwy;
- (d) gwybodaeth ychwanegol sydd i fynd gyda'r datganiad.

##### 25 (3) Heb fod yn hwyrach na 31 Awst ar ôl diwedd pob blwyddyn ariannol, rhaid i'r Comisiwn gyflwyno ei ddatganiad o gyfrifon i –

- (a) Archwilydd Cyffredinol Cymru, a
- (b) Gweinidogion Cymru.

##### (4) Rhaid i'r Archwilydd Cyffredinol –

- (a) archwilio'r datganiad o gyfrifon, ei ardystio ac adrodd arno, a
- (b) heb fod yn hwyrach na 4 mis ar ôl i'r datganiad gael ei gyflwyno, gosod gerbron Senedd Cymru gopi o'r datganiad ardystiedig a'r adroddiad.

#### Adroddiadau blynyddol

##### 16 (1) Cyn gynted ag y bo'n rhesymol ymarferol ar ôl diwedd pob blwyddyn ariannol, rhaid i'r Comisiwn lunio adroddiad ("yr adroddiad blynyddol") sy'n –

- (a) rhoi manylion am sut y mae'r Comisiwn wedi arfer ei swyddogaethau yn ystod y flwyddyn;

- 5 (b) esbonio'r cynnydd y mae'r Comisiwn wedi ei wneud yn ystod y flwyddyn tuag at gyflawni'r amcanion a nodir yn ei gynllun strategol sydd wedi ei gymeradwyo o dan adran 5 a'r graddau y mae'r hyn y mae wedi ei wneud yn ystod y flwyddyn wedi ymdrin â blaenoriaethau strategol Gweinidogion Cymru a nodir yn y datganiad a gyhoeddir o dan adran 3;
- 10 (c) rhoi manylion am y materion a ganlyn ar gyfer y cyfnod adrodd am addysg Gymraeg, ac sy'n esbonio sut y maent yn cymharu â'r manylion am y materion hynny ar gyfer y 12 mis cyn y cyfnod hwnnw –
- (i) y graddau y darparwyd addysg drydyddol yng Nghymru drwy gyfrwng y Gymraeg, a
- (ii) y graddau yr addysgwyd y Gymraeg i bersonau a oedd yn hŷn na'r oedran ysgol gorfodol yng Nghymru;
- 15 (d) rhoi asesiad o ansawdd addysg drydyddol y mae'n ofynnol i'r Comisiwn ei fonitro gan adran 43;
- (e) cynnwys yr wybodaeth sy'n ofynnol gan adran 72(3) (gwybodaeth am sefyllfa ariannol sefydliadau);
- (f) cynnwys yr wybodaeth sy'n ofynnol gan adran 97(3) (monitro cyllid ar gyfer ymchwil ac arloesi);
- 20 (g) cynnwys yr wybodaeth sy'n ofynnol gan adran 114(9) (effeithiolrwydd cynlluniau diogelu dysgwyr);
- (h) cynnwys yr wybodaeth sy'n ofynnol gan adran 117(8) (effeithiolrwydd y Cod Ymgysylltu â Dysgwyr);
- (i) rhoi manylion am sut y mae corff a ddynodir o dan Atodlen 3 wedi arfer ei swyddogaethau yn ystod y flwyddyn academiaidd.
- 25 (2) Yn is-baragraff (1)(c), ystyr "cyfnod adrodd am addysg Gymraeg" yw'r cyfnod diweddaraf o 12 mis sy'n gorffen ar 31 Awst y mae gwybodaeth am y materion a nodir yn is-baragraff (1)(c)(i) a (ii) ar gael i'r Comisiwn mewn cysylltiad ag ef.
- (3) Caiff yr adroddiad blynyddol gynnwys unrhyw wybodaeth arall y mae'r Comisiwn yn ystyried ei bod yn briodol.
- 30 (4) Cyn gynted â phosibl ar ôl llunio'r adroddiad, rhaid i'r Comisiwn anfon copi at Weinidogion Cymru.
- (5) Cyn gynted â phosibl ar ôl cael yr adroddiad blynyddol, rhaid i Weinidogion Cymru osod copi ohono gerbron Senedd Cymru.

*Ystyr "blwyddyn ariannol" a "blwyddyn academiaidd"*

- 35 17 (1) Ym mharagraffau 15 a 16, ystyr "blwyddyn ariannol" yw –
- (a) y cyfnod sy'n dechrau ar y diwrnod y daw adran 1 i rym ac sy'n gorffen ar y 31 Mawrth dilynol;
- (b) wedi hynny, pob cyfnod dilynol o 12 mis.
- 40 (2) Ym mharagraff 16, ystyr "blwyddyn academiaidd" yw'r cyfnod o 12 mis sy'n gorffen ar 31 Awst yn y flwyddyn ariannol.

*Dirprwyo gan y Comisiwn*

- 18 (1) Caiff y Comisiwn ddirprwyo unrhyw un neu ragor o'i swyddogaethau i—
- (a) aelod o'r Comisiwn neu aelod o'i staff;
  - (b) YAC neu is-bwyllgor YAC a sefydlir o dan baragraff 11(16);
  - 5 (c) y Pwyllgor Ansawdd neu bwyllgor arall a sefydlir gan y Comisiwn o dan baragraff 12(4), neu is-bwyllgor a sefydlir o dan baragraff 12(5);
  - (d) cyd-bwyllgor.
- (2) Mae swyddogaeth wedi ei dirprwyo o dan y paragraff hwn i'r graddau ac ar y telerau a benderfynir gan y Comisiwn.
- 10 (3) Nid yw dirprwyo swyddogaeth yn effeithio ar—
- (a) gallu'r Comisiwn i arfer y swyddogaeth;
  - (b) cyfrifoldeb y Comisiwn am arfer y swyddogaeth.

*Dirprwyo gan bwyllgorau*

- 15 19 (1) Caiff YAC, y Pwyllgor Ansawdd neu bwyllgor arall a sefydlir o dan baragraff 12(4) ddirprwyo unrhyw un neu ragor o'i swyddogaethau i is-bwyllgor a sefydlir ganddo.
- (2) Mae swyddogaeth wedi ei dirprwyo o dan y paragraff hwn i'r graddau ac ar y telerau a benderfynir gan y pwyllgor sy'n dirprwyo'r swyddogaeth.

*Trafodion*

- 20 20 (1) Caiff y Comisiwn benderfynu ei weithdrefn ei hunan (gan gynnwys cworwm) a gweithdrefn ei bwyllgorau a'i is-bwyllgorau.
- (2) Nid yw'r materion a ganlyn yn effeithio ar ddilysrwydd trafodion y Comisiwn, na thrafodion ei bwyllgorau neu ei is-bwyllgorau, na thrafodion cyd-bwyllgor—
- (a) swydd wag nac ataliad dros dro;
  - (b) penodiad diffygiol.
- 25 (3) Ni chaiff person sydd wedi ei atal dros dro o'i swydd o dan yr Atodlen hon gymryd rhan yn nhrafodion y Comisiwn, na thrafodion ei bwyllgorau neu ei is-bwyllgorau, na thrafodion cyd-bwyllgor yn ystod y cyfnod y mae'r ataliad dros dro yn cael effaith.

*Cofrestr buddiannau*

- 30 21 (1) Rhaid i'r Comisiwn sefydlu a chynnal cofrestr o fuddiannau ei aelodau.
- (2) Rhaid i'r Comisiwn gyhoeddi cofnodion a gofnodir yng nghofrestr buddiannau'r aelodau.

*Pwerau atodol*

- 35 22 (1) Caiff y Comisiwn wneud unrhyw beth y mae'n ystyried ei fod—
- (a) yn briodol at ddibenion ei swyddogaethau neu mewn cysylltiad â hwy, neu
  - (b) yn gysylltiedig ag arfer y swyddogaethau hynny neu'n ffafriol i'w harfer.

(2) Caiff yr Comisiwn (ymhlith pethau eraill) –

(a) caffael neu waredu tir neu eiddo arall;

(b) ymrwymo i gontractau;

(c) buddsoddi symiau;

5 (d) derbyn rhoddion o arian, tir neu eiddo arall.

(3) Ond ni chaiff y Comisiwn gael benthyg arian heb gymeradwyaeth Gweinidogion Cymru.



ATODLEN 2  
(a gyflwynir gan adran 10)

TROSLWYDDO EIDDO A STAFF I'R COMISIWN

*Pŵer i wneud cynlluniau trosglwyddo*

- 5 1 (1) Caiff Gweinidogion Cymru wneud un neu ragor o gynlluniau sy'n darparu –
- (a) i staff Cyngor Cyllido Addysg Uwch Cymru neu staff Llywodraeth Cymru ddod yn aelodau o staff y Comisiwn;
  - (b) ar gyfer trosglwyddo eiddo, hawliau ac atebolrwyddau Cyngor Cyllido Addysg Uwch Cymru neu Weinidogion Cymru i'r Comisiwn.
- 10 (2) Mae'r pethau y caniateir eu trosglwyddo o dan gynllun o dan yr Atodlen hon ("cynllun trosglwyddo") yn cynnwys –
- (a) eiddo, hawliau ac atebolrwyddau na ellid eu trosglwyddo fel arall;
  - (b) eiddo a gaffaelir, a hawliau ac atebolrwyddau sy'n codi, ar ôl i'r cynllun gael ei wneud;
  - 15 (c) atebolrwyddau troseddol.
- (3) Caiff cynllun trosglwyddo wneud darpariaeth ganlyniadol, darpariaeth atodol, darpariaeth gysylltiedig, darpariaeth drosiannol neu ddarpariaeth ddarfodol, er enghraifft er mwyn –
- 20 (a) creu hawliau, neu osod atebolrwyddau, mewn perthynas ag eiddo neu hawliau a drosglwyddir;
  - (b) gwneud darpariaeth ynghylch effaith barhaus pethau a wneir mewn cysylltiad ag unrhyw beth a drosglwyddir;
  - (c) gwneud darpariaeth ynghylch parhad pethau (gan gynnwys achosion cyfreithiol) sydd yn y broses o gael eu gwneud mewn cysylltiad ag unrhyw beth a drosglwyddir;
  - 25 (d) gwneud darpariaeth ar gyfer rhannu perchnogaeth eiddo neu ddefnydd ohono;
  - (e) gwneud darpariaeth i gyfeiriadau at Gyngor Cyllido Addysg Uwch Cymru, Llywodraeth Cymru neu Weinidogion Cymru mewn offeryn neu ddogfen arall mewn cysylltiad ag unrhyw beth a drosglwyddir gael eu trin fel pe baent yn
  - 30 (f) gwneud darpariaeth sydd yr un fath â darpariaeth a wneir gan y rheoliadau TUPE, neu sy'n debyg iddi, mewn achos pan na fo'r rheoliadau hynny yn gymwys mewn perthynas â'r trosglwyddiad.

*Addasu cynlluniau trosglwyddo*

- 35 2 (1) Caiff Gweinidogion Cymru addasu cynllun trosglwyddo.
- (2) Ond os yw trosglwyddiad o dan y cynllun wedi cymryd effaith, ni chaiff unrhyw addasiad sy'n ymwneud â'r trosglwyddiad gael ei wneud ond gyda chytundeb y person (neu'r personau) y mae'r addasiad yn effeithio arno (neu arnynt).

- (3) Mae addasiad yn cymryd effaith o'r dyddiad y daeth y cynllun gwreiddiol yn effeithiol neu unrhyw ddyddiad diweddarach a bennir gan Weinidogion Cymru.

*Dyletswydd i osod cynlluniau trosglwyddo gerbron Senedd Cymru*

- 3 Rhaid i Weinidogion Cymru osod copi o gynllun trosglwyddo a wneir o dan yr Atodlen  
5 hon gerbron Senedd Cymru.

*Dehongli*

- 4 (1) At ddibenion yr Atodlen hon—
- (a) mae unigolyn sydd â chyflogaeth yn y gwasanaeth sifil i'w drin fel pe bai wedi ei gyflogi yn rhinwedd contract cyflogaeth, a
- 10 (b) mae telerau cyflogaeth yr unigolyn yn y gwasanaeth sifil i'w hystyried fel pe baent yn ffurfio telerau'r contract cyflogaeth.

- (2) Yn yr Atodlen hon—

ystyr "gwasanaeth sifil" ("*civil service*") yw gwasanaeth sifil y Wladwriaeth;

15 ystyr "rheoliadau TUPE" ("*TUPE regulations*") yw Rheoliadau Trosglwyddo Ymgymeriadau (Diogelu Cyflogaeth) 2006 (O.S. 2006/246);

mae cyfeiriadau at hawliau ac atebolrwyddau yn cynnwys hawliau ac atebolrwyddau sy'n ymwneud â chontract cyflogaeth;

mae cyfeiriadau at drosglwyddo eiddo yn cynnwys rhoi les.

ATODLEN 3  
(a gyflwynir gan adran 48)

ASESU ADDYSG UWCH: CORFF DYNODEDIG

RHAN 1

DYNODIAD

5

*Argymhelliad*

- 1 (1) Caiff y Comisiwn argymhell i Weinidogion Cymru fod corff yn cael ei ddynodi i gyflawni ei swyddogaethau asesu.
- (2) Cyn rhoi argymhelliad o dan is-baragraff (1), rhaid i'r Comisiwn ymgynghori ag—
- 10 (a) pob sefydliad cofrestredig sy'n darparu addysg uwch, a
- (b) unrhyw bersonau eraill y mae'n ystyried eu bod yn briodol.

*Dynodiad*

- 2 (1) Mae'r paragraff hwn yn gymwys pan fo'r Comisiwn, yn unol â pharagraff 1, yn argymhell bod corff ("y corff a argymhellir") yn cael ei ddynodi i gyflawni'r swyddogaethau asesu.
- 15 (2) Ni chaiff Gweinidogion Cymru ddynodi'r corff a argymhellir ond os yw Gweinidogion Cymru yn ystyried—
- (a) bod y corff yn addas i gyflawni'r swyddogaethau asesu, a
- (b) y byddai dynodi'r corff yn briodol er mwyn sicrhau bod ansawdd addysg uwch a ddarperir gan sefydliadau yng Nghymru yn cael ei asesu'n effeithiol.
- 20 (3) Os yw Gweinidogion Cymru yn penderfynu dynodi'r corff a argymhellir, rhaid i Weinidogion Cymru—
- (a) hysbysu'r corff am y dynodiad cyn y dyddiad y mae'r dynodiad yn cymryd effaith ("y dyddiad effeithiol"), a
- (b) cyhoeddi hysbysiad o'r dynodiad cyn y dyddiad hwnnw.
- 25 (4) Rhaid i'r hysbysiad o'r dynodiad ddatgan—
- (a) enw'r corff, a
- (b) y dyddiad effeithiol.
- (5) Os yw Gweinidogion Cymru yn penderfynu peidio â dynodi'r corff a argymhellir, rhaid i Weinidogion Cymru gyhoeddi'r rhesymau dros beidio â gwneud hynny.

30 *Cyrff sy'n addas i gyflawni swyddogaethau asesu*

- 3 (1) Mae corff yn addas i gyflawni'r swyddogaethau asesu os yw'r corff yn bodloni amodau A i C.
- (2) Amod A yw bod y corff yn gallu cyflawni'r swyddogaethau asesu mewn modd effeithiol.

(3) Amod B yw –

- (a) bod y personau sy'n penderfynu blaenoriaethau strategol y corff yn cynrychioli ystod eang o sefydliadau cofrestredig sy'n darparu addysg uwch,
- (b) bod gan sefydliadau cofrestredig sy'n darparu addysg uwch ffydd yn y corff, ac
- (c) bod y corff yn arfer ei swyddogaethau yn annibynnol ar unrhyw ddarparwr addysg uwch penodol.

(4) Amod C yw bod y corff yn cydsynio i gael ei ddynodi o dan yr Atodlen hon.

*Dileu dynodiad*

(1) Caiff Gweinidogion Cymru drwy hysbysiad ddileu dynodiad o dan yr Atodlen hon.

(2) Rhaid i'r hysbysiad –

- (a) cynnwys y rhesymau dros benderfyniad Gweinidogion Cymru, a
- (b) pennu'r dyddiad y caiff y dynodiad ei ddileu.

(3) Ni chaiff Gweinidogion Cymru ddileu'r dynodiad ond –

- (a) os yw Gweinidogion Cymru wedi eu bodloni y byddai dileu'r dynodiad yn briodol er mwyn sicrhau bod ansawdd addysg uwch a ddarperir gan sefydliadau yng Nghymru yn cael ei asesu'n effeithiol, neu
- (b) os yw'r corff dynodedig yn cydsynio i'r dynodiad gael ei ddileu.

(4) Cyn dileu'r dynodiad, rhaid i Weinidogion Cymru ymgynghori ag –

- (a) y Comisiwn,
- (b) pob sefydliad cofrestredig sy'n darparu addysg uwch, ac
- (c) unrhyw bersonau eraill y mae Gweinidogion Cymru yn ystyried eu bod yn briodol.

(5) Wrth benderfynu a ddylai dynodiad o dan yr Atodlen hon gael ei ddileu, rhaid i Weinidogion Cymru roi sylw i unrhyw wybodaeth berthnasol y mae'r Comisiwn wedi ei darparu i Weinidogion Cymru.

(6) Rhaid i Weinidogion Cymru gyhoeddi hysbysiad o dan y paragraff hwn.

RHAN 2

GORUCHWYLLIAETH GAN Y COMISIWN

*Cymhwyso*

Mae'r Rhan hon yn gymwys os oes corff a ddynodir o dan yr Atodlen hon i gyflawni'r swyddogaethau asesu.

*Pŵer i ddarparu cyllid*

Caiff y Comisiwn ddarparu cyllid i'r corff dynodedig er mwyn cyflawni'r swyddogaethau asesu.

*Trefniadau goruchwyllo*

- 7 Rhaid i'r Comisiwn wneud trefniadau er mwyn dwyn y corff dynodedig i gyfrif am gyflawni'r swyddogaethau asesu.

*Adroddiad blynyddol gan y corff dynodedig*

- 5 8 (1) Cyn gynted ag y bo'n rhesymol ymarferol ar ôl diwedd pob cyfnod adrodd blynyddol, rhaid i'r corff dynodedig lunio adroddiad am gyflawni'r swyddogaethau asesu yn ystod y cyfnod a'i anfon i'r Comisiwn.
- (2) Ystyr "cyfnod adrodd blynyddol", mewn perthynas â chorff dynodedig, yw –
- 10 (a) y cyfnod o 12 mis sy'n dechrau â'r dyddiad effeithiol, a
- (b) pob cyfnod dilynol o 12 mis.

*Pŵer y Comisiwn i roi cyfarwyddydau*

- 9 (1) Caiff y Comisiwn roi cyfarwyddydau cyffredinol i'r corff dynodedig ynghylch cyflawni'r swyddogaethau asesu.
- (2) Wrth roi'r cyfarwyddydau hynny, rhaid i'r Comisiwn roi sylw i'r angen i ddiogelu –
- 15 (a) arbenigedd y corff dynodedig, a
- (b) gallu'r corff dynodedig i wneud, neu i wneud trefniadau ar gyfer gwneud, asesiad diduedd o ansawdd yr addysg uwch a ddarperir gan sefydliad.
- (3) Rhaid i'r cyfarwyddydau ymwneud ag –
- 20 (a) sefydliadau yng Nghymru sy'n darparu addysg uwch neu sefydliadau cofrestredig sy'n darparu addysg uwch yn gyffredinol, neu
- (b) disgrifiad o'r sefydliadau hynny.
- (4) Rhaid i'r corff dynodedig gydymffurfio ag unrhyw gyfarwyddydau a roddir o dan y paragraff hwn.

*Dyletswydd y Comisiwn i roi gwybod i Weinidogion Cymru am bryderon sylweddol*

- 25 10 Rhaid i'r Comisiwn roi gwybod i Weinidogion Cymru os oes ganddo bryderon sylweddol ynghylch –
- (a) sut y mae'r corff dynodedig yn cyflawni'r swyddogaethau asesu, neu
- (b) addasrwydd parhaus y corff dynodedig i gyflawni'r swyddogaethau hynny.

RHAN 3

PŴER I GODI FFI OEDD

- 30 11 (1) Caiff y corff dynodedig godi ffi, neu ffioedd, ar unrhyw sefydliad y mae'r corff yn cyflawni'r swyddogaethau asesu mewn perthynas ag ef.
- (2) Rhaid i unrhyw ffioedd a godir gan y corff dynodedig o dan is-baragraff (1) gael eu codi yn unol â chynllun a lunnir ac a gyhoeddir gan y corff dynodedig sy'n nodi –
- 35 (a) y ffioedd a godir gan y corff o dan is-baragraff (1), a
- (b) y sail y cyfrifir y ffioedd hynny arni.

- (3) Caniateir i swm y ffi sy'n daladwy gan unrhyw sefydliad o dan is-baragraff (1) gael ei gyfrifo drwy gyfeirio at gostau yr aed iddynt, neu yr eir iddynt, gan y corff wrth gyflawni unrhyw un neu ragor o'i swyddogaethau o dan y Ddeddf hon—
- (a) nad ydynt yn gysylltiedig â'r sefydliad;
- (b) sy'n cael eu cyflawni, neu sydd i'w cyflawni, dros gyfnod a bennir yn y cynllun.
- (4) Ond ni chaiff cyfanswm y ffioedd sy'n daladwy o dan y cynllun mewn unrhyw gyfnod fod yn fwy na'r gost i'r corff dynodedig o gyflawni ei swyddogaethau o dan y Ddeddf hon yn ystod yr un cyfnod.
- (5) At ddibenion is-baragraff (4), y gost i'r corff dynodedig o gyflawni ei swyddogaethau o dan y Ddeddf hon yw swm y costau yr aed iddo, neu yr eir iddo, gan y corff dynodedig wrth arfer unrhyw un neu ragor o'i swyddogaethau o dan y Ddeddf hon mewn unrhyw gyfnod penodol, llai unrhyw gyllid a geir gan y corff o dan baragraff 6 o'r Atodlen hon yn yr un cyfnod.
- (6) Caiff y corff dynodedig ddiwygio'r cynllun.
- (7) Mae'r cynllun (ac unrhyw gynllun diwygiedig) i'w drin fel pe na bai ond yn cael effaith os yw wedi ei gymeradwyo gan y Comisiwn.

## RHAN 4

## DEHONGLI

- 12 (1) Yn yr Atodlen hon—

20 ystyr "corff dynodedig" ("*designated body*") yw corff sydd am y tro wedi ei ddynodi o dan yr Atodlen hon;

mae i "y dyddiad effeithiol" ("*the effective date*"), mewn perthynas â chorff dynodedig, yr ystyr a roddir ym mharagraff 2;

25 mae i "y swyddogaethau asesu" ("*the assessment functions*") yr ystyr a roddir yn adran 48(2);

- (2) Mae cyfeiriadau yn yr Atodlen hon at gorff sy'n addas i gyflawni'r swyddogaethau asesu i'w darllen yn unol â pharagraff 3.

ATODLEN 4  
(a gyflwynir gan adran 133)

MÂN DDIWYGIADAU A DIWYGIADAU CANLYNIADOL

*Deddf Addysg Bellach ac Uwch 1992 (p. 13)*

- 5 1 (1) Mae Deddf Addysg Bellach ac Uwch 1992 wedi ei diwygio fel a ganlyn.
- (2) Yn adran 49B (gwybodaeth am gyrchfannau) –
- (a) yn is-adran (2) yn lle “The Welsh Ministers” rhodder “The Commission for Tertiary Education and Research”;
- 10 (b) yn is-adran (4) yn lle “the Welsh Ministers” yn y lle cyntaf y mae’n digwydd rhodder “the Commission for Tertiary Education and Research”.
- (3) Hepgorer –
- (a) adran 57 (ymyrryd: Cymru);
- (b) adran 62 (sefydlu Cyngor Cyllido Addysg Uwch Cymru);
- (c) adran 65 (gweinyddu cronfeydd gan CCAUC);
- 15 (d) adran 66 (gweinyddu cronfeydd: atodol);
- (e) adran 68 (grantiau i CCAUC);
- (f) adran 69 (swyddogaethau atodol);
- (g) adran 79 (dyletswydd i roi gwybodaeth i CCAUC);
- (h) adran 81 (cyfarwyddydau).
- 20 (4) Yn adran 83 (astudiaethau effeithlonrwydd), yn y tabl yn is-adran (1B) hepgorer y cofnodion ar gyfer “the Welsh Ministers” a “the HEFCW”.
- (5) Yn adran 91 (dehongli), hepgorer is-adran (4).
- (6) Yn adran 92 (mynegai), hepgorer y cofnodion ar gyfer “the HEFCW” ac “institution in Wales (in relation to the HEFCW)”.
- 25 (7) Hepgorer Atodlen 1 (Cynghorau Cyllido Addysg Bellach ac Uwch).

*Deddf Addysg 1996 (p. 56)*

- 2 (1) Mae Deddf Addysg 1996 wedi ei diwygio fel a ganlyn.
- (2) Yn adran 530 (prynu tir yn orfodol), yn is-adran (3) ym mharagraff (b) hepgorer “(including that paragraph as applied by section 76(3) of that Act)”.
- 30 (3) Yn Atodlen 36A (swyddogaethau addysg awdurdodau lleol), yn y tabl ym mharagraff 2 yn y cofnod ar gyfer Deddf Dysgu a Sgiliau 2000 –
- (a) yn y cofnod ar gyfer adran 33J, yn lle “the Welsh Ministers” rhodder “the Commission for Tertiary Education and Research”;
- (b) hepgorer y cofnod ar gyfer adran 83;
- 35 (c) hepgorer y cofnod ar gyfer adran 84;
- (d) hepgorer y cofnod ar gyfer Atodlenni 7 a 7A.

*Deddf Addysgu ac Addysg Uwch 1998 (p. 30)*

- 3 Hepgorer adran 27 o Ddeddf Addysgu ac Addysg Uwch 1998 (gwariant sy'n gymwys i gael cyllid).

*Deddf Safonau a Fframwaith Ysgolion 1998 (p. 31)*

- 5 4 (1) Mae Deddf Safonau a Fframwaith Ysgolion 1998 wedi ei diwygio fel a ganlyn.
- (2) Yn adran 49 (ysgolion a gynhelir i gael cyllidebau dirprwyedig), yn is-adran (6), ym mharagraff (b) hepgorer "section 75(2)(b) of,".
- (3) Yn Rhan 1 o Atodlen 22 (gwarediadau tir: ysgolion sefydledig ac ysgolion gwirfoddol yng Nghymru) –
- 10 (a) ym mharagraff 1, yn is-baragraff (1)(aa) hepgorer " , under that paragraph as applied by section 76(1) of that Act";
- (b) ym mharagraff 2, yn is-baragraff (1)(aa) hepgorer " , under either of those paragraphs as applied by section 76(1) or (3) of that Act";
- 15 (c) ym mharagraff 2A, yn is-baragraff (1)(aa) hepgorer " , under that paragraph as applied by section 76(1) of that Act";
- (d) ym mharagraff 3, yn is-baragraff (1)(aa) hepgorer " , under those paragraphs as applied by section 76(1) or (3) of that Act".

*Deddf Dysgu a Sgiliau 2000 (p. 21)*

- 5 (1) Mae Deddf Dysgu a Sgiliau 2000 wedi ei diwygio fel a ganlyn.
- 20 (2) Hepgorer adrannau 31 i 33 (prif ddyletswyddau mewn perthynas ag addysg a hyfforddiant ôl-16).
- (3) Yn adran 33A (llunio cwricwla lleol ar gyfer myfyrwyr 16 i 18 oed) –
- (a) yn is-adran (1) yn lle "The Welsh Ministers" rhodder "The Commission";
- (b) yn is-adran (2)(b) yn lle "the Welsh Ministers" rhodder "the Commission".
- 25 (4) Yn adran 33B (cwricwla lleol: y Gymraeg) yn lle "The Welsh Ministers" rhodder "The Commission" ac yn lle "their" rhodder "its".
- (5) Yn adran 33C (ardaloedd gyda mwy nag un cwricwlwm lleol) –
- (a) yn is-adran (1) yn lle "the Welsh Ministers form" rhodder "the Commission forms";
- 30 (b) yn is-adran (2), yn lle "the Welsh Ministers" rhodder "the Commission".
- (6) Yn adran 33D, ar ôl is-adran (3) mewnosoder –
- "(3A) The Welsh Ministers must consult the Commission before making regulations under subsection (3)."
- (7) Yn adran 33E (dewisiadau disgyblion o gyrsiau'r cwricwlwm lleol) –
- 35 (a) ar ôl is-adran (3) mewnosoder –
- "(3A) The Welsh Ministers must consult the Commission before making regulations under subsection (3).";



(b) yn is-adran (4) yn lle “the Welsh Ministers have” ym mhob lle rhodder “the Commission has”.

(8) Yn adran 33G (penderfyniad pennaeth ysgol neu bennaeth sefydliad o ran hawlogaeth), ar ôl is-adran (5) mewnosoder –

5 “(6) The Welsh Ministers must consult the Commission before making regulations under subsection (3), giving guidance under subsection (4) or making an order under subsection (5).”

(9) Yn adran 33I (penderfyniad pennaeth ysgol neu bennaeth sefydliad i ddileu hawlogaeth), ar ôl is-adran (5) mewnosoder –

10 “(6) The Welsh Ministers must consult the Commission before making regulations under subsection (3), giving guidance under subsection (4) or making an order under subsection (5).”

(10) Yn adran 33J (cynllunio’r cwricwlwm lleol) –

(a) yn is-adran (1) yn lle “the Welsh Ministers” rhodder “the Commission”;

15 (b) yn is-adran (2) yn lle “the Welsh Ministers decide” rhodder “the Commission decides”;

(c) hepgorer is-adrannau (3) a (4).

(11) Yn adran 33K (cyflawni hawlogaethau’r cwricwlwm lleol: cydweithio), yn is-adran (6) yn lle “the Welsh Ministers have” ym mhob lle rhodder “the Commission has”.

20 (12) Yn adran 33L (cydweithio: canllawiau a chyfarwyddydau), ar ôl is-adran (2) mewnosoder –

“(2A) The Welsh Ministers must consult the Commission before giving guidance under subsection (1).”

25 (13) Yn adran 33M (pŵer i ddiwygio meysydd dysgu), daw’r testun presennol yn is-adran (1) ac ar ôl yr is-adran honno mewnosoder –

“(2) The Welsh Ministers must consult the Commission before making an order under subsection (1).”

(14) Yn adran 33N (y cwricwlwm lleol: dehongli), yn is-adran (1) –

(a) yn lle “33L” rhodder “33M”;

30 (b) ar ôl y diffiniad o “academic year” mewnosoder –

““the Commission” means the Commission for Tertiary Education and Research;”.

(15) Yn adran 33O (y cwricwlwm lleol: cyfarwyddydau), hepgorer “, 33J(3)”.

35 (16) Yn adran 33P (cymhwyso darpariaethau’r cwricwlwm lleol i fyfyrwyr sy’n ddisgyblion cofrestredig mewn ysgolion arbennig neu fyfyrwyr a chanddynt anghenion dysgu ychwanegol) –

(a) yn is-adran (1) ar ôl “Regulations” mewnosoder “made by the Welsh Ministers”;

(b) ar ôl is-adran (3) mewnosoder –

“(4) The Welsh Ministers must consult the Commission for Tertiary Education and Research before making regulations under subsection (1).”

5 (17) Yn adran 33Q (cymhwyso darpariaethau’r cwricwlwm lleol i sefydliadau o fewn y sector addysg uwch) –

(a) yn is-adran (1) ar ôl “Regulations” mewnosoder “made by the Welsh Ministers”;

(b) ar ôl is-adran (3) mewnosoder –

10 “(4) The Welsh Ministers must consult the Commission for Tertiary Education and Research before making regulations under subsection (1).”

(18) Hepgorer adrannau 34 i 38 (prif bwerau).

(19) Yn adran 40 (ymchwil a gwybodaeth), hepgorer is-adrannau (5) a (6).

(20) Hepgorer adran 41 (personau ag anghenion dysgu ychwanegol).

15 (21) Yn adran 73 (arolygwyr addysg a hyfforddiant yng Nghymru), hepgorer is-adrannau (1) a (2).

(22) Yn adran 74 (termau wedi eu diffinio), yn is-adran (2) yn lle “the person mentioned in section 73(1)” rhodder “Her Majesty’s Chief Inspector of Education and Training in Wales or Prif Arolygydd Ei Mawrhydi dros Addysg a Hyfforddiant yng Nghymru”.

20 (23) Hepgorer adrannau 75 i 80 a 83 i 88 (arolygiadau yng Nghymru).

*Deddf Addysg 2002 (p. 32)*

6 (1) Mae Deddf Addysg 2002 wedi ei diwygio fel a ganlyn.

(2) Yn adran 178 (addysg a hyfforddiant a ddarperir yn y gweithle ar gyfer personau 14 i 16 oed), hepgorer is-adrannau (1) a (4).

25 (3) Yn Atodlen 21 (mân ddiwygiadau a diwygiadau canlyniadol), hepgorer paragraff 125.

*Deddf Addysg Uwch 2004 (p. 8)*

7 (1) Mae Deddf Addysg Uwch 2004 wedi ei diwygio fel a ganlyn.

(2) Yn adran 20A (sefydliadau sy’n peidio â bod yn sefydliadau cymhwysol), yn is-adran (4) ar ôl “(f) of” mewnosoder “subsection (1) of”.

30 *Deddf Addysg 2005 (p. 18)*

8 (1) Mae Deddf Addysg 2005 wedi ei diwygio fel a ganlyn.

(2) Yn adran 20 (swyddogaethau’r Prif Arolygydd), yn is-adran (7) yn lle “which is brought within the remit of the Chief Inspector by Part 4 of the Learning and Skills Act 2000 (c. 21)” rhodder “to which the functions of the Chief Inspector under Part 2 of the Tertiary Education and Research (Wales) Act 2021 apply”.

35

- (3) Yn adran 24 (pŵer y Prif Adolygydd i drefnu arolygiadau), yn is-adran (6) yn lle “brought within the remit of the Chief Inspector by Part 4 of the Learning and Skills Act 2000 (c. 21)” rhodder “to which the functions of the Chief Inspector under Part 2 of the Tertiary Education and Research (Wales) Act 2021 apply”.
- 5 (4) Yn adran 28 (dyletswydd i drefnu arolygiadau rheolaidd o ysgolion penodol), ym mharagraff (a) o is-adran (7) yn lle “which is brought within the remit of the Chief Inspector by Part 4 of the Learning and Skills Act 2000 (c. 21)” rhodder “to which the functions of the Chief Inspector under Part 2 of the Tertiary Education and Research (Wales) Act 2021 apply”.
- 10 (5) Yn adran 44C (adroddiad yn dilyn arolygiad ardal ar ysgolion a chanddynt chweched dosbarth y mae arnynt angen gwelliant sylweddol), yn is-adran (1) yn lle “section 83 of the Learning and Skills Act 2000” rhodder “section 55 of the Tertiary Education and Research (Wales) Act 2021”.
- (6) Yn adran 44D (copïau o’r adroddiad a’r cynllun gweithredu), yn is-adran (3) –
- 15 (a) yn lle “paragraph” rhodder “section”;
- (b) ym mharagraff (a), yn lle “38(2)” rhodder “38(3)”.
- (7) Yn adran 44E (adroddiad ar ysgolion chweched dosbarth sy’n peri pryder yn dilyn arolygiad ardal), yn is-adran (1) yn lle “section 83 of the Learning and Skills Act 2000” rhodder “section 55 of the Tertiary Education and Research (Wales) Act 2021”.
- 20 (8) Hepgorer adrannau 85 i 88 (cyllido hyfforddiant athrawon gan Gyngor Cyllido Addysg Uwch Cymru).
- (9) Yn Atodlen 9 (diwygiadau sy’n ymwneud ag arolygu ysgolion), hepgorer paragraffau 24 a 25.
- (10) Yn Atodlen 18 (diwygiadau pellach), hepgorer paragraff 13.

25 *Deddf Comisiynydd Pobl Hŷn (Cymru) 2006 (p. 30)*

- 9 Yn Atodlen 2 i Ddeddf Comisiynydd Pobl Hŷn (Cymru) 2006 (personau y mae eu swyddogaethau yn ddarostyngedig i’w hadolygu o dan adran 3), o dan yr is-bennawd “Education and training” yn lle “The Higher Education Funding Council for Wales” rhodder “The Commission for Tertiary Education and Research”.

30 *Deddf Llywodraeth Cymru 2006 (p. 32)*

- 10 (1) Mae Deddf Llywodraeth Cymru 2006 wedi ei diwygio fel a ganlyn.

- (2) Yn adran 148 (ystyr cofnodion cyhoeddus Cymru), yn is-adran (2) –

- (a) ar ôl paragraff (a), mewnosoder –

“(aa) the Commission for Tertiary Education and Research,”;

- 35 (b) hepgorer paragraff (h).

*Deddf Addysg a Sgiliau 2008 (p. 25)*

- 11 (1) Mae Deddf Addysg a Sgiliau 2008 wedi ei diwygio fel a ganlyn.

- (2) Yn adran 91 (gwybodaeth: atodol), yn is-adran (3) ar ôl paragraff (b) mewnosoder –  
“(c) the Commission for Tertiary Education and Research.”

*Deddf Prentisiaethau, Sgiliau, Plant a Dysgu 2009 (p. 22)*

- 12 (1) Mae Deddf Prentisiaethau, Sgiliau, Plant a Dysgu 2009 wedi ei diwygio fel a ganlyn.  
5 (2) Hepgorer –  
(a) adran 2 (ystyr cwblhau prentisiaeth Gymreig);  
(b) adrannau 7 i 12 (tystysgrifau a fframweithiau prentisiaethau);  
(c) adrannau 18 i 22 (fframweithiau prentisiaethau);  
(d) adrannau 28 i 36 (safonau a chytundebau prentisiaethau);  
10 (e) adrannau 38 a 39 (sectorau prentisiaethau a dehongli).  
(3) Yn adran 262 (gorchmynion a rheoliadau), yn is-adran (9), hepgorer “under Chapter 1 of Part 1 (other than an order under section 10) or”.

*Mesur Dysgu a Sgiliau (Cymru) 2009 (mccc 1)*

- 13 (1) Mae Mesur Dysgu a Sgiliau (Cymru) 2009 wedi ei ddiwygio fel a ganlyn.  
15 (2) Hepgorer adran 21 (addysg a hyfforddiant ar gyfer personau 16 i 18 oed).  
(3) Yn adran 43 (y ddogfen llwybr dysgu), ar ôl is-adran (6) mewnosoder –  
“(7) Rhaid i Weinidogion Cymru ymgynghori â'r Comisiwn Addysg Drydyddol ac Ymchwil cyn rhoi canllawiau o dan is-adran (6).”  
(4) Yn yr Atodlen (mân ddiwygiadau a diwygiadau canlyniadol), hepgorer paragraffau 1 i 9.

20 *Mesur Plant a Theuluoedd (Cymru) 2010 (mccc 1)*

- 14 Yn adran 6 o Fesur Plant a Theuluoedd (Cymru) 2010 (ystyr awdurdod Cymreig), yn is-adran (1)(g), yn lle “Cyngor Cyllido Addysg Uwch Cymru” rhodder “y Comisiwn Addysg Drydyddol ac Ymchwil”.

*Mesur y Gymraeg (Cymru) 2011 (mccc 1)*

- 25 15 Yn Atodlen 6 i Fesur y Gymraeg (Cymru) 2011 (personau sy'n agored i orfod cydymffurfio â safonau: cyrff cyhoeddus etc), yn y tabl o dan y pennawd “Cyffredinol” –

(a) mewnosoder yn y lle priodol –

**Tabl 1**

5	“Y Comisiwn Addysg Drydyddol ac Ymchwil (“The Commission for Tertiary Education and Research”)	Safonau cyflenwi gwasanaethau
		Safonau llunio polisi
		Safonau gweithredu
		Safonau cadw cofnodion”

(b) hepgorer y cofnod sy’n ymwneud â Chyngor Cyllido Addysg Uwch Cymru.

10 *Deddf Safonau a Threfniadaeth Ysgolion (Cymru) 2013 (dccc 1)*

16 (1) Mae Deddf Safonau a Threfniadaeth Ysgolion (Cymru) 2013 wedi ei diwygio fel a ganlyn.

(2) Yn adran 1 (trosolwg) –

(a) ar ôl is-adran (9) mewnosoder –

15 “(9A) Mae Pennod 3A yn darparu pwerau i’r Comisiwn Addysg Drydyddol ac Ymchwil resymoli addysg chweched dosbarth.”

(b) hepgorer is-adran (11).

(3) Yn adran 38 (cod trefniadaeth ysgolion) –

(a) yn is-adran (2), ar ôl paragraff (c) mewnosoder –

“(ca) y Comisiwn Addysg Drydyddol ac Ymchwil;”;

20 (b) yn is-adran (5), ar ddiwedd paragraff (c) hepgorer “neu” ac ar ôl y paragraff hwnnw mewnosoder –

“(ca) y Comisiwn Addysg Drydyddol ac Ymchwil, neu”.

(4) Yn adran 39 (llunio a chymeradwyo cod trefniadaeth ysgolion), yn is-adran (1), ar ddiwedd paragraff (c) hepgorer “ac” ac ar ôl y paragraff hwnnw mewnosoder –

25 “(ca) y Comisiwn Addysg Drydyddol ac Ymchwil, a”.

(5) Yn adran 50 (eu cymeradwyo gan Weinidogion Cymru) –

(a) yn is-adran (1), hepgorer paragraff (a);

(b) hepgorer is-adran (2).

(6) Yn adran 54 (eu hatgyfeirio i Weinidogion Cymru) –

30 (a) yn is-adran (2) ar ôl paragraff (f) mewnosoder –

“(g) os yw’r cynigion yn effeithio ar addysg chweched dosbarth, y Comisiwn Addysg Drydyddol ac Ymchwil.”;

(b) ar ôl is-adran (3) mewnosoder –

“(3A) Mae cynigion yn effeithio ar addysg chweched dosbarth at ddiben is-adran (2)(g) –

(a) os ydynt yn gynigion i sefydlu neu derfynu ysgol sy’n darparu addysg sy’n addas i ofynion personau dros oedran ysgol gorfodol yn unig, neu

(b) os ydynt yn gynigion i wneud newid rheoleiddiedig i ysgol, y byddai ei effaith yn golygu bod darparu addysg sy’n addas i ofynion personau dros oedran ysgol gorfodol yn yr ysgol yn cynyddu neu’n lleihau.”

(7) Yn adran 61 (ymchwiliad lleol i gynigion) –

(a) yn is-adran (4) yn lle “70 a 73” rhodder “63F, 63G a 70”;

(b) yn is-adran (6) ym mharagraff (d) yn lle “68 neu 71” rhodder “63C neu 68”;

(c) yn is-adran (8) yn lle “yn y cyfarwyddyd o dan adran 57(2)” rhodder “mewn cyfarwyddyd o dan adran 57(2) neu 63A(1)”;

(d) yn is-adran (9) –

(i) ym mharagraff (a) yn lle “70 neu 73” rhodder “63F neu 70”;

(ii) ym mharagraff (b) ar ôl “53” mewnosoder “neu 63G”.

(8) Ar ôl adran 63 mewnosoder –

### “PENNOD 3A

#### CYNIGION I RESYMOLI DARPARIAETH CHWECHED DOSBARTH

#### **63A Cyfarwyddydau gan y Comisiwn i wneud cynigion chweched dosbarth**

(1) Caiff y Comisiwn, yn unol â’r Cod –

(a) cyfarwyddo awdurdod lleol i arfer ei bwerau i wneud cynigion i –

(i) sefydlu neu derfynu ysgol sy’n darparu addysg sy’n addas i ofynion personau dros oedran ysgol gorfodol yn unig, neu

(ii) gwneud newid a ddisgrifir yn Atodlen 2 i ysgol, y byddai ei effaith yn golygu bod darparu addysg sy’n addas i ofynion personau dros oedran ysgol gorfodol yn yr ysgol yn cynyddu neu’n lleihau.

(b) cyfarwyddo corff llywodraethu ysgol sefydledig neu ysgol wirfoddol i arfer ei bwerau i wneud newid a ddisgrifir yn Atodlen 2 i ysgol, y byddai ei effaith yn golygu bod darparu addysg sy’n addas i ofynion personau dros oedran ysgol gorfodol yn yr ysgol yn cynyddu neu’n lleihau.

(2) Rhaid i gyfarwyddyd o dan is-adran (1) –

- (a) ei gwneud yn ofynnol i'r cynigion gael eu cyhoeddi heb fod yn hwyrach na'r dyddiad a bennir yn y cyfarwyddyd, a
- (b) ei gwneud yn ofynnol i'r cynigion, wrth roi effaith i'r cyfarwyddyd, gymhwyso unrhyw egwyddorion a bennir ynddo.

**63B Darpariaeth bellach ynghylch cynigion a wneir ar ôl cyfarwyddyd o dan adran 63A(1)**

- (1) Ni chaniateir i gynigion a wneir yn unol â chyfarwyddyd o dan adran 63A(1) gael eu tynnu'n ôl heb gydsyniad y Comisiwn.
- (2) Caiff y Comisiwn roi cydsyniad at ddibenion is-adran (1) yn ddarostyngedig i amodau.
- (3) Rhaid i awdurdod lleol ad-dalu gwariant yr aed iddo'n rhesymol gan gorff llywodraethu ysgol a gynhelir ganddo wrth wneud cynigion yn unol â chyfarwyddyd o dan adran 63A(1).
- (4) Er gwaethaf unrhyw beth yn Rhan 1 o Atodlen 3 (cyfrifoldeb dros weithredu cynigion statudol), rhaid i awdurdod lleol gwrdd â'r gost o weithredu cynigion a wneir gan gorff llywodraethu ysgol a gynhelir ganddo yn unol â chyfarwyddyd o dan adran 63A(1) a'r rheini'n gynigion sydd wedi eu cymeradwyo neu y penderfynwyd eu gweithredu.

**63C Gwneud cynigion gan y Comisiwn**

- (1) Mae'r adran hon yn gymwys pan fo –
- (a) y Comisiwn wedi gwneud cyfarwyddyd o dan adran 63A(1), a
- (b) naill ai –
- (i) cynigion wedi eu cyhoeddi'n unol â'r cyfarwyddyd, neu
- (ii) yr amser a ganiatawyd o dan y cyfarwyddyd ar gyfer cyhoeddi'r cynigion wedi dirwyn i ben.
- (2) Caiff y Comisiwn wneud unrhyw gynigion y gellid bod wedi eu gwneud yn unol â'r cyfarwyddyd.
- (3) Ond rhaid i'r Comisiwn gael cydsyniad Gweinidogion Cymru cyn gwneud cynnig i wneud newid a ddisgrifir ym mharagraff 6 o Atodlen 2 (agor neu gau chweched dosbarth ysgol) i ysgol wirfoddol neu ysgol sefydledig.
- (4) Pan fo'r Comisiwn yn gwneud cynigion o dan yr adran hon, mae unrhyw gynigion sydd wedi eu gwneud gan awdurdod lleol neu gorff llywodraethu ac sydd wedi eu cyhoeddi yn unol â'r cyfarwyddyd i'w trin fel pe baent wedi eu tynnu'n ôl.

**63D Cyhoeddi cynigion y Comisiwn ac ymgynghori arnynt**

- (1) Rhaid i'r Comisiwn gyhoeddi cynigion a wneir o dan adran 63C yn unol â'r Cod.
- (2) Cyn cyhoeddi cynigion a wneir o dan adran 63C, rhaid i'r Comisiwn ymgynghori ynglŷn â'i gynigion yn unol â'r Cod.
- (3) Nid yw'r gofyniad i ymgynghori yn gymwys i gynigion i derfynu ysgol sy'n ysgol fach o fewn yr ystyr a roddir gan adran 56.
- (4) Cyn diwedd 7 niwrnod gan ddechrau ar ddiwrnod eu cyhoeddi, rhaid i'r Comisiwn anfon copiâu o'r cynigion cyhoeddedig –
- (a) at Weinidogion Cymru,
- (b) at yr awdurdod lleol sy'n cynnal, neu y cynigir y bydd yn cynnal, yr ysgol y mae'r cynigion yn ymwneud â hi, ac
- (c) at gorff llywodraethu (os oes un) yr ysgol y mae'r cynigion yn ymwneud â hi.
- (5) Rhaid i'r Comisiwn gyhoeddi adroddiad ar yr ymgynghoriad y mae wedi ei gynnal yn unol â'r Cod.

**63E Gwrthwynebiadau i gynigion y Comisiwn**

- (1) Caiff unrhyw berson wrthwynebu cynigion a gyhoeddir o dan adran 63D.
- (2) Rhaid i wrthwynebiadau gael eu hanfon yn ysgrifenedig i'r Comisiwn cyn diwedd 28 o ddiwrnodau gan ddechrau ar y diwrnod y cafodd y cynigion eu cyhoeddi ("y cyfnod gwrthwynebu").
- (3) Rhaid i'r Comisiwn gyhoeddi crynodeb o'r holl wrthwynebiadau a wnaed yn unol ag is-adran (2) (ac nad ydynt wedi eu tynnu'n ôl) a'i ymateb i'r gwrthwynebiadau hynny cyn diwedd 28 o ddiwrnodau gan ddechrau ar ddiwedd y cyfnod gwrthwynebu.

**63F Eu cymeradwyo gan Weinidogion Cymru**

- (1) Mae'n ofynnol i gynigion a gyhoeddir gan y Comisiwn o dan adran 63D gael eu cymeradwyo o dan yr adran hon os yw gwrthwynebiad wedi ei wneud yn unol ag adran 63E(2) ac nad yw wedi ei dynnu'n ôl yn ysgrifenedig cyn diwedd 28 o ddiwrnodau gan ddechrau ar ddiwedd y cyfnod gwrthwynebu.
- (2) Pan fo'n ofynnol i gynigion gael eu cymeradwyo o dan yr adran hon, rhaid i'r Comisiwn anfon copi o'r dogfennau a restrir yn is-adran (3) at Weinidogion Cymru cyn diwedd 35 o ddiwrnodau gan ddechrau ar ddiwedd y cyfnod gwrthwynebu.



- (3) Y dogfennau yw –
- (a) yr adroddiad a gyhoeddir o dan adran 63D(5),
  - (b) y cynigion cyhoeddedig,
  - (c) unrhyw wrthwynebiadau a wneir yn unol ag adran 63E(2) (ac nad ydynt wedi eu tynnu'n ôl), a
  - (d) pan fo gwrthwynebiadau wedi eu gwneud felly (ac nad ydynt wedi eu tynnu'n ôl), yr ymateb a gyhoeddir o dan adran 63E(3).
- (4) Pan fo'n ofynnol i gynigion gael eu cymeradwyo o dan yr adran hon, caiff Gweinidogion Cymru –
- (a) gwrthod y cynigion,
  - (b) eu cymeradwyo heb eu haddasu, neu
  - (c) eu cymeradwyo gydag addasiadau –
    - (i) ar ôl cael cydsyniad y Comisiwn i'r addasiadau, a
    - (ii) ar ôl ymgynghori â'r awdurdod lleol sy'n cynnal, neu y cynigir y bydd yn cynnal, yr ysgol y mae'r cynigion yn ymwneud â hi, ac â chorff llywodraethu (os oes un) yr ysgol y mae'r cynigion yn ymwneud â hi.
- (5) Caniateir i gymeradwyaeth ddatgan mai dim ond os bydd digwyddiad a bennir yn y gymeradwyaeth yn digwydd erbyn dyddiad a bennir felly, y byddai'n dod yn weithredol.
- (6) Caiff Gweinidogion Cymru, ar gais y Comisiwn, bennu dyddiad diweddarach erbyn pryd y mae'r digwyddiad y cyfeiriwyd ato yn is-adran (5) i ddigwydd.
- (7) Nid yw is-adran (1) yn atal cynigion rhag cael eu tynnu'n ôl drwy hysbysiad ysgrifenedig a roddir gan y Comisiwn i Weinidogion Cymru ar unrhyw bryd cyn iddynt gael eu cymeradwyo o dan yr adran hon.
- (8) Nid yw'n ofynnol i gynigion i derfynu ysgol sy'n ysgol fach o fewn yr ystyr a roddir gan adran 56 gael unrhyw gymeradwyaeth o dan yr adran hon.

### 63G Penderfynu

- (1) Pan na fo'n ofynnol i gynigion a gyhoeddir o dan adran 63D gael eu cymeradwyo o dan adran 63F, rhaid i'r Comisiwn benderfynu a ddylid gweithredu'r cynigion.
- (2) Os na fydd penderfyniad o dan is-adran (1) wedi ei wneud cyn diwedd 16 o wythnosau gan ddechrau ar ddiwedd y cyfnod gwrthwynebu, bennir bod y Comisiwn wedi tynnu'r cynigion yn eu hól.

- (3) Cyn diwedd 7 niwrnod gan ddechrau ar ddiwrnod ei benderfyniad o dan is-adran (1), rhaid i'r Comisiwn hysbysu'r canlynol am y penderfyniad—

(a) Gweinidogion Cymru;

(b) yr awdurdod lleol sy'n cynnal, neu y cynigir y bydd yn cynnal, yr ysgol y mae'r cynigion yn ymwneud â hi;

(c) corff llywodraethu (os oes un) yr ysgol y mae'r cynigion yn ymwneud â hi.

### 63H Gweithredu cynigion

- (1) Mae cynigion sydd wedi eu cymeradwyo gan Weinidogion Cymru o dan adran 63F neu y penderfynwyd eu gweithredu gan y Comisiwn o dan adran 63G yn cael effaith fel petaent wedi eu cymeradwyo gan Weinidogion Cymru o dan adran 50 ar ôl iddynt gael eu gwneud—

(a) gan yr awdurdod lleol o dan ei bwerau i wneud cynigion i sefydlu, newid neu derfynu ysgolion, neu

(b) yn achos cynigion i newid ysgol sefydledig neu ysgol wirfoddol, gan y corff llywodraethu o dan ei bwerau i wneud cynigion i newid ei ysgol.

- (2) Er gwaethaf unrhyw beth yn Rhan 1 o Atodlen 3 (cyfrifoldeb dros weithredu cynigion statudol), rhaid i'r awdurdod lleol sy'n cynnal yr ysgol o dan sylw gwrdd â'r gost o weithredu cynigion sydd wedi eu cymeradwyo o dan adran 63F neu y penderfynwyd eu gweithredu o dan adran 63G ac sy'n cael effaith fel a grybwyllir yn is-adran (1)(b).

### 63I Dehongli Pennod 3A

Yn y Bennod hon—

ystyr "y Cod" (*"the Code"*) yw'r cod ar drefniadaeth ysgolion a ddyroddir o dan adran 38(1);

ystyr "y Comisiwn" (*"the Commission"*) yw'r Comisiwn Addysg Drydyddol ac Ymchwil."

- (9) Hepgorer adrannau 71 i 76 (cynigion i ailstrwythuro addysg chweched dosbarth).
- (10) Yn adran 80 (hysbysiad gan gorff llywodraethu am derfynu ysgol sefydledig neu ysgol wirfoddol), yn is-adran (3) yn lle "â Gweinidogion Cymru" rhodder "â'r Comisiwn Addysg Drydyddol ac Ymchwil" ac yn lle "anghenion" rhodder "ofynion".
- (11) Yn adran 82 (gorchmynion esemptio trosiannol at ddibenion Deddf Cydraddoldeb 2010), yn is-adran (2) yn lle "68 neu 71" rhodder "neu 68".
- (12) Yn adran 98 (dehongli'n gyffredinol a mynegai o ymadroddion sydd wedi eu diffinio), yn is-adran (3)—

(a) mewnosoder yn y lle priodol—

"ystyr "y Comisiwn" (*"the Commission"*) ym Mhennod 3A o Ran 3 yw'r Comisiwn Addysg Drydyddol ac Ymchwil;"

- (b) yn y diffiniad o “y Cod” yn lle “Mhennod 2” rhodder “Mhenodau 2 a 3A”;
- (c) yn y diffiniad o “cyfnod gwrthwynebu” ar ôl “Ran 3” mewnosoder “ac yn adran 63E(2) at ddibenion Pennod 3A o Ran 3”.

(13) Yn Atodlen 2 (newidiadau rheoleiddiedig)—

- 5 (a) ym mharagraff 10 (newidiadau i fangreodd), yn is-baragraff (3)(c)(i), ar ôl “59,” mewnosoder “63D,”;
- (b) ym mharagraff 19 (cynnydd yn nifer disgyblion: ysgolion arbennig), yn is-baragraff (2)(c)(i), ar ôl “59,” mewnosoder “63D,”.

(14) Yn Atodlen 5 (mân ddiwygiadau a diwygiadau canlyniadol), hepgorer paragraff 20(3).

10 *Deddf Llesiant Cenedlaethau'r Dyfodol (Cymru) 2015 (dccc 2)*

17 Yn adran 6 o Ddeddf Llesiant Cenedlaethau'r Dyfodol (Cymru) 2015 (ystyr corff cyhoeddus), yn is-adran (1)(h), yn lle “Cyngor Cyllido Addysg Uwch Cymru” rhodder “y Comisiwn Addysg Drydyddol ac Ymchwil”.

*Deddf Addysg Uwch (Cymru) 2015 (dccc 1)*

15 18 Mae Deddf Addysg Uwch (Cymru) 2015 wedi ei diddymu.

*Deddf Dadreoleiddio 2015 (p. 20)*

- 19 (1) Mae Deddf Dadreoleiddio 2015 wedi ei diwygio fel a ganlyn.
- (2) Yn adran 3 (prentisiaethau), hepgorer is-adran (4).
- (3) Yn Atodlen 1 (prentisiaethau), hepgorer Rhan 3.

20 *Deddf yr Amgylchedd (Cymru) 2016 (dccc 3)*

20 Yn adran 10 o Ddeddf yr Amgylchedd (Cymru) 2016 (ystyr corff cyhoeddus), yn is-adran (1)(f), yn lle “Cyngor Cyllido Addysg Uwch Cymru” rhodder “y Comisiwn Addysg Drydyddol ac Ymchwil”.

*Deddf Iechyd y Cyhoedd (Cymru) 2017 (dccc 2)*

25 21 Yn adran 110 o Ddeddf Iechyd y Cyhoedd (Cymru) 2017 (ystyr corff cyhoeddus), yn is-adran (1)(h), yn lle “Cyngor Cyllido Addysg Uwch Cymru” rhodder “y Comisiwn Addysg Drydyddol ac Ymchwil”.

*Deddf Addysg Uwch ac Ymchwil 2017 (p. 29)*

- 22 (1) Mae Deddf Addysg Uwch ac Ymchwil 2017 wedi ei diwygio fel a ganlyn.
- 30 (2) Yn Atodlen 11 (mân ddiwygiadau a diwygiadau canlyniadol sy'n ymwneud â Rhan 1), hepgorer paragraffau 14, 15, 16, 17, 18, 25, 26(3) a (4).

*Deddf Anghenion Dysgu Ychwanegol a'r Tribiwnlys Addysg (Cymru) 2018 (dccc 2)*

23 (1) Mae Deddf Anghenion Dysgu Ychwanegol a'r Tribiwnlys Addysg (Cymru) 2018 wedi ei diwygio fel a ganlyn.

- (2) Yn adran 4 (cod anghenion dysgu ychwanegol), yn is-adran (3), ar ôl paragraff (c) mewnosoder –

“(ca) y Comisiwn Addysg Drydyddol ac Ymchwil;  
(cb) Gweinidogion Cymru;”.

- 5 (3) Yn adran 5 (y weithdrefn ar gyfer gwneud y cod anghenion dysgu ychwanegol), yn is-adran (1), ar ôl paragraff (d) mewnosoder –

“(da) y Comisiwn Addysg Drydyddol ac Ymchwil;”

- (4) Yn adran 50 (dyletswyddau Gweinidogion Cymru i sicrhau addysg a hyfforddiant ôl-16), hepgorer is-adrannau (1) i (4).

- 10 (5) Yn adran 65 (dyletswyddau i ddarparu gwybodaeth a help arall), yn is-adran (4) ar ôl paragraff (d) mewnosoder –

“(da) y Comisiwn Addysg Drydyddol ac Ymchwil;  
(db) Gweinidogion Cymru;”.

*Deddf Ombwdsmon Gwasanaethau Cyhoeddus (Cymru) 2019 (dccc 3)*

- 15 24 Yn Atodlen 3 i Ddeddf Ombwdsmon Gwasanaethau Cyhoeddus (Cymru) 2019 (awdurdodau rhestredig), o dan yr is-bennawd “Addysg a hyfforddiant” yn lle “Cyngor Cyllido Addysg Uwch Cymru” rhodder “y Comisiwn Addysg Drydyddol ac Ymchwil”.